

WANTOK



Namba 1738
Wan Wik, Novemba, 15 - 21, 2007

Niuspepa Bilong Yumi Ol PNG Stret!


K1 tasol
long olgeta hap

Catholic Reporter Novemba
2007 isu i stap insait...

PMV fe bai go antap
- Pes 2

Wol tuna kapitel bai i
stap long PNG? - Pes 4

Laikim
Kredit?
Askim
wantaim
Kredit
Mi!



POLIS SOIM ROT...

WOK bilong klinim Mosbi siti i no bilong
Nesanel Kapitel Distrik Komisn tasol. Nogat. Ol
dispela polismanmeri bilong Godens Polis
Bareks long Mosbi siti i bin kisim ol bikipela
NCDC dram pipia i gat wil long en bai ol i
sanapim na kisim pipia insait long bareks bilong
ol. Dispela em wanpela bikipela wok program
bilong NCDC long kirapim tingting bilong olgeta
manmeri long Mosbi long lukautim siti bai em i
stap klin oltaim.

POTO: NICKY BERNARD

Pablik Akauns Komiti kirapim wok glasim

...nogat wok glasim
i kamap long 150
askim bilong komiti

Veronica Hatutasi i raitim

Ol Dipatmen bai kisim wok glasim:

- Helt Dipatmen
- Edukesen Dipatmen
- Sauten Hailans Provinsiel Gavman
- Nesanel Musium na At Galeri
- Fainens Dipatmen
- Sentral Siti Developmen

STILIM na yusim krangi bikipela manimak
long pablik mani em i namba wan bikipela hevi i
pasim wok developmen na go het bilong Papua
Niugini (PNG).

Siaman bilong Pemanen Palamenteri Komiti
long Pablik Akauns Komiti, (PPCPAC) na

Memba bilong Nawae, Timothy Bonga i bin
mekim dispela toktok long namba wan sindaun
bilong komiti long Namba 8 Palamen aste
(Trinde).

Moa stori long pes 3

Usim Digicel
KreditMi long
askim long kredit
lon ol narapela
Digicel
mobail fon.

PAITIM:
127
MOBAIL NAMBA*
HAMAS KREDIT
YU LAIKIM#
PAITIM SEND

Digicel

Gulpela Bikipela moa Network.




Promotim Seif na Strongpela Sosaiti bilong yumi olgeta!



Brian Bell Kampani igat ol kain kain masin blong wok didiman long Papua Niugini.
Mipela igat fetilaisa marasin tu na ol seeds blong ol kaikai na kumu long gaden
olsem kebis, letis, anian, brocoli, tomato na planti arapela moa.


Brian Bell Kampani luksave olsem wok didiman em bun blong ol bikipela lain pipol
long asples PNG. Mipela helpim na strongim dispela wok didiman longpela taim
tru ikam inap nau tu.

Mipla sapotim wok didiman
long Papua Niugini long gro
bikipela



PLAZA 325 5411 HOMECENTRE CITY-GORDONS 325 8469 HOMECENTRE CITY-LAE 472 3200 TOPTOWN 479 1918
GOROKA 732 1622 KOKOPO 982 9027 MT. HAGEN 542 1999 MADANG 852 1899 Email: bbsales@brianbell.com.pg

Brian Bell
Shop with a friend



RIPOT I GUTPELA, NAU KARIMAUT: PMV na Teksi Fe Rivyu, wanpela ripot we i glasim fe na wok bisnis bilong ol PMV na teksi we Independen Konsuma na Kompetisen Komisn (ICCC) i autim las wik Fonde i bai lukim kos bilong ol bas na teksi fe i go antap. Nau yet kos bilong teksi em K1.50 long kalap i go insait na K2 bilong wan wan kilomita teksi i ron long en. ICCC i tingting long senisim kos i go long K200 long kalap i go insait na K2.50 bilong wan wan kilomita, tasol dispela i no inap kamap inap pinis bilong 2008.

Sampela ol narapela senis em ol teksi i mas i gat teksi mita. Mista Abe i tok ol papa bilong ol teksi bai kisim bek mani ol i peim long ol teksi mita na wok bilong putim i go insait long teksi bikos kos bilong teksi fe bai i go antap.

George Don Ru, wanpela teksi draiva long Mosbi, i tok i gutpela long lukim dispela ripot na sampela ol senis olsem putim mita long teksi bai helpim ol pasindia na draiva wantaim long sait bilong peim na kisim mani. Tasol em i tok, ol lo i gutpela, tasol sait bilong karimaut ol lo i narapela samting. Na dispela em hap we ol atoriti i mas strongim. Long poto Mista Ru i wok long skelim dispela PMV na Teksi Fe Rivyu buk.

PMV fe i bai i go antap

William Natera i raitim

KOS bilong bas fe bai i go antap.

Dispela em toktok bilong Independen Konsuma na Kompetisen Komisn (ICCC), wanpela han bilong gavman husat i gat wok long strongim kompetisen, gutpela wok bisnis, na was long ol kos bilong sampela ol guds na sevis long Papua Niugini (PNG).

ICCC Komisina Thomas Abe i bin toksave long ol senis long bas fe o pe bilong bas las wik Fonde long Mosbi long Nesenel Kapitel Distrik (NCD) taim ICCC i bin putim aut PMV na Teksi Fe Rivyu, wanpela ripot we i glasim fe na wok bisnis bilong ol PMV na teksi.

Mista Abe i tok tumoro (Fraide, Novemba 16) ol pasindia long Mosbi long i mas stat peim ol dispela nupela bas fe;

- Ol bikpela manmeri (adalt) 80t
- Ol sumatin (gret 11 i go long ol koles na yunivesiti) 60t (75 pesen bilong 80t)
- Ol sumatin (gret 10 na i go daun) 40t (50 pesen bilong 80t)

Ripot i tok dispela lo bilong 75 na 50 pesen (%) bilong ol sumatin i bai stap long olgeta hap bilong kantri, i no Mosbi tasol.

Em dispela lo ol pasindia i mas bihainim long baim bas na ol bas kru i mas bihainim taim ol i kisim mani.

Long Lae, Morobe Provins, bas fe

bai go antap 20t moa long kos bilong en nau. Long Kokopo, Is Nu Briten Provins, Wewak, Is Sepik Provins, na Kimbe, Wes Nu Briten Provins, bas fe bai go antap 10t moa long kos bilong en nau. Long sampela ol arapela provins, kos i no inap go antap inap Januari 1, 2008.

Mista Abe i tok ICCC i kamap wantaim ol dispela nupela bas na teksi fe bihain long ol askim i kam long ol papa bilong ol PMV na teksi long apim ol bas fe na ol pasindia long mekim sevis i gutpela moa (kwality bilong sevis).

Mista Abe taim em i toktok long bas fe i go antap i tok ol PMV i mas apim kwality bilong sevis bilong ol, kain olsem, pinisim olgeta ol rut bilong ol, noken stop namel.

Em i tok ol woklain o inspekta bilong ICCC wantaim ol Len Transpot Bod woklain na Polis bai stap long ol bas stop long lukim olsem ol bos kru na ol pasindia i bihainim bas fe stret.

Long ol teksi ripot i tok olgeta teksi bai i mas putim ol teksi mita.

Mista Abe i tok ol papa bilong ol teksi bai kisim bek mani ol i peim long ol teksi mita na wok bilong putim i go insait long teksi bikos kos bilong teksi fe bai i go antap.

Ripot i tok nau yet kos bilong teksi em K1.50 long kalap i go insait na K2 bilong wan wan kilomita teksi i ron long en.

ICCC i tingting long senisim kos i go long K200 long kalap i go insait na K2.50 bilong wan wan kilomita, tasol dispela i no inap kamap inap pinis bilong 2008.

PUBLIC NOTICE

In preparation for the peak period travel Air Niugini wish to advise its valued customers that **Saturday** trading for its Sales Offices throughout the domestic network will commence on Saturday 10th November 2007 and continue through to 9th February 2008.

Trading hours will be from 8:00am to 1:00pm.

Call in now at your nearest Air Niugini Sales Office and let our friendly staff help you with your holiday bookings.

Air Niugini Management



Air Niugini

www.airniugini.com.pg

Luksave long mipela

...Mipela tu polis

Natasha Bodger i raitim

Provinsel gavman i mas givim sampela kain luksave long ol Komyuniti Polis Opisa long wanem planti taim ol i save mekim wok bilong ol polisman tru na ol i save sindaun wantaim ol pipel insait long komyuniti na stretim ol hevi ol i save bungim.

Dispela i bin wanpela singaut bilong namba tu opisa bilong Wewak Komyuniti Polis Hendrick Sambin husat i singaut long Is Sepik Provinsel Gavman long traim na givim sampela kain luksave long ol komyuniti polis.

Em i tok planti taim ol pipel insait long Wewak taun i save go long ol long stretim ol hevi ol i save gat wantaim ol arapela insait long komyuniti.

Mista Sambin i tok planti long ol dispela opisa em ol voluntia na ol i no stap long pe rol olsem ol tru polisman.

"Mipela i save mekim ol kain wok olsem ol polisman bilong Wewak taun polis stesin tasol ol komyuniti polisman i no stap long pe rol. Ol i save mekim long wanem ol i pilim olsem dispela ol lain i gat bilip long ol na ol i mas helpim ol," Mista Sambin i tok.

Em i tok tu olsem long ileksen taim, 300 opisa bilong Komyuniti Polis i bin

go long Hailans long helpim long sekyuriti long ron bilong ileksen long hap.

Dispela ol man i bin kisim liklik pe tasol taim kaunim i bin surik gen i go 10-pela de, ol polisman tasol i kisim pe na ol komyuniti polis yet i no kisim wanpela samting.

Em i tok mipela i no laik lusim wanem kain wok mipela i wok long mekim long wanem mipela i lukim olsem helpim bilong mipela i bikpela long ol lain manmeri insait long komyuniti na ol i bilip long mipela.

Dispela i kamap stret taim mipela i save lukim long olgeta de taim ol pipel i pulmapim ai dua bilong mipela long taun maket.

Em i tok, "Long lukluk bilong mi, planti ol hevi ol lain i bungim i save kam kamap long dua bilong mipela na mi lukim olsem em i planti samting tumas long mipela long mekim."

Wewak Komyuniti Taun Polis i gat 7-pela hap we ol i save stap na wok long en insait long taun na wok ol i save mekim em long helpim ol pipel long ol liklik kros, pait na hevi ol i save bungim.

Nau yet em ol manmeri i no inap aplai o putim nem long lista long kamap komyuniti polis o risevis. Dispela em bikos Polis Komisina i putim stop long en, na bai kirapim gen bihain long ol i glasim gut rot ol manmeri i save bihainim long kamap ol risevis.

PNG Pawa straik i no bihainim lo

Paul Zuvani i raitim

STRAIK bilong ol wokman bilong Eneji Wokas Asosiesen (PNG Pawa) i rong.

Gavman inap kamapim Stet ov lmejensi sapos ol hetman bilong Asosiesen na ol memba bilong em i no bihainim lo na i no givim pawa long ol pipel.

Aninit long Esentiel Sevises Ekt pawa em wanpela besik sevis olsem helt, edukesen, trenspot, wara, telekomyunikesen na sefti (polis) we ol pipel i mas gat.

Sapos nogat dispela i ken lukim Asosiesen na ol memba bilong em i kisim mekimsave.

Deputi Praim Minista na Minista bilong Maining na Lens na Pisikol Plening Dokta Puka Temu i mekim dispela tok long taim em i

bekim askim bilong Morobe Gavana Luther Wenge long taim bilong Askim i nogat toksave long Palamen Kibung long aste.

Mista Wenge i mekim askim long ol hevi i wok long kamap bihainim straik em ol wokman bilong PNG Pawa i mekim long ol menesmen bilong ol.

"Dispela straik i no mas kamap," Dokta Puka Temu husat i Memba bilong Abau i tok.

Em i tok wok bilong makim sif eksekutiv opisa bilong PNG Pawa i wok bilong PNG Pawa Bod na dispela wok i nogat tok long wok bilong ol wokman bilong Asosiesen o long Asosiesen yet.

"Indastriel Rejistra long Leba Dipatmen i skelim straik na i tok nogat long dispela straik long wanem em i no

indastriel straik, em i nogat tok long wok bilong ol wokman.

"Pawa aninit long Esensial Sevises Ekt i wanpela sevis ol pipel i mas kisim. Asosiesen wantaim ol memba bilong em i rong long pasim pawa long ol pipel. Gavman inap singautim Stet ov lmejensi na mekimsave long ol opisa husat i no bihainim lo na harim tok. Gavman i sanap strong na i no surik long dispela straik," Dokta Temu i tok.

Em i go moa na tok Intensim Kea Yunit (ICU), Leba Wod na Bikpela Opereting Tieta long Mosbi i save bungim taim nogut taim pawa long PNG Pawa i no go.

"Dispela ol hap i no save kisim gut pawa saplai long stenbai haus sik jenereta.

"Tingim sapos wanpela bilong dispela ol

wokman o famili memba bilong ol o long wanpela bilong mipela ol Memba i gat bikpela hevi long lewa na ol i kisim mipela i go long haus sik na ol i mas pamim win long mipela tasol nogat pawa, yu ting wanem samting bai kamap," Dokta Temu i askim.

Indastriel Rejistra husat i save bosim kain wok olsem long ol pablik sevan o wokman bilong bisnis i kros na laik straik, Helen Naime-Saleu i tok dispela straik bilong PNG Pawa Yunien i rong.

"Sapos ol eksekutiv bilong Yunien i no harim na go yet wantaim straik, bai yupela i stap long bikpela trabel long wanem dispela straik i no stret," Misis Naime-Saleu i tok.

Lukim toksave bilong Indastriel Rejistar long pes 5.



KOIARI ROT NOGUT

ROT O WARA: Planti hap ples insait long Papua Niugini em rot i no gutpela long ol kar i ron long er. Dispela piksa i soim rot nogut bilong Koiari insait long Sentrel provins.

Maski strongpela kar o yu wanpela ekspirien draiva, yu no inap winim dispela rot nogut bilong Koiari bikos dispela rot em strongpela graun malumalum na sapos taia i pas long en, bai kar i wel wel tasol go daun.

Olsem na noken taitim bun o kilim skin long traim winim dispela rot nogut. Stap isi, tingting gut na strongim gia tasol na ron isi isi go.

POTO NA STORI: YAKAM KELO LONG EDA RANU

Palamen painim rot long kisim K10 milien

BIHAIN long 12-pela mun Palamen i wok long painim yet saveman we i ken kamapim rot bilong kisim dispela K10 milien mani em Gavman i givim long 2006 Saplimentari Baset.

Sapos nogat dispela K10 milien i ken stap olsem na ol wok bilong stretim Palamen Haus bai i no kamap.

Dispela em tingting planti manmeri i kisim bihain long Palamen Spika Jeffery Nape i bekim ol toktok i kamap long nius na askim bilong Deputi Oposisen Lida na Memba bilong Lae Bart Philemon long wanem as Palamen i no laik yusim dispela mani long stretim Ea Kondisen masin na ol arapela samting we i bagarap long Palamen Haus.

Long aste Palamen i sindaun tasol long 50 minit kibung na suruk i kam long 10 kilok dispela moning long kamap.

Pablik Akauns Komiti kirapim wok glasim

I kam long pes 1.

Olgeta 10-pela komiti memba i stap na samting olsem 70 bikman long ol gavman dipatmen na ejensi i bin stap tu.

Wok bilong PAC em bilong glasim na ripot i go-long Palamen long pablik mani bilong kantri na long pasin na rot bilong yusim pablik mani bilong pipel na kantri.

Mista Bonga i tok taim gavman i wok long givim aut bikpela mani long ol wok developmen, Pablik Sevis i no karimaut gut wok long yusim mani na dispela i lukim bikpela korapsen na stil pasin i kamap.

Hevi bilong en em long ol pipel i no kisim sevis, planti helt na edukesen sevis rot na ol arapela bikpela samting moa inap long lukautim pipel na kamapim developmen i bagarap.

Olsem na taim Mista Bonga i tokaut long Komiti bilong em bai skruim wok long daunim ol korap na stil pasin, em i askim Ombudsmen Komisin, Polis, Solisita Jeneral, Dipatmen bilong Pesenel Menesmen na ol arapela gavman ejensi long helpim karimaut gut wok long menesim, mekim ol wok long ples klia long lukautim mani na ol samting bilong pablik long dispela kantri.

Em i tok tu olsem em i bikpela hevi tru long nogat kaikai o kot eksen na mekimsave i kamap long ol wok glasim na rekomendesen o ripot long moa long 150 riferel o keis long korapsen na stilim mani PPCPAC Komiti i bin mekim insait long gavman na Pablik Sevis i bin kamap insait long laspela 5-pela yia bilong gavman i go pinis.

"Dispela kantri i gat bikpela hevi long menesim na wokim gutpela

strepela ripot long mani yumi yusim. Mipela i lukim klia wan long ol ejensi i sapos long mekim dispela wok i no kamap.

"Dispela Komiti i bin glasim na wokim rekomendesen long moa long 150 riferel na moa wok painimaut na kot eksen i ken kamap long ol lain i wokim bikpela asua long giaman insait long ol gavman ejensi husat i sapos long karimaut ol wok painim. Wanpela tasol i karim kaikai tasol olgeta narapela i nogat. Dispela em i bikpela hevi.

"Husat gavman i tok strong long pait agensim korapsen tasol i larim ol ejensi bilong em i no karimaut ol wok i wok long askim skruim long moa pasin korap na i no stret, Mista Bonga i tok.

Em i tok ol i laik helpim pablik sevis na ol gavman ejensi long karimaut gut wok, noken wokim giaman na stil pasin na pilim olsem

yu i go pas long ol wok long nesene developmen.

"Sapos yumi no wokim dispela nau, sindaun na laip bilong ol pikinini bilong yumi bai bagarap na ol bai kisim taim," Mista Bonga i tok.

Bikpela wok PPCPAC bai wokim nau em long glasim ol gavman dipatmen na pablik sevis long rot em i menesim na yusim mani na sapos ol woklain i wok gut.

Tupela dipatmen we i save givim ol sevis pipel long kantri i laikim tru na gavman i save katim bikpela manimak, Helt na Edukesen i kam aninit long glasim bilong Komiti long liklik taim aste tasol bikpela glasim baj kamap long mun Mas neks yia.

Mista Bonga i bin askim tupela Helt na Edukesen Seketari long redi na helpim wantaim ol wok painimaut bikos dispela i no bilong

bagarapim ol tasol em i bilong helpim ol long karimaut na menesim gut mani bilong givim gutpela sevis long pipel na kantri.

Antap long dispela, Mista Bonga i tok Komiti bai glasim wok long kisim ol drag na marasin saplai i go long ol haus sik, helt senta na etpos long PNG long wanem, planti i no save kisim ol marasin saplai bilong ol.

Mista Bonga i tok tu olsem ripot i kamap olsem 2005 baset i bin katim K650 milien long Edukesen Dipatmen tasol dipatmen i kisim K221 milien tasol na dispela em sot long 66:15 pesen.

Olgeta ol dispela em ol bai lukluk long ol long Mas sindaun bilong PPCPAC.

Tude, Komiti bai glasim Fainens Dipatmen long pablik fainens na neks wik Mande, Musium na At Galeri.

GENSET SPECIAL

Check your nearest branch **November 2007**



K957.00
GST INCL

GENPOWER GENERATOR
2KW 4-STROKE
PETROL ENGINE



K375.00
GST INCL

GENPOWER GENERATOR
650KW 2-STROKE
PETROL ENGINE



K2145.00
GST INCL

GENPOWER GENERATOR
5KW 4-STROKE
PETROL ENGINE



K2145.00
GST INCL

GENPOWER GENERATOR
3KW DIESEL ENGINE
HAND START

BISHOP BROTHERS
everything for industry...

www.bishopbros.com.pg

PORT MORESBY | LAE | PORGERA | MT HAGEN | MADANG | KIMBE | RABAU | VANIMO | HONIARA

Tuna kapitel bilong wol bai stap long PNG?

Mina Evara i raitim

WOK long mekim Papua Niugini (PNG) i kamap olsem tuna kapitel insait long wol i wok long go strong nau.

Minista bilong Komes na Tred, Gabriel Kapris i bin tok dispela long wiken long Madang taim em wantaim Foren Afes Minista Sam Abal na Seketari bilong em Gabriel Pepson wantaim Gavana bilong Madang, Sir Arnold Amet bin go raun long Vidar.

As bilong ol long raun i go long Vidar em long lukim dispela ples

we gavman i tingting long sanapim dispela marin pak we bai mekim kamap dispela tingting long mekim PNG i kamap olsem tuna kapitel i karim kaikai.

Mista Kapris i tok olsem, gavman i luksave olsem PNG i no wok long kisim gut mani maski em i gat planti pis insait long solwara bilong em na em bilip em taim bai dispela i mas senis.

Long dispela as Nesenel Eksekutyutiv Kaunsil i oraitim mani mak olsem K15 milien long wokim ol wok painim aut i go insait long dispela marin pak.

"Mani mak bilong wol tuna indastri i stap olsem US\$6 bilien

na insait long dispela PNG i kisim K150 milien olsem eksem fi we ol foren pising bot i baim long huk long solwara bilong yumi," em i tok.

Mista Kapris i tok antap long mani mak we gavman i givim em i baim pinis mak olsem 200 hekta long RD Tuna kampani long sanapim dispela marin pak.

Dispela marin pak we gavman i laik kamapim em wanpela hap we ol ovasis investa i ken kam na sanapim ol kainkain marin bisnis olsem, fektori bilong mekim ol bot, stretim ol bot, mekim ol net bilong hukim pis, wokim tinpis na kainkain moa.



PIS: Ol wokman bilong RD Tuna, kampani we i wok long helpim strongim tuna bisnis long provins.

POTO: RD TUNA

PANGTEL

PNG Radiocommunications & Telecommunications Technical Authority

PABLIK NOTIS

Ol Iligel Koneksen na pasin bilong Bagarapim ol Kebol TV Sistem

Jeneral Pablik i mas luksave gut olsem em i brukim lo bilong Telekomyunikesen ekt 1996 (olsem ol i senisim) taim ol i konektim nating o pilai pilai wantaim o bagarapim ol Kebol TV sistem. Ol mekimsave bilong dispela kain bikhet pasin i bikpela tru na ol lain i brukim lo i ken bungim bikpela mekimsave long sait bilong mani o go kalabus.

Ol Kebol TV Opereta husat i gat laisens na jeneral pablik i mas kwiktaim ripot long Polis o PANGTEL taim ol i luksave olsem i gat bagarap i kamap long dispela kain pasin bai i gat wok i go het long daunim dispela kain hevi.

Ol namba bilong ringim long PANGTEL opis bilong mipela long Pot Mosbi o Lae i olsem:

Dairekta Operesens
Telepon: 303 3267
Feks: 300 4829

Rijinel Redio Inspekta
Telepon: 472 7341 / 472 7342
Feks: 472 1045

Tok orait i kam long:
CHARLES S. PUNAHA
EKTING DAIREKTA JENERAL

Polis i givim tok lukaut

Michael Novingu i raitim

TOK lukaut i kam long polis long Madang na i go long ol papagraun bilong Ramu Nickel Prosek long stopim pasin bilong stil, smokim spak brus, wokim hom bru na wokim pamuk pasin long kisim mani.

Bosman bilong Walium Rurel Polis Stesin, Sajen Mathew Dengua i tokim ol ples lain bilong Danagari ples long Kurumbukari insait long las wik olsem stopim ol dispela pasin nogut na wok bung wantaim ol developa MCC long kisim developmen i go long eria bilong ol.

Mista Dengua i tok olsem sapos ol i gat hevi na wari long wok long graun bilong ol, ol i mas bihainim stretpela rot long stretim dispela hevi.

Mista Dengua i tok, Polis bai kirapim polis stesin long Kurumbukari long lukautim lo na oda long main sait na sefti bilong ol wok lain bilong main.

Em i tok moa olsem MCC bai wokim gutpela rot we polis bai kari-maut wok patrol long lukim olsem nogat hevi bai kamap. Na sapos husat manmeri i brukim lo polis bai i no inap long larim em i go tasol i bai holim pasim em o ol na givim em o ol mekimsave.

Senisim pasin Madang

Mina Evara i raitim

OL PIPEL bilong Madang mas senisim pasin na tingting bilong ol bai sampela gutpela senis inap kamap.

Dispela em wanpela strongpela nek we Morris Ban, wanpela komiti lida man insait long Madang bin mekim long wok bilong klinim Madang taun we Gavana Sir Arnold Amet i bin go pas long en long wiken.

Mista Ban i tok em bilip taun bai inap stap klin ol taim sapos ol pipel bilong Madang yet i soim gutpela pasin was gut long pipia bilong ol yet.

Em i tok taim ol mekim dispela bai

ol kaman o man long ol arasait provins i lukim bai ol tu i bihainim.

Em i tok nau yet dispela i no wok long kamap bilong wanem ol asples yet i wok long sut nabaut long ol pipia bilong ol na soim nogut piksa long ol arapela long bihain.

"Yumi ol Madang pipel i gat hevi. Sapos yumi senisim dispela bai hevi bilong ples luk nogut bai i no inap stap. Taim yumi kam long maket o stua yumi no putim ol pipia gut.

"Yumi save baim samting na bihain long yumi kaikai yumi save tromoi ol plastik nabaut na dispela ol samting tasol i bagarapim ples bilong yumi," Mista Ban i tok.

CHILDREN LEARN WHAT THEY LIVE!



"If a child lives with hostility, he learns to fight."

CJLU promotes peace & justice in the community

Ol wanpisin kamapim wanbel

Veronica Hatutasi i raitim

OL JOSEPHSTAAL pipel insait long Middle Ramu Distrik bilong Madang Provins i bin lukim wanpela bikpela samting i kamap i no longtaim i go pinis.

Long Oktoba 25, 26 na 29 moa long 300 pipel i bin bung long lukim 27 klen o wanpisin i sainim wanbel namel long ol yet long banisim (tambuim) graun na bus bilong ol inap 7-pela krismas olgeta.

Bikpela as tingting we ol klen long Inasi na Mavund i sanap antap long en taim ol i wanbel long tambuim graun na bus bilong ol em bikos ol i tingim ol pikinini na tumbuna bilong ol long bihain taim.

Graun em i bikpela samting na ol pikinini na tumbuna long bihain bai i mas i gat graun na ol risos long bihain taim.

Olsem na ol klen long tude i mas kamapim sampela kain lo long banisim, lukautim, na yusim gut ol risos, olsem bai ol pikinini na tumbuna bilong bihain tu bai igat ol dispela samting long yusim.

Dispela wanbel pepa (conservation deed) we ol klen i sainim namel long ol yet i makim wanbel bilong ol dispela klen long tambuim 24, 500 hekta graun na bus bilong ol inap 7-pela krismas olgeta.

Namel long dispela taim, ol i no inap larim ol ausait lain na ol yet tu long go insait long dispela 24, 500 hekta tambu eria na mekim samting long laik bilong ol yet.

Wok bilong kamapim kain wanbel em i no isi na i save kisim longpela taim. Em i bin kisim ol dispela klen klostu olsem 7-pela

krismas long holim ol bung, stretim tingting na kamapim ol lo long kamapim dispela wanbel namel long ol yet.

Ol dispela klen yet bai i putim was na ronim dispela "conservation" o tambu eria bilong ol.

Na sapos sampela lain i brukim ol lo we i banisim dispela konsevesen eria, bai i gat ol lida em ol klen yet aninit long ol kastom: o tumbuna lo (na lida), vilis kot, na lokel kot bai givim mekimsave long kain ol trabel lain.

Vilis kot na Lokel Level Gavman (LLG) long Josephstaal i givim luksave long dispela samting em ol pipel yet i kamapim.

Tupela ples (Inasi na Mavund) wantaim i stap insait long Josephstaal LLG long Midel Ramu Distrik.

Rot kar i joinim Bogia haive wantaim Josephstaal stesin tasol i nogat rot kar i go long Inasi na Mavund.

Planti pipel na ol lida insait long ol bus ples i save askim ol kampani long kam insait na mekim bisnis loging long bus bilong ol na wokim rot, tasol ol Inasi na Mavund pipel i tok nogat long loging kampani na ol arapela kampani, taim ol i sainim dispela wanbel pepa (o agrimen).

Tingting na plen bilong kirapim loging long Josephstaal eria i stap, tasol planti papagraun i no amamas long dispela i kamap long hap bilong ol.

Na ol klen long Inasi na Mavund i soim dispela dispela, tai i wok bung wantaim na i amamas long kamapim na sainim dispela wanbel namel long ol yet we bai lukautim graun bilong ol bilong bihain taim.



SAINIM: Augustine Avkima i sainim agrimen long makim Inasi wanpisin. Ol yangpela na majistret i kamap olsem ol witnes. FOTO: BISMARCK RAMU GRUP



DEPARTMENT OF LABOUR AND INDUSTRIAL RELATIONS (Office of the Registrar)

Telephone: (675) 321 4629
Facsimile: (675) 320 1062

P.O Box 5644
BOROKO
Papua New Guinea

MEDIA RELEASE

I APPEAL TO ALL MEMBERS OF THE PNG ENERGY WORKERS ASSOCIATION, PNG POWER LTD AND MEMBERS OF THE PNG POWER LTD PEA BRANCH TO BE AWARE THAT THE DEMAND BY YOUR UNION EXECUTIVE TO REMOVE MR PATRICK MARA AS CHIEF EXECUTIVE OFFICER OF PNG POWER LTD IS NOT AN INDUSTRIAL MATTER.

YOUR RIGHT AS FINANCIAL MEMBERS HAS BEEN SUPPRESSED WHEN YOU HAVE NOT GIVEN YOUR MANDATE THROUGH THE PROCESS OF A SECRET BALLOT WHICH IS A PRECONDITION TO TAKING STRIKE ACTION.

I HAVE ADVISED YOUR UNION EXECUTIVE THAT, IF THEY ARE AGRIEVED BY THE DECISION OF PPL BOARD IN THE REINSTATMENT OF MR MARA AS CEO OF PNG POWER LTD THEN THE UNIONS MAY FILE A FORMAL COMPLAINT TO THE OMBUDSMAN COMMISSION.

HOWEVER IF YOUR EXECUTIVE HAS DEFIED MY ADVISE AND HAS ADVISED THE UNION MEMBERS TO GO ON STRIKE ON A NON INDUSTRIAL MATTER, I MUST WARN YOU AND YOUR INDUSTRIAL ORGANIZATIONS THAT YOU AND YOUR ORGANIZATIONS MAY BE SUBJECT TO PERSONAL LIABILITY IN PRESPECT OF ANY ACTION TAKEN AS A RESULT OF A STRIKE IN RESPECT OF A NON INDUSTRIAL MATTER.

THE POSITION OF MY OFFICE IS THAT, THE DEMAND BY THE PNGEWA AND PPL PEA BRANCH TO REMOVE MR PATRICK MARA AS CEO TO PNG POWER LTD IS A NON INDUSTRIAL MATTER AND THEREFORE THE STRIKE ACTION TAKEN IS AN ABUSE OF THE INDUSTRIAL ORGANIZATIONS ACT AND YOUR UNION'S RULE AND CONSTITUTION AND THEREFORE THE STRIKE ACTION TAKEN IS DEEMED ILLEGAL.

AUTHORISED BY:

HELEN NAIME - SALEU
INDUSTRIAL REGISTRAR

13th NOVEMBER 2007

Gavman na ol sios i mas go long ol ples

Veronica Hatutasi i raitim

ASKIM i go long nesanel, provin-sel, distrik na lokel level gavman, ol sios, na ol non gavman oge-naisesen (NGO) long go aut long ol ples na sapotim ol pipel.

Gavana Jeneral Gren Sif, Sir Paulias Matane i tok olsem long opim bilong Furan Viles Komyuniti Beis Lening Senta (FVBCLC) ausait long Madang taun i no longtaim i go pinis.


As tingting we wanpela aspluel NGO em Madang Distrik Individuel na Komyuniti Developmen Asosiesen (MDICDA) i kirapim dispela FVBCLC em long kamapim gut laip na stendet bilong sindaun bilong pipel na dau-nim lo na oda hevi.

Noah Ariku na ol arapela saveman long ples Furan wantaim mani helpim bilong Komyuniti Jastis Liesen Yunit (CJLU) i bin kirapim dispela prosek bikos ol i laik helpim planti ol yang-pela long ples Furan na ol arapela insait long Ambenob LLG eria.

Dispela eria i lukim planti lo na oda hevi na mak i antap tumas.

"Na long yupela ol pren long gav-man, ol sios, NGO i wok long kantri na ol provinsel, distrik na LLG gav-man, mi askim yupela long go aut long ol ples na sapotim ol pipel.

"Pipel i mas lukim olsem gavman i stap long ol ples sapos em i laik pulim ol pipel i go long em," Sir Paulias i tok.



POTO: NICKY BERNARD

MIPELA TU REDI: TRENING i pinis na nau ol dispela nupela polismanmeri bilong Bomana Polis Koles i lusim ples bilong trening na statim wok bilong ol insait long Mosbi siti. Dispela wik ol dispela nupela polis manmeri i bin sanap na mas raunim ples Boroko. Kain mas olsem em nupela oda i kam long Polis Komisina Gari Baki na Dairekta bilong Operesens Geoffrey Vaki olsem olgeta polismanmeri i mas redi long soim pablik olsem ol i stap long lukautim gutpela sindaun bilong ol.

Simbu Lutheran Kristen bung long tingim bikpela de

Eric Sinebare i raitim

Sios i mas bihainim ol tok bilong God i stap long Baibel na tok tru i mas kamap long ol Kristen na ol Kristen i mas senis na rifom ma kamap insait long sios na tu i mas kamap long

wan wan manmeri na sios wok man insait long sios.

Hetman bilong Lutheran Sios long Simbu Bisop Revren, Darly Boyd i mekim dispela tok long las wik long pinis bilong distrik konprens o bung.

Revren Boyd i mekim

dispela tok long Trinde nait we i holim lotu wantaim holi Komyunion na pasim ELC-Simbu Distrik Konprens.

Dispela de i makim olsem wanpela bikpela de bilong sios i tingim dispela rifomesen de we taim Martin Luther i bin kamapim dispela bruk

bilong em long sios Katolik.

Em i tok olsem sios i save holim spesol lotu na sebresen we i ken mekim ol Kristen mas tingim dispela de mas bringim i go bek long bipo long sios i bruk.

Rifomesen em i olsem i

mas i gat senis long tok tru bilong God i stap long Baibel na i no long tingting bilong man long mekim wok bilong sios.

Revren Boyd i tokim ol pasto na ol evanjelis na sios wok manmeri long dispela taim we i tok yumi mas senis long pasin, tingting,

lukluk, na save bilong yumj long wok o mekim wok gut-nius insait long sios bilong God na i mas i gat senis long yumi na sios wantaim.


Wankain taim bung bilong ELC-Simbu Distrik i kamap inap long Trinde. Neks bung bai kamap long Kewande Kamane Distrik.



PABLIK NOTIS

Moa namba i go antap long telepon namba bilong ol mobail telepon

PANGTEL i laik toksave long ol kastoma na ol manmeri bilong pablik olsem ol namba i save stap olsem telepon namba bilong ol mobail telepon i go antap moa long 7 i go inap 8. Dispela senis i bihainim nupela plen bilong gavman ol i kolim ICT Polisi 2007.



Olgeta mobail telepon namba nau bai gat 8-pela namba long en na bai stat wantaim wanpela lida namba olsem 7 - Em olsem; 7XXXXXXX (8-pela dijit o namba).

Ringim mobail sevis provaida bilong yu long kisim moa toksave na tok klia.

Tok orait i kam long:
Charles S. Punaha
Ekting Dairekta Jeneral



Post PNG

✓ Salim moni

Kwik Long dispela Krismas



SALIM MONI KWIK

wokim isi long salim na kisim moni long olgeta hap Post PNG opis i stap.

- ✓ Isi
- ✓ Hariap
- ✓ Gutpela
- ✓ Noken baim moa

Call our Toll free Tel: 180 2999
Post PNG Customer Care P.O. Box 2 Boroko NCD
Email: customercare@postpng.com.pg





Katolik Sios i opim Sosel Jastis Sande



KATIM RIBEN: Deputi Bisop bilong Caritas, Bisop Chris Blouin na Caritas PNG Midia Desk Kodineta, Cathy Bolinger i katim riben long lonsim program.

Veronica Hatutasi i raitim

LONG dispela taim, ol sios, ol non gavman ogenesesen (NGO) na gavman i strongim wok long lukautim ol pikinini na ol meri bikos dispela grup i wok long bungim bikpela hevi long han bilong ol man, sosaiti na sistem insait long famill, kalsa, komyuniti na sosaiti.

Olgeta de nau, nius i kamap long ol niuspapa, radio na televisin long pasin bilong bagarapim ol pikinini na ol meri na dispela i luk nogut tru long Papua Niugini (PNG).

Olsem na ol awenes o wok bilong toksave i wok long kamap strong long rot we yumi ken sapotim na givim luksave long helpim na lukautim gut ol meri na pikinini insait long PNG.

Dairekta bilong Caritas PNG, Mary

Toliman i tok Caritas PNG na Katolik Bisops Konprens i wok wantaim ol arapela ogenesesen na gavman long daunim hevi bilong gan vailens na wok bilong lukautim ol meri na pikinini long vailens na ol pasin i no stret we ol man na sosaiti i mekim long ol.

Dispela Sande i kam, Novemba 18, em Caritas i makim Katolik Sios na luksave olsem Sosel Jastis Sande.

Tasol pastaim long em, Caritas PNG i bin opim Sosel Jastis Sande program long las wik Fraide, Novemba 9 long Mosbi.

Long taim bilong opim program, Misis Toliman i tok Caritas bai skruim strong wok long ol program bilong em na tu, long netwok wantaim ol narapela NGO na ogenesesen.

Deputi Bisop bilong Caritas na Bisop bilong Lae, Bisop Chris Blouin long taim bilong lons i tok "Sosel jastis i em i

wari bilong yumi olgeta na long strongim dispela, sios i makim dispela Sande olsem Sosel Jastis Sande.

"Jisas i bin gat bikpela wari long ol pikinini long serim Kingdom bilong em long heven. Olsem na em i laikim yumi olgeta long lukautim gut ol pikinini bikos ol pikinini em i bikpela samting insait long famili na sosaiti," Bisop Chris i tok.

Het tok bilong Sosel Jastis Sande em "Larim ol Pikinini i Kam long Mi".

Sios i givim luksave long ol pikinini long makim dispela Sande olsem spesel de na long neks Mande, Novemba 20, wok i amamasim Intanesenel de bilong ol Pikinini.

Caritas PNG em i han bilong Katolik Sios long PNG we i save mekim wok long lukluk long na stretim ol sosel jastis isu o hevi, tarangu pasin na pasin bilong singaut long ol narapela long helpim olgeta taim, helpim ol pipel long taim bilong disasta o hevi, bildim pis o bel isi na gutpela sindaun na ol developmen prosek long helpim ol pipel insait long ol komyuniti.

Katolik Sios i bin kirapim Caritas PNG long yia 1974 na inap i kam nau, em i karimaut wok insait long PNG bilong etresim ol sosel jastis na humeniterien wok taim hevi bilong naturel disasta o man yet i mekim na bagarapim sindaun bilong pipel i kamap long PNG na ol narapela hap bilong wol.

UC Yut na Pikinini Ministri bung long Alotau

Veronica Hatutasi i raitim

SAMTING olsem 20 yut lida na kodineta bilong 11 Yunaitet Sios Rijen long Papua Niugini (PNG) bai stap insait long Yut na Pikinini Ministri bung long Alotau, Milen Be Provins long dispela wik.

Wanpela wik konprens o bung i bin stat long dispela Tunde, Novemba 13 na bai pinis long neks wik Tunde Desemba 13.

Yunaitet Sios Asembli opis Kodineta bilong Yut na Pikinini Ministri, Leonard Sabadi i tok dispela bung bai givim ol skul na toktok long strongim save na

wok bilong ol yut lida insait long sios na gutpela senis i ken kamap. Na bung bai givim bikpela lukluk long putim bikpela wok long ol yut na pikinini.

Mista Sabadi i tok insait long dispela bung, ol yut kodineta bai givim ol wan wan ripot bilong rijen.



PABLIK NOTIS

Karimaut nupela PNG Telekomyunikesen Plen bilong Makim ol Namba

PANGTEL i laik toksave long pablik olsem bihainim sanapim bilong nupela PNG Telekomyunikesen Nambaring Plen, ol dispela senis nau bai kamap insait long 12-pela mun i kam:

- Intanesenel Dairek Dailing (IDD) Ekses Koud senis long 05 i go long 00;
- 7 dijit-mobail telepon namba i go inap 8-pela dijit; na
- Ol Fiks Lain telepon namba bilong wan wan ol eria tasol.

Ol dispela senis bai no inap senisim prais o kos bilong ol telepon kol. Ol stori bilong ol senis i stap olsem:

Ples / Sevis	Namba i stap nau	Senis i go long dispela Nupela Namba
MOMASE Rijen (Madang, Wewak)	8XXXXXX (7-pela dijit)	4XXXXXX (7-pela dijit)
Sauten Rijen (Sentral, Galp, Westen, Oro)	3XXXXXX (7-pela dijit)	6XXXXXX (7-pela dijit)
Hailans Rijen (Chimbu, Isten Hailans)	7XXXXXX (7-pela dijit)	5XXXXXX (7-pela dijit)
Niugini Allans Rijen (Manus)	4XXXXXX (7-pela dijit)	9XXXXXX (7-pela dijit)
Mobail Telepon Sevis	6XXXXXX (7-pela dijit)	7XXXXXXXX (8-pela dijit)
IDD Ekses Koud	05	00

PANGTEL bai mekim ol pablik toksave wantaim ol arapela stekholda lain long wanem taim dispela ol senis bai kamap. Long painimaut moa yu ken ringim PANGTEL long ol dispela telepon namba: 303 3241, 303 3220 o long feks: 300 4829.

Tok orait i kam long:
CHARLES S. PUNAHA
EKTING DAIREKTA JENERAL

TOYOTA HILUX

Trusted Quality

- ✓ TOUGH
- ✓ RELIABLE
- ✓ DURABLE
- ✓ HIGH RESALE VALUE

4x4 TURBO

Limited Stock for Limited Time only!
(Hilux D/Cab 4x4 B1 model)

TOYOTA
Making wishes come true this Christmas

Buy Now and give yourself a chance to...

WIN A HILUX
this Christmas

FOR MORE INFORMATION CONTACT YOUR FIRST CHOICE BRANCH TODAY

Hurry While Stock Lasts!

Port Moresby..Ph 3229400	Kimbe....Ph 9835155	Wewak..Ph 8562255
Lae.....Ph 4781800	Lihir.....Ph 9864099	Vanimo..Ph 8571254
Kokopo.....Ph 9829100	Buka.....Ph 9739915	Tabubil..Ph 5489060
Madang.....Ph 8522188	Goroka..Ph 7321844	Porgera..Ph 5479367
Mt. Hagen....Ph 5421888	Kavieng..Ph 9842788	Alotau...Ph 6410100

Conditions Apply . www.elamotors.com.pg . Offer Expires : 10 / 12 / 2007.

Ela Motors
TOYOTA

Your First Choice

My life is better!

“Taim mi go wok ol kastoma bilong mi ken ringim mi long putim oda blong ol...”

**Willie Iga, Fisherman,
Moukele, Fisherman Island**




Nem bilong mi Willie Iga na mi wanpela man bilong kisim pis. Mi stap long Pisaman Ailan.

Inap long taim Digicel kam long PNG, emi mekim laip bilong mi go nais na isi tru. Mi ken karim Digicel phone bilong mi go wantaim, taim mi go wok. Ol kastoma bilong mi ken ringim mi long putim oda blong ol na mi save mekim planti sels nau. Taim mi go painim pis long solwara, ol femli blong me ken ringim mi long painim aut wanem hap we mi stap long em. Sapos taim nogut o sampela hevi painim mi long solwara, emi isi tru nau long mi ken ringim of femli long toksave.

Tenkiu tru Digicel

Digicel™

The Bigger, Better Network.



The Catholic Reporter

NOVEMBER, 2007

Issue 52

Caritas PNG to conduct first SOCIAL JUSTICE SUNDAY programme



'Let the Children come to me' is the theme for this year's Social Justice Sunday.

Caritas Papua New Guinea will host its first Social Justice Sunday program this year on November 18th. The program will have its theme as "LET THE CHILDREN COME TO ME" which will reflect the 2007 Year of the Children.

The Bishops have written about the 2007 Year of the Children and have sent Pastoral letters to the children and the Adult people during their Annual General Meeting in Mendi (Southern Highlands Province) this year.

The Social Justice Sunday will be an avenue where issues affecting children can be discussed. Caritas PNG has produced a booklet that will discuss chil-

dren's issues such as the rights of children, children and the natural environment, Children and gender roles and many others. There are other activities that are being planned to ensure the intended message does get out to the people.

The program is scheduled for the 18th of November so the Social Justice Sunday falls on the Sunday leading to the Universal Children's Day. This will ensure that people are reminded about Universal Children's day before hand.

This is the first Social Justice Sunday program initiative of Caritas PNG and Thanks to Caritas Australia for supporting this program.

New Bishop for Aitape Diocese

By Tracey Paliou

The people of the Diocese of Aitape celebrated with hearts full of joy during the Episcopal Ordination of their new Bishop, Most Reverend Otto Separy.

Bishop Otto will be taking over from Bishop Austen Crapp ofm, who has served the diocese since 1996.

The Episcopal Ordination was held at the St. Ignatius Cathedral in Aitape on Tuesday 30th October.

Hundreds gathered to witness the occasion, traveling from as far as Vanimo, East Sepik, Port Moresby and from areas in the Aitape, Lumi and Nuku Districts. Bishops from various Dioceses in the country as well as the Nuncio Bishop Francesco Padilla was also present. Prime Minister Sir Michael Somare along with the Minister for Finance and Treasury and Member for Aitape-Lumi Patrick Pruiatch and his wife also attended the occasion.


Bishop Otto originates from Tangori Village No. 1, in the Sassoya of East Sepik Province. He has served in his ministry as priest for 16 years mostly in the Wewak Diocese. On June 20th he accepted his appointment as the Auxiliary Bishop of Aitape, and on Tuesday 30th October was his Episcopal Ordination.

The day was full of singing with colourful processions during the Mass until the closing of the ceremony with a feast for all to share.



Bishop Austen and Bishop Otto being escorted out of the Cathedral during the final procession.

BEEF



CRACKER

Proud to be associated with The Catholic Reporter

TOKSAVE

Sapos yu gat sampela stori
o nius yu laik putim long
dispela pepa ringim o salim
feks i go long Fr Geoff long
telepon 479 5007 o
email: socom@global.net.pg
o go lukim em.

Spiritual Directors from PNG and Solomon Islands Gather at Xavier Institute

Sr. Marie Turner DW

There is a great hunger in our Church for help in the spiritual life. For several years now there have been training sessions held in PNG for Melanesian Spiritual Directors. After the training they have tried to put into practice, both with religious and lay people, what they have learned.

The recent workshop, held at Xavier Institute, Port Moresby, was an attempt to gather these Directors and others for some peer support and ongoing formation.

The workshop was held last month. Seventeen persons attended, 9 were Melanesians and 8 were missionaries working in PNG. We represented 9 Nationalities.

The input came from the group itself with 7 Directors contributing from their expertise and experience. There was a lot of group sharing especially based on experience.

This was the first gathering of its kind and was greatly appreciated by all. There was a decision made at the end to continue networking with each other and work towards another such gathering in 2009.

There will be a three month training workshop for a small group of new Spiritual Directors at the beginning of 2008 at the House of Prayer in Madang.



Seventeen participants attended the workshop for Spiritual Directors held at the Xavier Institute


Van Novemba
Mun bilong
Tingim
ol dai man

Wanpela pre yu ken mekim.

God bilong marimari, harim ol pre bilong mipela na helpim mipela. Mipela i sori long ol bratasusa bilong mipela i dai pinis na ol i stap yet long klinpaia (purgatorio). Mipela i tingim bikpela wok Jisas i bin mekim bilong kisim bek mipela ol man-meri bilong sin. Tingim dai na kirap bilong em, na kisim ol bratasusa bilong mipela i go long amamas bilong heven. Mipela i pre long nem bilong Jisas Kraus, em i Bikpela bilong mipela.

Amen

Be a part of the solution to the many issues affecting the country



Mr ToGuata makes a point to his Caritas audience at the opening of the conference.

There are so many issues affecting the country every now and then and people tend to ask what the government is doing about the issues. But not many people tend to ask what they can do about the issues.

This was a reflection made recently by Ombudsman John ToGuata at the opening of the annual Diocesan Caritas Coordinators Conference. He said, as workers of the Church we have to rise up against evil of all injustices and fight to address issues affecting us. He went on to say that Church organizations, like Caritas PNG, has unlimited influence as the Church networks extends right down to the communities and people. He further went on to say that Caritas has unlimited influence because the status of the organization has a spiritual foundation and is grounded in the Church principle. He challenged Caritas coordinators and all people of goodwill to be weary of issues happening in the country and understand them so you can be a part of the solution.

Draft English translation of Liturgy completed

Commission Chairman Estimates Final Text to be Ready in 2008

Zenit News Agency

The draft phase of the process to translate the 2002 Roman Missal from Latin to English has been completed, announced the chairman of the International Commission on English in the Liturgy.

Bishop Arthur Roche of Leeds reported this in a letter sent, confirming that the last instalment – the appendices – of the draft version of the English translation was sent to the bishops of its 11 member conferences.

Bishop Roche said in the letter: "The draft phase of the commission's work of translating the missal has been brought to completion, some five years after the publication of the Latin original."

The draft translation, known as the "green book" due to the colour of its cover, will be reviewed by the conferences. The bishops will then submit changes, which will be incorporated into a final proposed version, to be released as a "grey book."

Comments will also be solicited from the Congregation for Worship and the Sacraments, said Bishop Roche.

The final version will then be sent to the 11 bishops' confer-

ences for approval before being sent to Rome for recognition. Bishop Roche estimated that the process will be completed by the end of 2008.

The chairman of the commission said: "The importance of this process of consultation in shaping the new English liturgical texts now in preparation can hardly be overestimated."

"A wide range of issues, both theological and linguistic, have been brought to the attention of the commission, who in response have sought to shape texts that will meet the needs of the worldwide English-speaking Catholic community."

Bishop Roche added: "The introduction of a new translation of the Mass will be an opportunity for renewed catechesis. Plans for this are already under way."

The 11 member conferences of the international commission include Australia, Canada, England & Wales, India, Ireland, New Zealand, Pakistan, the Philippines, Scotland, South Africa and the United States.

This new English translation will determine very much how the new edition of the proposed new *Buk Misa* to be used in Papua New Guinea will be translated.

VIOLENCE AGAINST WOMEN AND CHILDREN

Archbishop Sir Brian Barnes of Port Moresby writes:

community are also involved in domestic violence. It is an injustice that must be addressed.

It is disappointing to hear that Parliament has so far not responded suitably to the petition regarding Violence against Women and Children presented to it some weeks ago by Dame Carol Kidu, the sole female Member of Parliament.

A major part of the Churches' pastoral activity concerns marriage and domestic counseling, attempting to find solutions to individual problems, ideally involving both husband and wife in a genuine search for solutions.

The petition, made on behalf of the women of PNG and numbers of

These joint sessions are time-consuming, emotionally demand-

ing and dependent on trust between males, stresses the very serious nature of the widespread social problem of domestic violence.

Domestic/family violence is a most serious social issue in PNG. It must be addressed. Women must be heard. Children must be protected. Existing laws must be very much strengthened -- strengthened and enforced.

Many women are being targeted regularly and frequently, normally by

their husbands or partners, who claim the right to do whatever they wish to their wives in order to sort out real or perceived problems.

Children too are being subjected to violence in their own families. Women are being seriously assaulted by men all over PNG on a regular basis. This is against the law. Many police, however, do not get involved to the extent of enforcing the law.

Many cases of domestic violence do not come to light. Numerous high-profile members of the

ing and dependent on trust between pastor/counselor and each of the partners in the marriage, if not between each other. Progress, when achieved, is worthwhile.

Many aggressors are not willing to down this road.

Domestic/family violence is a most serious social issue in PNG. It must be addressed. Women must be heard. Children must be protected. Existing laws must be very much strengthened -- strengthened and enforced.

This serious issue is the responsibility of Parliament to address and to put high in their agenda. So far, Parliament's response has been miserable.

Let Parliament show us that it is a responsible body, prepared to deal seriously with a serious PNG issue.



YUMI na HIV wantaim



Fr Jude Ronayne Forde OFM

Olsem wanem long HIV nau?

Nau bikpela askim i kirap long wol "Olsem wanem long HIV nau?" Ol helt lain i bin tromoi bikpela hap mani bilong painim wanpela marasin o wanpela samting o wanpela rot bilong banisim sik long HIV long bodi bilong yumi ol manmeri. Tasol ol i no painim wanpela samting bilong banisim sik HIV.

Hia em lista long sampela samting ol helt lain (epidemiologists, physicians and scientist) i traim long wokim:

- Marasin bilong banisim HIV vairs o binatang bilong sik AIDS long bodi (vaccine) - nogat nau!
- Gris bilong banisim vairs i go insait long meri (vaginal microbicides) - i gat, tasol i no wok gut tumas.
- Marasin ol i ken dringim (one-a-day prevention pills) - nogat!
- Kain gumi bilong banisim vairs i go insait long meri (diaphragms) - i gat, tasol i no wok gut tumas.
- Kondom (Condoms) - i gat, tasol 700 milien i no banisim HIV long PNG.

Ol dispela samting i save helpim liklik. Tasol, i no gat wanpela samting we yu ken tok: "Yu bihainim dispela rot bai yu no inap kisim HIV!" I nogat wanpela "safe" rot! Sampela ol arapela rot ol i traim bilong banisim HIV:

- Katim skin bilong man (circumcision) - i gupela na i helpim tasol i no banisim HIV.
- Maritim wanpela tasol. (promoting sexual monogamy & family life) - i gupela na i wok gut long ples we ol manmeri i harim tok na i bihainim.
- Marasin bilong pasim bel bilong meri (birth control to infected women) - i wok gut, tasol olsem wanem long meri i laik karim pikinini?
- Stretim ol STI's (treating sexually transmitted infections) - i gupela, sapos man o meri i no go kisim sik gen.
- Sekim blut long VCT (HIV testing and counselling) - i gupela, tasol i luk olsem planti i no senisim pasin na sindaun bilong ol.
- Ol drag bilong HIV (antiretroviral drugs) - i gupela marasin tru, tasol planti i no save dringim gut na planti i wok long indai.

Long banisim sik HIV yu mas wok wantaim ol manmeri bilong dispela graun. Na ol manmeri bilong dispela graun i no ol manmeri bilong harim tok. Planti i save bikhet, o longlong, o i gat laik bilong wan wan. Long wanem rot bai yu bosim ol? Husat inap skulim ol manmeri na bosim ol long ol prenpasin bilong ol? Ol manmeri i laikim marasin bilong rausim sik. Long senisim pasin nogat! Bai yumi mekim wanem nau bilong banisim HIV vairs?

TI PNG kirapim edukesen program agensim korapsen

TRANSPARENSI Intanesenel (TIPNG) long las wik Fraide i bin kirapim Gud Gavanens na Anti Korapsen Edukesen prosek (GGACE) aninit long 2007 stratijik wok plen bilong en.

TI PNG Bod Dairekta, Peter Aitsi i tok GGACE bai makim ol lowa sekonderi na apa praimer skul insait long kantri.

Mista Aitsi i tok GGACE bai kamapim ol samting long helpim long wok bilong skulim ol sumatin (teaching kits) bilong yusim long apa na lowa sekonderi we bai helpim skulim ol long ol gupela pasin (value), save na infomesen ol pipel i mas i gat long stap insait long sosaiti we i gat stretpela pasin.

Long kirapim dispela program, ol i kamapim tisa advaiseri grup na holim pinis namba wan bung long Mosbi las wiken.

Eitpela (8-pela) tisa ol i bin makim long apa praimer na lowa sekonderi skul long PNG i bin sindaun long dispel prosek na kisim save long gud gavanens na ol anti korapsen isu.

Yunaitet Nesens Developmen Program (UNDP) PNG wantaim fanding (mani) helpim bilong Yunaitet Nesens Demokrasi Fan i bin kamapim dispela program wantaim manimam namel long K60, 000-70,000.

Long wankain taim tu, Yut Demokrasi Kem (YDC) we TI PNG na US Stet Dipatmen ov Stet i wok long wok bung wantaim long kamapim, bai kamap long strongim na helpim ol yut long sait bilong bildim demokrasi, gut gavanens, transparensi na gupela lidasip skil o save.

Dispela kem bai kamap neks yia.


PHES helpim Karkar pipel

PASIFIK Helt Edukesen Skul (PHES) Prinsipel na Dairekta Malek Atua i sapotim ol toktok bilong Helt Seketari Dokta Clement Malau long plen bilong kantri long glasim gut ol helt sapat program i stap pinis long Papua Niugini (PNG) long dispela taim.

Mista Atua i tok PHES bai wok long sapotim Helt Dipatmen na Gavman bilong PNG long karim sevis i go long ol pipel na moa yet, ol lain insait long ol ruel eria

o ples. PHES i stap long liklik ples bilong Mista Atua long Tarak long Karkar Ailan, Madang Provins na i bin kirap long las yia wantaim 73 sumatin husat i bin greduet las mun wantaim Helt Trening Setifiket.

Mista Atua i tok skul i gat ol kos o skul long planti samting, sampela em mama na pikinini helt, banis sut, givim marasin na lukautim ol sikman, tilim ol marasin na gupela helti kaikai.



Las wik Wantok Niuspepa i bin putim wanpela foto wantaim liklik stori, hetlain em "Abrusim ol hevi" long Helt na Edukesen pes we i bin toktok long Populesen Edukesen Prosek (POPED). Toksave i bin tok bai bikpela stori bilong en i kam aut dispela wik. Dispela i no inap kamap. Lukluk neks wik long lukim dispela long dispela pes.

Wok bung long daunim sik AIDS

Natasha Bodger i raitim

NAMBA wan tingting bilong Nesenel Kapitel Distrik (NCD) HIV/AIDS netwok em long kamapim wanpela hap we olgeta lain husat i save go pas long HIV/AIDS wok i ken bung na autim ol tingting na wari ol i save bungim.

Dispela i bin kamaut bihain long namba wan bung bilong Provinse AIDS Kaunsil (PAC) we NCD i bin go pas long en long Mosbi long Mande. Het toktok i bin "Tingting bilong Lidasip, Kisim Bek HIV - Wok Bung Wantaim."

Long dispela bung, ol pipel long ol non gavman ogenaisesen, sios na ol dona ejensi i bin stap long lukluk na tu skelim tingting bilong ron bilong wok HIV/AIDS.


Gayana bilong NCD Powes Parkop i tok em i bin laikim wanpela kain woksop olsem

dispela i kamap long wanem em i bilip olsem ol lida insait long NCD i gat bikpela wok long mekim long helpim ol lain husat i mekim wok na tu stap wantaim sik AIDS.

Mista Parkop i tok wanem rot em i wok long bihainim em i gupela rot long wanem insait long NCD yet, i gat bikpela namba bilong ol pipel i stap wantaim binatang bilong sik AIDS, HIV, na sik AIDS.

Em i tok dispela rot em i laik bihainim em long soim ol arapela provins olsem ol tu i ken mekim olsem long wanem HIV/AIDS i no wanpela liklik samting na olgeta lida i mas helpim long daunim dispela sik.


Long wankain taim, Siaman bilong NCD PAC Pasta Daniel Hewali i tok kain bung we i kamap i soim olsem komuniti inap bung wantaim long kamapim wok long pait agensim HIV/AIDS.



GO PAS: Het tok bilong buk Sir Peter Barter i holim taim em i bin Helt Minista yet em "Rot long bihainim long go pas long ol pipel bilong yu long pait agensim HIV na sik AIDS" we i bin kam aut long Ogas long dispela yia long helpim ol lida we ol pipel i makim i go long Palamen. I gat bikpela askim long ol lida go pas long dispela pait agensim dispela sik we i inap long bagarapim olgeta dispela kantri.

Modilon Haus Sik na Gaubin Helt Senta kisim helpim

Veronica Hatutasi i raitim



KALIBOBO SPIRIT: Nupela sip i laik lusim Madang bris long kisim X-Rei masin i go long Gaubin Helt Senta.

POTO: MELANISEN FAUNDESEN OPIS - MADANG

MODILON Provinse Haus Sik wantaim Gaubin Helt Senta long Madang Provins i laki tru long kisim helpim long nupela turis sip, "Kalibobo Spirit", bilong bipo Helt na Bogenvil Minista Sir Peter Barter.

Long wanpela wik sip i bin kam insait long kantri na Madang, em i kirapim wok helpim long givim helt sevis long ol pipel bilong Madang.

Las wiken long Sarere santaim, sip wantaim ol woklain na ol famili bilong Melanisen Turis Sevis i bin kalap long sip na go long Karkar Ailan bilong lusim X-Rei masin bilong Gaubin, em helt senta we Luteran Sios i papa long en.

Bosmeri bilong helt senta, Dokta Elizabeth Greiner taim em i tok tenkyu long helpim Kalibobo Spirit i givim i tok X-Rei masin bai helpim helt sevis i go long ol Karkar pipel.

Fanresing o wok bilong bungim mani bilong Modilon Haus Sik i bin kamap long Madang Risot long Sarere Nait we moa long 250 pipel i bin stap long en. Madang Risot i bin givim K6000 na narapela K2,000 moa we ol bin kamapim long wanpela kaikai long Kalibobo Spirit.

Ol arapela kampani na ogenaisesen husat i bin givim mani long dispela nait bilong haus sik em Ela Motos (Ela Motors), Divain Wod Yunivesiti (Divine Word University), Ela Entaprais (Ela Enterprise), MCC Ramu Nikel prosek, RD Tuna na M&S Tsang.

Wanem taim bai Waigani rot i pinis?

Dia Edita,

Mi laik askim bilong wanem dispela rot long Waigani kisim longpela taim stret long pinis. Em i olsem wanem nau. Ol man i wok isi stret na i givim bikpela hevi long mipela ol manmeri husat i save yusim dispela rot long go na kam wok long olgeta de.

Long ol narapela kantri, ol wokman i save wok long nait na de wantaim na pinisim wok bilong ol long taim stret. Sapos yumi wokman i wok olsem long PNG, em bai gutpela tru long wanem bai yumi inap long pinisim rot long taim bilong en stret.

Em i mekim go bikpela hevi moa long wanem, nau em i taim bilong ren na i luk olsem wok bai i stop pastaim. Em i mekim go bagarap olgeta.

Plis ol wokman, mekim rot hariap. Ren i kam na i luk olsem wok bai pinis long neks yia tasol.

LES PINIS PIENGEE

Lukautim wail laip bilong Kar Kar

Dia Edita,

Mi gat bikpela wari long ailan bilong mi KarKar na olgeta samting i stap antap long en.

Mi laik toktok long ol naispela wail laip long ailan we i wok long pinis nating bikos ol manmeri i no wok long mekim gut long bik bus bilong yumi.

Mi wari stret long wanem long dispela taim inap i go long taim bilong ol tumbuna bilong yumi, i luk olsem bai i nogat wanpela samting i stap long ailan na bai yumi i stap olsem ol man i nogat

wanpela wail laip long ples bilong ol.

Yumi mas lukautim ol wail laip bilong yumi long ailan na noken mekim nating long ronim ol i go. Ol i gat bikpela nem na bikpela as long mekim sindaun bilong ol iman long ples olsem ples i gat laip na ol man tu i wok long lukautim laip bilong ol long ples.

Sapos nogat wanpela tingting long lukautim ol long bihain taim, orait, bai yu lukim olsem ol dai man na meri.

Tingim ol pikinini na tumbuna bilong yumi long bihaintaim.

Nogat bai ol i painim olsem nogat wail laip long ailan na bai ol i lusim ples na go stap long narapela ples.

Plis ol manmeri long ailan KarKar, lukautim bik bus bilong yumi na solwara bilong yumi na ol wail laip i ken stap longpela taim i go inap bihain taim we bai ol pikinini na tumbuna bilong ol i ken amasim ol wail laip na solwara na graun bilong yumi.

BUSMAN KARKAR AILAN MADANG PROVINIS

Bikpela tok tenkyu

Dia Edita,

Mi laik tok bikpela tok tenkyu i go long ol woklain bilong Digicel long sapotim dispela PNG Nesenel Gem long Lae, Morobe Provins.

Tenkyu long sapot yu givim long mekim wok isi long mipela long kamapim dispela ol kompetisen long pilai.

Em i gutpela tru long wanem, mipela i gat sans nau long pilai wantaim ol narapela provins na poromanim ol narapela lain manmeri long bung wantaim long dispela taim long pilai na strongim spots insait long kantri na tu long soim sampela ol yangpela husat i gat nem long resis long ol kain pilai olsem ol Saut Pasifik Gems na ol arapela pilai.

Yu givim sapot bilong yu gen long mipela ol manmeri long PNG na mi laikim tru long sevis yu givim.

PILAI MOSBI SITI

Wanem kain rot bai pasim pasin reip long kantri

Dia Edita,

Planti toktok i kamap pinis long dispela nius long pasin reip o holim pasim na bagarapim meri - slip wantaim em taim em i no laik - we i wok long kamap bikpela moa long kantri bilong yumi.

Kainkain nius long olgeta midia i wok long toktok long ol pasin reip long ol wan wan provins na i luk olsem ol man i no harim ol toktok o ol awenes we i wok long kamap long ol midia.

Bai yumi mas askim yumi yet long wanem kain rot long stretim dispela hevi.

Bikpela sori mi wok long kisim na lewa bilong mi i wok long bruk em long ol man i wok long reipim ol liklik ol meri husat krismas bilong ol em olsem 10 o 12 na sampela em i go daun moa yet. Ol i no bikpela meri. Ol i pikinini tasol. Mi kra i long ritim kain nius na mi inap stret.

Ol nius na stori na ol kainkain awenes wok i no wok long helpim o daunim hevi. Em i wok long kamapim bikpela moa yet.

Ating wanpela rot long daunim na pasim

dispela hevi em long stopim ol pikinini long go skol. Ol i mas stap long haus na kisim skol long sampela we na bai ol papamama i lukautim

ol gut na was long ol. Na narapela em rausim bia long ol stua na ol samting we i wok long paulim het bilong ol man.

Gavman i mas kamap wantaim sampela samting strong moa long ol kain wok we i wok long kamap na i ken helpim

o daunim hevi bilong pasin reip.

MERI MOSBI NCD

Sapotim Mal Kela Smith

Dia Edita,

Mi sapotim strongpela Gavana bilong Isten Hailans Provins, Mal Kela Smith, bikos em i wokim strongpela wok, helpim ol manmeri bilong em long provins long olgeta kainkain wok developmen.

Na sampela pablik sevis man i stilim K500,000.00 mani tu em, em yet i wok strong tru long painim aut.


Olsem tu mi bilip olsem i gat planti arapela sinia bikpela pablik sevis manmeri olsem stil man na korap man i stap yet na mi laikim wanpela bikpela pablik inkwari o wok painimaut i mas i kam o nogat dispela bikpela Pablik Akaun Komiti bilong

Nesenel Gavman i mas sindaun na lukluk i go insait moa o wok painimaut hariap long olgeta ol sinia pablik sevis man na meri wantaim.

Mi bilip Sauten Hailans em i namba tu ples o provins planti pablik sevis manmeri i korap, na ol stil man i pulap tru na em i as tru bilong bagarap bilong provins.

Gavman i noken isi long ol. Ol i mas painim aut na kotim ol bai mani bilong gavman i mas i go stret long ol wok developmen bilong ol manmeri stret.

SIR MATIABE YUWI KBE, C.A.P BOROKO



LAPUN TASOL I GAT WIN YET

MUSIK: Planti bilong ol polis manmeri bai lusim polis fos long gutpela wok ol i mekim long kantri bilong yumi PNG; na yumi ol pipel bai tok wanem. Olsem dispela polisman i winim dispela bikpela paip bilong ol polis ben we i save wokim gutpela ol musik we yumi ol publik save laik harim na lukim.

FOTO: NICKY BERNARD

Plis helpim senisim Mama Lo i go long Tok Pisin

Dia Edita,

Bel bilong mi save amamas tumas long ritim Wantok Niuspepa long tok ples o Tok Pisin em i wanpela namba wan tok ples bilong yumi ol manmeri bilong Papua Niugini (PNG).

Olsem na tude namba wan toktok mi laik mekim long Wantok Niuspepa em long PNG Konstitusen o Mama Lo bilong PNG em ol saveman i bin raitim daun pinis long bikpela konstitusen buk bilong gavman.

Na long yia 1975, Mi, Sir M. Yuwi na Praim Minista Gren Sif, Sir Michael Somare,

em mi tupela yet i kamapim dispela PNG Konstitusen. Tasol ol manmeri i no save konstitusen em wanem samting.

PNG konstitusen mi save tru olsem i gat planti hap hap toktok bilong lo stat long A i go na pinis long Z.

Em ol saveman i raitim pinis long Tok Inglis na i no long Tok Pisin.

Olsem na mi yet mi bilip olsem Papua Niugini wantaim 5 milien manmeri wantaim 80 pesen manmeri i no save long Tok Inglis gut. Na planti ol manmeri ol i no ritim dispela

konstitusen buk. Na ol i no klia tumas long olgeta lo bilong yumi.

Olsem na askim mi laik mekim long yupela ol midia o Wantok Niuspepa em olsem, inap Wantok Niuspepa i painim wanpela save man o meri long tanim olgeta Mama Lo long Tok Pisin stret. Na olgeta manmeri long kantri i ken ritim Mama Lo bilong PNG long Tok Pisin bilong yumi stret. Olsem wankain olsem ol Saina (China) na Siapan (Japanese) i wokim.

Yu save olsem Tok Inglis i paulim yumi PNG pinis. Ating yu wan wan manmeri husat

i save long ritim Inglis tok ples i laki long ritim konstitusen lo bilong yumi.

Wantok Niuspepa inap long askim gavman long kamapim wanpela komiti long lukluk gut long dispela askim bikos mi save olsem dispela wok bilong senisim konstitusen long Tok Pisin em i no isi wok olsem na mi laikim gavman i mas givim sampela mani long helpim kamapim.

SIR MATIABE YUWI KBE, C.A.P BOROKO



Yu laik autim tingting bilong yu Salim wanpela pas i kam long Edita long:

Ol Pas i go long Edita P. O. Box 1982 BOROKO NCD

Sapos yu save long email, yu ken salim pas bilong yu i kam long: editorial@wantok.com.pg

Yu mas raitim tru tru nem, telepon namba na pos opis bakis bilong yu. Sapos nogat, mipela i no inap putim pas bilong yu insait long pepa.

Wantok i gat rait long katim o stretim ol pas bai em i bihainim olgeta lo bilong niuspepa.

WANTOK

KOMENTRI

Stret wok pasin i mas stap

BIKPELA toktok dispela wik nau i kam long sian bilong Pemanen Palamentari Pablik Akauns Komiti na memba bilong Nawae, Timothy Bonga.

Long namba wan kibung bilong Pablik Akauns Komiti o PAC long Trinde, Mista Bonga i tokaut long wanem ol dipatmen bai kisim glasim bilong PAC long yia i kam.

Tupela bikpela em ol Helt na Edukesen Dipatmen.

Dispela tok lukaut bilong Mista Bonga i gutpela nau long dispela taim we kantri i redi long lukim wanpela bikpela baset o mani plen tru bai kamap neks wik Tunde.

Insait long dispela bikpela baset o mani plen long 2008 bai gat bikpela moa luksave i go yet long ol bus ples na distrik. Dispela luksave i stap tu long manimak ol wan wan distrik bai kisim.

Em i gutpela taim bilong ol distrik, tasol birua bilong paulim mani bai stap yet.

Olsem na ating i mobeta PAC i mas glasim gut ol bikpela dipatmen i save givim ol servis ol pipel i mas i gat tru na we ol i save yusim bikpela hap mani bilong gavman. I noken pinis long Helt na Edukesen Dipatmen tasol.

Dispela wik Ombudsman Komisin tu i autim belwari bilong en long strong bilong ol distrik long menesim o yusim gut dispela mani.

Olgeta dispela kain wok glasim na sekim i mas kamap long olgeta level bai ol gutpela winmani yumi kisim i noken lus nating.

Long 5-pela yia i kam nau, yumi mas lukim olsem olgeta bikpela hap winmani i go long ol distrik i noken paul na yumi mas kamapim gen ol kainkain komisin bilong inkwairi o wok painimaut.

Kantri i lukim planti komisin bilong inkwairi pinis, tasol i no olgeta i bihainim ol samting ol i painimaut i go i go inap ol i sasim wanpela man. Nogat.

Mista Bonga yet i tokaut olsem maski i gat moa long 150 rekomendesen o stia tok i kam long Pablik Akauns Komiti, i nogat luksave tru long dispela ol rekomendesen. Dispela i nogut tru, na i no inap long go het yet olsem.

Long abrusim pasin bilong stil long hanpaus bilong gavman, yumi mas sanapim ol strongpela banis nau long nesenel i go daun olgeta long distrik level.

Man em i man. Em i gat laik na em i gat nogut long bel bilong em. Sapos yumi laikim stretpela na gutpela pasin i mas strong, yumi mas sarapim banis bai ol abus i no inap lus nating.



Skelim gut kastom bilong baim meri


ATING pasin bilong yumi long baim meri mas bikpela asua long kainkain hevi na trabel ol meri wok long bungim tude o olsem wanem?

Planti marit meri wok long kisim bikpela pen na bagarap long bodi na laip bilong ol long han bilong ol man bilong ol o ol lain bilong man bilong ol o sampela em long famili bilong ol yet.

Yumi save olsem planti papamama na ol bikpela brata susa na kandre bilong yumi bin marit long pasin bilong ples. Planti yangpela bilong tude em yumi marit long laik bilong yumi we yumi yet bungim meri o man long wanem hap yumi stap na prenim ol na maritim.

Tasol i gat sampela pasin na toktok bilong ples save kisim yumi olsem yumi mas marit long ples long strongim kastom o nem bilong famili o graun bilong famili long ples.

Pasin bilong marit long ples i pilaim bikpela wok insait long laip bilong wanpela nupela marit we tupela i stap insait olsem long Hailans, Niugini Ailans, Sauten rijon na wanwan hap insait long Sepik, Madang na Morobe we ol man save



baim meri.

Planti ol nius ripot yumi lukim olsem planti bagarap ol meri i kisim em long Hailans we ol man bilong meri bagarapim tru meri bilong ol bikos long sampela jeles pasin o sampela samting ol ting meri bilong ol i no mekim stret. Bikpela samting em ol man i ting meri i stap aninit long ol nau. Ol lain bilong em peim meri ya na em samting bilong ol nau. Em mas harim tok na mekim samting stret, karim pikinini na kirapim famili bilong lain bilong man.

Em sampela tingting tasol bikos yumi ol pipel bilong Papua Niugini i kla gut long pasin bilong yumi long baim meri long pasin bilong tumbuna.

Tasol nau yumi lukim nupela kain pasin i kamap we planti meri nau i kisim bikpela bagarap long han bilong ol man. Ol man i no isi long ol, bagarapim ol nogut tru olsem

rausim kolos long ol na ol sanap as nating long ai bilong ol manmeri, kukim ol long paia, tromoi ol go ausait na ol slip hangre na planti arapela bikpela hevi moa ol meri kisim.

Bai yumi mekim wanem long dispela?

Nau Lo i kamap olsem noken paitim o bagarapim meri. Tasol sas bilong kalabus em amas yia? Na husat tru insait long ol ples bai kamap na kotim man long paitim o bagarapim meri bilong em nogut tru?

Ating ol meri tu i pilim olsem ol nogat sapot na strong long toktok egens o pait egensim dispela kain pasin we i kamap long laip bilong ol bikos ol ting lain bilong ol kisim pei pinis olsem na ol stap isi na karim pen stap.

Ating long sampela ples em ol meri i no bikpela samting long famili na komyuniti. Ol em liklik samting tasol na wok bilong ol em long kisim kaikai long gaden na kukim na stretim haus stap gut na karim pikinini na lukautim ol. Taim man i jeles long ol o ol mekim sampela samting i no stret bai man i paitim ol nogut tru.

Ol arapela hevi olsem reip

em narapela samting we i kam aninit long sait bilong kriminel pasin we polis save kam insait na holim man na sasim.

Tasol samting mi toktok long en long antap em hevi ol meri i wok long bungim insait long marit laip bilong ol wantaim man bilong ol insait long ol ples bilong yumi long Papua Niugini.

Olsem na moabeta Gavman bilong yumi mas skelim na lukluk gut insait long dispela hevi na kamapim sampela bikpela senis long givim gutpela spes long ol mama na meri bilong yumi ken sindaun gut na amamas insait long marit laip bilong ol.

Ating pasin bilong baim meri mas gat sampela senis olsem daunim prais kam daun o rausim, kalabus bilong paitim na bagarapim meri mas 25 krismas long haus kalabus ol brukim marit na salim meri go bek long lain bilong em na arapela senis moa long sevim laip na sindaun bilong ol meri bilong mipela.

PNG i no moa stap long taim bilong tumbuna olsem bipo. Em nupela taim ya. Yumi kaikai rais na tin pis bilong ol waitman pinis ya. Olsem na senisim sampela pipia pasin nau.

Jisas bai i kamap king na ol manmeri bai i lotuim em

Hap tu bilong las wik...

Long 2 Sam 7:13 God i bin promis long King David long wanpela pikinini bilong em bai i stap king oltaim. Aisaia i bin strongim dispela tok i go moa yet. Long Ais 9:7, God i soim dispela tok long profet Aisaia, "Dispela king bai i stap senis bilong King David na em bai i sindaun long sia king bilong David na bosim ol manmeri. Strong bilong gavman bilong em bai i wok long kamap bikpela oltaim, na bai i nogat pait na ol manmeri bai sindaun gut oltaim. Long wanem dispela king em i king bilong mekim gutpela na stretpela pasin tasol na dispela pasin bilong en bai i mekim em i stap strongpela king nau, na olgeta taim..."

Long Daniel 7:13, 14 Daniel i lukim driman na long dispela driman i lukim wanpela man i



OL PRINSIPOL BILONG GUTPELA LIDASIP wantaim Evangelist OHARE JABERE

wankain olsem yumi manmeri bilong graun. (Yu ken tanim dispela tok olsem yumi manmeri bilong graun.) God yet i makim dispela man i kamap king na i givim em strong na biknem. Na em bai i stap king i strong oltaim oltaim, na wok king bilong em i no inap pinis. Na olgeta manmeri bilong olgeta kantri na olgeta lain na olgeta tok ples bai i stap aninit long en.

Dispela tok profet bilong Olpela Testamen i bin stap bikpela insait long tingting bilong ol Juda. Ol disaipel i bin tingim Jisas bai kamap wanpela bikpela king bilong graun

na inapim ol dispela tok profet.

Klostu long taim Jisas i laik i go long Heven ol i bin askim em long Ap 1:6,7, "Bikpela, ating nau long dispela taim bai yu mekim kantri Israel i kamap strong gen na i gat king bosim em, o nogat?"

Na em i bekim tok bilong ol olsem, "Em i no samting bilong yupela bai yupela i save long ol taim na ol de Papa i makim. Nogat. Em yet bai i bosim dispela ol samting."

Taim Jisas i kam namba wan taim em i kam olsem pikinini. Em i kam bilong karim ol sin bilong yumi na i kam bilong dai bilong kisim bek yumi. Tasol namba tu taim em i kam em bai i narakain olgeta. Jisas yet i tok long Mt 25:31, "Taim pikinini bilong man i kam bek olsem king wantaim olgeta ensel, orait em bai i sindaun long sia king bilong en."

Taim Jisas i stap long graun

ol no bilip long Jisas na ol i nilim Jisas long diwai kros. Ol i tok mipela no laikim dispela man i stap king bilong mipela. Na ol i kilim em i dai. Jisas bai i kam bek wantaim olgeta glori na strong bilong em na bai i stap king bilong olgeta king na bikpela bilong olgeta bikpela. Dispela tok profet i no inap popaia. Nogat tru. Long dispela taim olgeta manmeri bai i brukim skru na lotuim Jisas.

F1 2:11 i tok, "...bai olgeta ensel na olgeta man na ol arapela samting i stap long Heven na long graun na aninit long graun ol i ken brukim long skru long ai bilong Jisas na i stap aninit long em. Na olgeta bilong ol i ken tokaut olsem, Jisas Kraus em i Bikpela."

Lukim las hap long neks wik...

WANTOK

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea Telephone: (675) 325 2500 Fax: (675) 325 2579 Email: editorial@wantok.com.pg Pe bilong wanpela yia 52 niuspepa

Ples: PNG K220.00 AUSTRALIA US\$110.00 ASIA PACIFIC na JAPAN US\$150.00 AMERICA na EUROPE US\$210.00

General Manager Elizabeth Konga

Editor Neville Choi

Published at Section 58, Allotment 3 Office 2, Waigani Drive.


Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



TELIKOM PNG LIMITED
"our communication company"

Start-Up kit discount

"Telikom PNG makes my communication needs easy and simple"



K20

DON'T LIMIT YOUR CALLS. CHANGE YOUR SIM WITH THIS BEST OFFER & GET CONNECTED WITH EVERYONE

START-UP KIT

WITH K15 FREE CALL CREDITS

now that's real communication

Always there!





TELIKOM PNG LIMITED
"our communication company"

"B" Mobile Post-Paid

International Roaming

**NOW YOU CAN ROAM IN
AUSTRALIA USING "B" MOBILE POST-PAID SERVICE to:**

- SMS to PNG.
- Call from Australia to Rest of the World.

**COMING SOON ARE FOLLOWING
COUNTRIES;
South Korea, Singapore and Malaysia.**

**LOOK OUT IN THE PAPERS
for other countries...**

***Be free.
Roam the world.***

ANOTHER REASON WHY YOU SHOULD STICK WITH TELIKOM PNG

Always there!





TOK PISIN NEWS
from Radio Australia

radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)



OPIM ROT: PNG Hai Komisina long Solomon Ailans, Para Tamei i bin go pas long stretim rot bilong toktok long pulim ron bilong Air Niugini i go olsem long Honiara, Solomon Ailans.

Poto: Wantok Niuspepa

Air Niugini bai mekim ron bilong em long Honiara na Nadi

GAVMAN bilong Solomon Ailans i bin sainim wanpela tok orait wantaim Papua Niugini (PNG) gavman long Honiara, we dispela nau i stretim rot bilong ron bilong ol balus bilong Air Niugini long mekim ron bilong em i go long Honiara na Nadi long Fiji. Ol dispela sevis bilong Air Niugini bai

kamap aninit long dispela tok orait bilong tupela gavman bilong Solomon Ailans na PNG. Ol i bin sainim dispela MOU o memorandum of understanding bihain long namba wan lukluk bilong tupela long ol ron bilong balus bihain long 17 yia olgeta.

Para Tamei, Hai Komisina bilong PNG long Honiara, i bin tok dispela MOU i bilong bekim wanpela askim bilong ol lida bilong Melanesian Spearhead Grup insait long 2005 bung bilong ol long PNG, we ol i bin tok olsem i mas gat wanpela kain sevis bilong ol balus i mas kamap namel long ol Melanesian kantri.

Ol Fiji jas i wari long wok bilong ol

SIF Jastis bilong Tonga i bin tok sampela ol jas i wok long wari long sampela ol pasin i bin kamap we sampela pipel i laik traime bagarapim wok bilong judisari o ol kot long Fiji.

Las wik ol jas long Pasifik Judisel Konpres o bung long Tonga, i bin putim aut wanpela toktok sapotim ol jas long Fiji, em ol i traime long strongim rul bilong lo long kantri.

Ol tu i bin makim wanpela sinia jas bilong Amerika long wok klostu wantaim Pasifik Ailans Wok Grup long Fiji.

Sif Jastis bilong Tonga, Tony Ford, i bin tokim Pacific Beat program bilong Redio Australia olsem judisari long Fiji nau i wok long bungim hatpela ol toktok i kam long Fiji gavman.

"Tingting bilong indipendens bilong judisari, em i olsem, bikpela as tingting o prinsipol em olsem wanpela jas i mas inap mekim disisen long olgeta stori em i kisim long wanpela kes na i noken i gat dairek o indaurek presa i kam long gavman ol husat ol arapela, na bekim mipela i wok kisim long Fiji em sampela ol jas i wok kisim presa na dispela i wok brukim dispela as tingting bilong indipendens bilong judisari."

Komonwelt i toktok long hevi bilong Pakistan

OL Foren Minista bilong Komonwelt (Commonwealth) bai toktok sapos ol bai saspending Pakistan long dispela grup. Taim Presiden Perves Musharraf i bin harim na bai bihainim ol bikpela askim ol i putim long em, taim em i bin tokaut

olsem ileksen bai ol i holim long Janueri 9 long yia bihain, i luk olsem Komonwelt Ministerial Eksen Grup bai traime askim em long mekim moa.

Sampela de pastaim long Suprim Kot bai vout long painim aut sapos dispela ileksen win bilong em long mun Oktoba i stret long lo, Presiden Musharraf i bin tokaut long arestim ol pipel i kamapim ol straik, na dispela i bin lukim ol i saspending mama lo bilong kantri, na ol i rausim Sif Jastis long wok bilong em.

Em i toktok long aste olsem stet ov imejensi bai stap inap long taim bilong ileksen.

Pastaim Pakistan i bin aut long Komonwelt em long 1999, bihain long Jeneral Musharraf i bin kisim pawa insait long wanpela ku, em ami i bin sapotim.

Na 5-pela yia bihain em long 2004, Komonwelt i kisim em bek olsem memba gen.

Long ol nupela samting i bin kamap tude, ol opisal long Pakistan i bin tok ol i nap tambu long wanpela protes mas em olpela Praim Minista, Benazir Bhutto i bin tingting long kamapim agensim stet ov imejensi bilong kantri.

Mis Bhutto i bin plen long wokabout long Lahore i go long Islamabad long we bilong en inap long 275 kilomita, stat long tumora.

Australia i lukluk long mak bilong saiklon

LAIN bilong Australia em ol i saves lukluk long ol kain taim, nau i wok long was long namba wan tropikel lo, long taim bilong saiklon namel long ol nambis bilong Australia na Papua Niugini (PNG).

Weda fokasta, Ray Evans, i bin tok dispela lo temaret-sa i stap nau namel long PNG na Solomon Ailans na i wok long ron i go olsem long saut wes.

Em i tok dispela weda sistem bai inap long bringim hevi ren na strongpela win long rijen taim mipela i kamap long namel bilong wik.

"Nau yet em i sindaun namel long PNG na Solomon Ailans. Wanpela long ol model i wok long bihainim i go olsem long saut n awes, na i wok long isi isi i go olsem long Torres Strait na bai stap long hap olsem long Fonde o Fraide dispela wik. Olsem na em i as we ol fokasta i wok kisim 25 i go inap 35 nots long fa not Kep Yok peninsula long Aste - Trinde"

Sogavare i no laik givim Julian Moti i go long Australia

OL MEMBA i go pas long ol tingting bilong rausim Solomon Ailans Praim Minista Mannaseh Sogavare i bin tok Atoni Jeneral Julian Moti bai ol i salim em i kam bek long Australia sapos nupela gavman i winim opis.

Australia i laikim Julian Moti long ol sas bilong slip wantaim wanpela yangpela meri.

Niusman bilong ABC long Mosbi, Steve Marshall i bin ripot.

Tingting no laik bilong Solomon Ailans Praim Minista, Sogavare long i no bin laik givim Julian Moti i go bek long Australia i bin kamapim planti ol toktok kros namel long gavman bilong Solomons na Australia.

Tasol ol politisen bilong Solomon Ailans i bin tok ol bai luksave long askim bilong Australia long salim Julian Moti i kam bek long Australia sapos ol i win na autim Praim Minista long vot - nogat- bilip em ol i tingting long kamapim.

Nainpela ol olpela minista nau i bung pinis wantaim oposisen na askim Gavana Jeneral long askim Palamen i mas kam bek na holim miting, long ol i toktok long dispela vot nogat bilip agensim Praim Minista.

Ol memba em ol i laik salensim Mista Sogavare i bin tok ol i gat sapot pinis i kam long 28 long dispela 48 memba bilong palamen.

Tasol Praim Minista Sogavare i bin tok em i gat inap namba long holim gavman bihain long i bin makim tripela nupela Minista dispela wik.

Na Gavana Jeneral i no tokaut yet sapos palamen bai holim miting o nogat.

Australia man i kamap long Fiji kot

SIMON McCartney, wanpela man bilong Australia, dispela wik i bin kamap long Fiji kot, na i bin bungim ol sas bilong kilim dai meri bilong em.

Bodi bilong Ashika Lata, meri bilong em bilong Fiji, ol i bin painim arere long rot, autsait long Suva, tupela wik i go pinis.

Ol wok painim i bin painim olsem, em i bin dai taim ol i taitim rop raun long nek bilong em na mekim em i dai.

Mista McCartney i bin wanpela man tasol pipel i bin lukim wantaim meri bilong em na nau em i bungim ares na sasim em long kilim meri bilong em.

Ol sas bilong pastaim, kot i bin rausim las wik, taim Suva Majistret kot, John Semisi i bin tokaut olsem Polis i no bin pinisim gut stretpela wok painim bilong ol.

Kot i bin tokim Mista McCartney pastaim olsem em i fri long lusm Fiji, tasol long Fonde bilong las wik, ol i bin kisim em bek i go long polis rum - gad, na long Sarere nait, ol i sasim em gen long kilim meri bilong em.

Polis i holim em nau i stap long polis rum gat long Suva Sentral Polis stesin-inap ol i kamapim tingting long dispela askim bilong em long bel long Fonde.

Polis holim pasim tupela long Filipins

TUPELA pipel nau i bungim arest long Filipins bihainim strongpela bom-pairap em i bin kilim dai 6-pela pipel na bagarapim sampela haus.

Polis i bin tok dispela tupela i bin kamapim dainamait, long kilim ol pis, na tupela bai bungim ol sas bilong dispela pairap, em i bin bagarapim tru ol lain haus long wanpela sabab long Manila.

Polis i tok em i agensim lo long kamapim kain dainamait olsem.

Polis i tok tu olsem tupela i bin putim dispela ol dainamait long wanpela haus tupela i bin rentim, na i bin pairap taim sampela samting i mas rong long en.

Raun wantaim ol Meri na Pikinini



JAIS ABEN: Ol dispela pikinini bilong Jais Aben, long Madang i amamas waswas raun long naispela klinpela solwara bilong ol.

POTO: VERONICA HATUTASI



KAIKAI YAI: Ol meri i bung poroman na traim wanpela nupela kaikai i stap. FAIL POTO

Ol hevi bilong gan i wankain long olgeta hap

Natasha Bodger i raitim

LONG wokabaut bilong wanpela yangpela meri i go long Nu Yok long Amerika, em i bin painim aut olsem hevi bilong gan o gan vailens i wankain long Papua Niugini (PNG) na tu long olgeta hap long wol.

Vavine Gabi, meri we i bin makim maus bilong PNG Koalisen Agensim Gan Vailens, i tok em i no painim hat long stap namel long ol narapela long wanem ol kain hevi ol i bungim i olsem hevi em i bin bungim long 1999, taim ol raskol i kilim mama bilong em long ai bilong em.

Mis Gabi i tok em i harim planti ol stori long ol lain we i bin bungim hevi wantaim gan na i tok ol hevi bilong gan long PNG i wankain olsem ol narapela hap.

Em i stori long Meri Wantok olsem wanpela stori we i sutim bel bilong em i kamap long wanpela meri bilong ples Irak, we em i bin lukim tupela brata bilong em na papa bilong i dai long han bilong ol soldia husat i yusim gan long

sutim ol.

Mis Gabi i tok tu olsem narapela meri bilong ples Haiti long Karibien i bin lukim man na pikinini bilong em i dai long han bilong ol man nogut husat i bin bargarapim em na pikinini meri bilong em.

Mis Gabi i tok em i no painim hat long toktok long hevi em i bin bungim taim em i toktok long 62 UN Jeneral Asembli Fes Komiti long Kontrol Ams Global Pipels Konsaltesen (Control Arms Global People's Consultation).

Em i tok tu olsem ripot long wol i soim olsem i gat 640 milien gan i wok long raun na dispela i soim olsem PNG tu wok long kamap wantaim resis bilong en long holim ol gan.

Mis Gabi i tok hevi em i bin bungim i mekim em i laik toktok strong long rausim gan insait long PNG long wanem planti i dai pinis na sapos yumi i no mekim wanpela samting, bai sindaun bilong ol pikinini bilong yumi bai bagarap.

Em i tok tu olsem 500 MP long 80 kantri i pasim tok na sainim pepa long Kontrol Ams

POTO: OXFAM INTANESENE



Mis Gabi long UN hetkota long Nu Yok. Long baksait em piksa bilong wanpela gan.nus bilong en ol i pasim.

Paliamentari Deklaresen (Control Arms Parliamentary Declaration) na ol hetman bilong dispela i tok ol i laik kisim 5,000 moa nem long sapotim pait agensim gan vailens aninit long Am Treid Triti (Arms Trade Treaty) we ol bai givim long UN Jeneral Asembli.

PNG i wok long redim wanpela sabmisin we ol i laik salim i go long Nu Yok long sapotim dispela triti.

Mis Gabi i tok em bai putim sapot bilong em na grup bilong em tasol bikpela luksave na helpim i mas kam long komyuniti na tu long Gavman.

Yumi mas prea long ol famili

Sylvester Fred i raitim

Meri grup long Sen Joseph Peris long Baruni long Nesenel Kapitel Distrik (NCD) i bin go long Kimbe long wik i go pinis long wanpela preia bung.

Ol mama i bin go long ples Tarubi insait long Kimbe na bung wantaim ol mama long pre wantaim ol na tu autim tok bilong bikpela namel long ol yet.

Dispela meri grup bilong Baruni i bin go na stap wanpela wik namel long ol mama long Tarubi na bung wantaim ol long ples bilong ol.

Meri lida bilong ol mama, Josephine Kavanamur i tok ol i bin amamas tru long dispela bung long wanem ol i bin go na toktok long wanem kain gutpela na hevi ol i save bungim na tu autim toktok bilong lotu na tu long Bikpela.

Em i tok dispela raun

bai i no inap long kamap sapos i bin nogat gutpela sapot i kam long ol famili na tu ol man bilong ol.

"Mi pilim olsem long dispela bung, mipela i lainim planti samting na mipela i bilip na strongim olsem famili em i bikpela samting," Misis Kavanamur i tok.

Em yet i tok em i tok-tok strong long ol mama insait long Motu Koitabu eria long prei strong long ol famili na tu long ol man bilong ol long

wanem yumi i mas stat insait long haus bilong yumi wan wan bipo yumi laik go outsait.

Misis Kavanamur i tok ol mama i mas senisim ol pasin bilong ol na kam klostu long God Papa na askim em taim ol i prei long blesim famili na lukautim ol na bringim ol kam klostu long Bikpela yet.

Em i tok sapos yumi i no beten, ol pasin bilong pait na trabol i save kamap namel long famili.



"WANTOK STAP AIDS FRI" 2007 KUPON KOMPETISEN



Stap insait long Krismas bonas dro na winim K300 kes mani, balus tiket bilong wanpela bilong go na kam bek long Airlines PNG, tripela gif pek, na ol PNGFTC Musik CD's na Kasets wantaim Mini Stereo Plaia bilong CD/ Kaset na Mobail fon.

DRO DE: FRAIDE, Desemba 14, 2007


Raitim ol ansa bilong yu na salim kupon i kam long: WBAF KEMPEN, P.O.Box 961, Boroko, NCD.

Tel: 325 4718 Mobail: 682 5865

Kamap wanpela fri netwok kempen memba bilong "Friends That Care (FTC) Production. Ringim mipela nau long painimaut moa.



PNG MICRO-FINANCE LTD Helpim Yu Long Lukautim Yu Yet



The Printing Haus

Question: Q42: Kaunsiling em i wanem samting?


Answer: _____

Name: _____


Sex: _____ Age: _____

Address: _____

Contact: _____



Toktok bilong Gavana Jeneral long Opim bilong Divilopmen Asosiesen Komyuniti Lening Senta, Fu



● Gavana Jeneral Gren Sif Sir Paulias Matane i kamap long Madang ples balus.



● Sir Paulias i wokabaut i go long mekim bikpela toktok bilong em long Furan Ples.



● Sir Paulias i kisim bikpela welkam long Furan Ples Kaunsila, Job Sogasog.

Gavana bilong Madang Provins, Hon. Sif Sir Arnold Amet;

Memba bilong Madang Open, Hon. Buka Malai Ol bikmanmeri, ol meri na man

Mi amamas tru long stap hia long Madang na long yupela i stap wantaim mi long lukim wok bilong opim Madang Distrik Individual na Komyuniti Divilopmen Asosiesen lo na jastis projek.

Olsem Hetman bilong Stet, pastaim tru, mi laik tok amamas long Gavana bilong Madang Provins na Memba bilong Madang Open Iektoret long i gat bikpela tingting long givim sapot long dispela projek. Dispela tingting bilong em bai helpim long strongim dispela wok long nau na bihain taim tu.

Long dispela taim mi tok tenkyu long Komyuniti Jastis Liaison Yunit (CJLU), Gavman bilong Australia, Gavman bilong Papua Niugini, na AusAID long kamapim dispela projek.

Mi harim olsem hap we dispela projek bai lukluk moa yet long en em Furan Ples, long Wod 2 bilong Ambenob Lokel Level Gavman (LLG), na ol hap

klostu long en. Dispela em bikos long ol dispela hap, ol lo na oda hevi i antap tru.

Madang Distrik na Komyuniti Divilopmen Asosiesen Sekretariat i bin karimaut wanpela wok glasim na i bin painim aut olsem insait long tupela wik tasol long dispela yia, i bin i gat 157 ripot long ol kriminal na sivil hevi.

Bikpela tingting bilong dispela prosek em long "kamapim gut moa kwaliti bilong laip na sindaun bilong ol pipel long daunim ol lo na oda hevi," em i gutpela tingting.

Strateji o plen em long promotim o strongim lo na oda na helpim ol famili kamapim mani bilong ol yet. Dispela i gutpela plen. Gavman, praivet sekta, ol sios na ol non gavman ogenaisesen (NGO) i mas givim sapot long dispela plen.

Mi tok amamas long ol pipel bilong Furan Ples na ol narapela ples husat i stap insait long dispela prosek long wok bung wantaim long kamapim dispela prosek. Mi askim ol pipel bilong PNG long ol arapela ples long olgeta hap bilong kantri long

Komyuniti Jastis Liaison

Komyuniti Jastis Liaison Yunit (CJLU) Contestable Funding i go long ol lo na jastis non gavman ogenaisen (NGO), komyuniti bes ogenaisesen (CBO) na ol Sios i bin kirap long Jun 2004, tasol fanding o mani i bin go aut inap Septemba 2005. Dispela fanding em hap wok bilong lo na jastis sekta long traim long wok bung wantaim ol komyuniti. Papua Niugini Nesenel lo na jastis polisi i save lukluk moa yet long kamapim gut moa fomol na infomol sistem bilong lo na jastis. Em i luksave olsem PNG i mas i gat ol nupela na gutpela we bilong tingting na stretim ol lo na oda hevi bilong en. Em i save promotim ol wok bilong stopim ol lo na oda hevi long kamap, na sapos ol dispela hevi i kamap, stretim long rot we i bihainim ol kalsa na tradisen o pasin tumbuna bilong ol PNG komyuniti.

Bikpela tingting bilong dispela fanding em "Long yusim ol sivil sosaiti ogenaisesen ong strongim lo na jastis servis long komyuniti levul na kamapim senis long dispela levul."

Long ol yia i go pinis i kam inap nau CJLU i givim sapot long Famili Vois (Family Voice), YWCA Goroka, ICRAF, Bogenvil Inta-Sios Wimens Forum (Bougainville Inter-Church Women's Forum), Komyuniti Divilopmen Ejensi (Community Development Agency), na Melanesian NGO Senta bilong Lidasip (Melanesian NGO Centre For Leadership). Ol aplikesen bilong K5000 na i go daun em Nesenel Kodineta na Lo na Jastis Sekta Program Menesa i ken tok orait long en. Long ol aplikesen we i antap long K5000 em CJLU Advisory Bod bai lukluk na toktok long en olgeta 4-

pela mun na mekim disisen.

Wanpela ol lain husat i save kisim helpim long Contestable Funding em Madang Distrik na Individual na Komyuniti Divilopmen Asosiesen.

Gavana Jeneral opim Integretet Kraim Privensen program long Furan Ples, Madang

Gavana Jeneral bilong Papua Niugini, Gren Sif Sir Paulias Matane, wantaim Gavana bilong Madang, Sif Sir Arnold Amet, na Memba bilong Madang Open Hon. Buka Malai, i bin opim Integretet na Holistik Kraim Privensen program long Furan Ples, Wod 2 bilong Ambenob Lokel Level Gavman (LLG) bilong Madang Distrik long Oktoba 27, 2007. Dispela program i lukluk long daunim o stopim kraim o ol lo na oda hevi long ol rot we i bungim olgeta pipel na i lukluk long komyuniti divilopmen long mak bilong komyuniti stret. Madang Distrik Individual na Komyuniti Divilopmen Asosiesen i bin karimaut wanpela wok glasim na i bin painim aut olsem inap long 157 kriminal na sivil hevi o kes i bin kamap insait long tupela wik tasol bilong Jun 2007. Dispela e mol kes we i bin i gat ripot long en. Komyuniti bilong Furan i stap namel long Sisiak Setelmen na Beon Haus Kalabus bilong Koreksenal Sevis (CS). Em i wanpela eben viles o olsem ples bilong taun.

Long taim em i opim dispela program Sir Paulias i luksave na tok amamas long wok bilong Komyuniti Jastis Liaison Yunit (CJLU), AusAID, na lo na jastis sekta. Em i tok, "mi amamas wantaim wok lo na jastis sekta long han bilong en CJLU i wok long mekim long helpim long daunim na stretim ol lo na oda hevi long kantri. Ol pipel bilong PNG i mas pillim



● Sir Arnold i toktok long ol pipel long bung long Furan.



● Madang Open MP Mista Mal long Furan.

Abrusim dai long paia



PAITIM PAIA: Ol paiaman i pait strong wantaim paia i kukim haus bilong Filipino man Jesus Catallo.



WOK MANI: I bin gutpela ol lain i helpim long kilim paia, tasol bihain ol i kirap na rausim ol samting long haus gen.



HELPIM: Ol yut i wok tekova long wok bilong paitim paia.

Clive Hawigen i raitim

WANPELA liklik mangi na wanpela lapun Filipino meri i klostu lusim laip bilong ol taim paia i kukim tupela stori haus bilong ol long Goroka taun long Isten Hailans Provins.

Tasol strong na save bilong ol man i stap long haus klostu, em Joio Quinn i bin ron i go insait long haus taim paia i karamapim pinis long pulim rausim mangi pastaim na bihain em i kalap i go long wanpela mango diwai i stap klostu long haus long brukim glas windua long haus kuk na pulim rausim Misis Catallo, dispela meri Filipino husat i bosim dispela haus, lukim olsem nogat laip i lus.

Sapos Quinn i no bin stap long helpim tupela, ating bai tupela i lus pinis long paia.

Samting olsem 5-pela famili wantaim papa bilong haus Jesus Catallo i lusim ol samting mani mak bilong ol i abrusim K500, 000.

Wanpela ol hauslain i stap long dispela haus, Doreen Joshua i tok olsem paia em ol i bilip i kirap long kendol sampela i mas laitim na lus ting long en.

Em i tok wanpela long ol lain i stap long ol rum long graun flua i wok yusim kendol bikos ol pawa isipe yunit bilong mita long dispela rum i bin pinis.

Misis Joshua i tok olsem ol i hat tru long rausim ol samting bilong ol.

Jesus Catallo em i wanpela bipo pablik sevan na bokis ais mekenik husat i stap long Isten Hailans Provins moa long 20 krismas olgeta na i no longtaim i go pinis em misis bilong em i bin kam bek long wanpela tu wik holido o mal-olo long as ples bilong tupela long Filipins. Mista Catallo yet i no bin inap long toktok bikos em i no inap bilip yet olsem haus bilong em i paia.

Maski tripela paiaman i bin kamap long haus i paia, ol i no bin inap long stopim paia olgeta. I no bin i gat ol ambulens o polisman i stap long helpim ol paiaman.

Ol lain i stap klostu i bin helpim ol paiaman long traim kilim dispela paia. Tasol dispela tu i bin abrus liklik bikos taim paia i dai olgeta, sampela long ol lain i helpim long paitim paia i kirap na stilim gen ol samting bilong wan wan ol famili i bin stap insait long dispela haus.

Dispela niusman i bin stap tu taim em i lukim ol samting olsem ol matres, klos na keten ol i wok karim i go.

Sir Paulias laik antapim Maunten Wilhelm

Timon Henry i raitim

Gavana Jeneral Gren Sif Sir Paulias Matane i tok olsem em bai wok-abaut i go antap long bikpela maunten long Papua Niugini (PNG) long neks yia taim em i bungim 75 krismas bilong em.

Sir Paulias husat em wanpela lida husat i save laik stap fit na strong long eksasais na wokabout i bin tokaut long dispela long las wik long ol fran bilong ol sumatin long Goroka Grama Skul long Goroka, Isten Hailans

...taim em i gat 75 krismas

Provins, long gredusen bilong ol.

Sir Paulias i bin tok tu, olsem long wankain taim long em i wok-abaut i go antap long Mt Wilhelm, em bai pablisim namba 45 buk em yet i bin raitim.

Dispela Gavana Jeneral husat i save kolim em yet olsem, 'lapun wantaim yangpela tingting' i tokim ol sumatin wantaim ol papamama bilong ol olsem ol i mas gat dri-man o visin, plen gut na long trupela rot, mekim

dri-man wantaim visen bilong ol karim kaikai.

Em i tokim ol sumatin long tok tru o mekim trupela ol samting na ol i mas noken givap i stop long bihainim wanem dri-man o visin ol i laik bihainim long laip bilong ol.

Sir Paulias i givim tok amamas bilong em i go long ol administresen na ol tisa bilong Goroka Grama Skul long mekim gutpela wok we i lukim dispela nupela skul i mekim gut tru long sait bilong skul

wok, spots na tu long sait bilong wok sariti o helpim komyuniti.

Long sait bilong spot, Goroka Grama Skul i gat nem long kamapim nambawan meri long ron long 100 mita em Mae Koime na long sait bilong sariti, wanpela tisa long Goroka Grama yet em Genevieve Roberts i winim taitel olsem Mis PNG Red Kros 2007.

Sir Paulias i tok em i lukim ol gutpela mak bilong skul na em i amamas long tok olsem dispela skul i gat gutpela visin.

Haus lotu i senis na Kristen i mas senis tu

Eric Sinebare i raitim

SEN Matin Luteran Kongregesen long Kundiawa taun i amamas long givim gen haus lotu bilong ol i go long God Papa.

Dispela Ridedikesen i bin kamap long las wik Sande i go pinis wantaim ol bikpela amamas na bikpela bung bilong Luteran Sios Konpresen we i kamap long dispela taim.

Dispela haus lotu i bin stap longpela taim na nau i gat gutpela luksave long dispela haus lotu. Moa long 500 manmeri long dispela kongregesen i bin kamap long lukim dispela bung.

Pasto Ombu Kondo i opim na

givim blesing wantaim autim tok bilong God long dispela na i tok, "Nau yumi amamas long haus lotu yumi stretim na kamapim gutpela luksave long insait na ausait tu, long dispela pasin yumi Kristen i mas mekim wankain na mas senisim pasin long insait na ausait wantaim. God i laikim manmeri i mas i stap klin na lotu long em."

Wanpela man bilong sios na man husat i go pas long lukautim dispela haus lotu, Mr, Tido Gulip i tokim Wantok Niuspepa olsem, dispela Sen Matin Kongregesen em haus lotu i stap insait long taun bilong Kundiawa na i lusim sampela kala bilong en i kamap olpela olsem na ol Kristen i laik stretim dispela haus lotu.

Em i tok i gat wanpela spesol prosek komiti bilong sios i stap na o wok hat tru long mekim dispela i kamap gut.

Mipela wok long dispela wok stretim inap 4-pela wik olgeta na we mipela i statim long Septemba 3 na mipela i pinisim long de 28 long mun Oktoba, em i tok.

Mista Tido i tok, mipela i mekim dispela wok mani mak olsem K14 367.00.

Em i tok olsem dispela em wanpela wok ol tok strong long kamap we i mas i gat senis long ai bilong ol Kristen manmeri na ol arapela i ken lukim we i mas i gat senis insait long sios.

Kamapim gutpela sindaun bilong ol pikinini

PROGRAM bilong ol pikinini long tokaut long raits bilong ol bin kamap long NBC redio program long las wiken.

Insait long dispela program ol skul sumatin long Ted Diro, Hohola Demonstration, Divine Word University na Gerehu High School long Mosbi i bin go toktok na autim tingting bilong ol long ol raits bilong ol.

Meri i go pas long redio program Matilda Gaveva bin bungim ol sumatin wantaim ol sinia opisa bilong Dipatmen bilong Sospel na Developmen we i lukautim sait bilong child welfare o opis i lukautim sindaun bilong ol pikinini.

Insait long dispela redio program ol welfea opisa i bin toktok long planti hevi ol pikinini save bungim bikos planti taim papamama i no sindaun stret. Papamama i gat kros pait o marit bruk, papamama i no wok mani, papa o mama i dai o pikinini nogat papa o mama. Planti bilong ol dispela hevi i save kamapim hevi long laip na sindaun bilong ol pikinini.

Ol opis i tokaut tu olsem planti taim papamama i save kros pait na tok nogut nabaut long ai bilong pikinini na dispela i givim skul nogut long ol pikinini we em i bikpela wantaim bikhet pasin o papamama salim pikinini long go baim smok buai na ol lainim long smok na kaikai buai taim ol i liklik yet.

Ol welfea opisa i tokaut strong olsem yumi ol papamama i mas mekim samting stret na lainim o skulim ol pikinini long gutpela rot na gutpela pasin nau. Sapos wanpela pikinini i mekim samting we i no stret, orait go long em na skulim em. Noken lukim long ai tasol na tok, em pikinini bilong husat.

Ol i tok olgeta pipel insait long komyuuniti i gat wok bilong stretim na lukautim gut ol pikinini bilong yumi na noken lukim long ai tasol.

Ol skul pikinini i tokaut tu olsem em i tru ol i save olsem planti pikinini i save bungim planti hevi bikos papamama i gat hevi. Sampela taim famili memba i no mekim gut long ol o tanim bek na bagarapim ol.

Ol skul pikinini ol save gut long planti hevi ol wanskul bilong ol yet i save bungim bikos ol yet i save tokaut long hevi bilong ol long ol wanskul o gutpela pren bilong em long skul.

Ol skul pikinini i laikim olsem i mas i gat strongpela lo i kamap bilong mekimsave long ol papamama husat i no mekim gut long ol pikinini bilong ol o husat man i givim hevi long ol pikinini. Na tu opis bilong welfea i mas op long skulim ol papamama husat i save gat hevi oltaim na bagarapim gutpela sindaun bilong ol pikinini.

Ol tisa tu i bin stap long dispela program na ol tokaut olsem hevi bilong ol pikinini em ol tisa i save lukim olgeta taim na save pilim sori wantaim ol. Ol pikinini husat i gat hevi long haus yet na i kam i no save lainim wanpela gutpela samting long klas. Ol tisa i tok planti taim ol i luksave long pikinini i sot long skul fi, sot long mani bilong baim kaikai long belo, nogat gutpela klos long putim olsem yunifom na nogat mani bilong baim bas na go kam long skul na planti tai mol save hangre bikos ol no kaikai gut long skul.

Ol tisa tok dispela hevi em ol save luksave tru olsem papamama i no mekim gut long ol pikinini na olsem ol pikinini karim hevi na wari wantaim na go long skul.

Ol tisa i tok tu olsem taim pikinini i save bikhet na mekim trabel nabaut long skul em ol save kisim tingting pinis olsem pikinini i kam long famili we papamama save kros pait planti na i lukautim gut pikinini. Olsem na ol save traim long singautim papamama kam long skul long traim kisim tingting bilong ol long painim wei bilong stretim pikinini na soim papamama tu long ausa bilong ol. Tasol planti taim ol papamama tok em i no bisnis bilong yupela ol tisa long skulim mipela ol papamama.

Planti hevi em ol tisa i autim na ol skul pikinini tu i tokaut we ol welfea opisa i mekim sampela bikpela toktok go antap long salensim ol papamama insait long Papua Niugini (PNG) long senisim pasin na tingting bilong ol na mekim samting

stret long kamapim gut ol pikinini bilong mipela. Dispela inap lukim ol pikinini i kamap gut insait long gutpela sosaiti na PNG inap kamap gutpela kantri long-bihain taim we ol pikinini ken stap gut long en.



STRONGIM WOK BILONG LUKAUTIM OL PIKININI:

Ol pikinini bilong MSC Tu Mail Hill Taurama pikinini i amamas long putim kamap wanpela eksen singsing.

POTO: VERONICA HATUTASI



DEPARTMENT OF FINANCE

NOTICE TO SUPPLIERS OF GOODS AND SERVICES TO GOVERNMENT DEPARTMENTS, PROVINCIAL AND LOCAL LEVEL GOVERNMENTS

2007 CLOSE OF ACCOUNTS

The following information about the end of the 2007 financial year is relevant to all suppliers and payees of government:

- The cut-off date for the issue of any new ILPOCs (Integrated Local Purchase Order Claim), and for the corresponding entry of commitments to the Government's PGAS accounting system, is **Friday 14th December 2007**. **NO** new 2007 year ILPOCs can be issued after 14 December 2007.
- Payment for goods and services provided to government that were covered by valid ILPOCs, will continue to be processed and paid up until 31 December 2007.
- In order to be paid in 2007, suppliers must submit invoices to the relevant department no later than close of business on the 14th December 2007. Where suppliers have delivered goods and services before the 14th December 2007, invoices should be submitted as soon as the goods and services are delivered to ensure payment in the 2007 year.
- Invoices and all queries concerning payment should be directed to the paying office of the relevant department. Under no circumstances should claims be submitted to the Department of Finance other than for goods or services provided to the Department of Finance.
- Remember, in accordance with the law, only an official approved ILPOC can be recognized as a commitment and a valid claim against the state.

AUTHORISED BY:

GABRIEL YER
SECRETARY
DEPARTMENT OF FINANCE



TELIKOM PNG LIMITED
"our communication company"

B Mobile Telipay

Telikom PNG is proud to be the first to introduce an Electronic Recharge System for Mobile customers in PNG

Now you can recharge your B Mobile prepaid call credits using the all new Telipay

Here are 3 Easy Steps to follow:

1. Ask for Telipay at your favourite Telikom Shop or dealer
2. Pay for your Telipay Voucher
3. Follow the Instructions on your Telipay Voucher to recharge your B Mobile credits

Now Available in NCD, Lae, Mt Hagen and Kokopo *Coming soon to other Centres throughout PNG.*

Enquire at your local Telikom Business office or your favourite Telikom dealer for more information.


Powered by 



Better Products, better People

Always there!





Tok pilai wantaim Kanage olgeta wik...

Kanage i go raun long Rabaul na em stap wantaim ol wantok bilong em long Park strit. Olgeta moning na apinun, em save lukim wanpela yangpela meri save wokabaut i go na kam long skul na em i gat bikpela laik long em. Kanage stap i go na wanpela taim em i kisim strong long tokim meri ya olsem em i gat laik long em. Wanpela apinun, meri ya wokabaut i kam bek long skul na Kanage i stat long singsing i go long em: "Mi save lukim yu long rot, aiwara save pundaun long ai bilong mi. Mi save laik long tok...tok...tok..."

Meri ya hariap tru tanim na tokim Kanage: "Olsem wanem? CD sikarap ah?"

Mambu
Wantok bilong yu yet

Wanpela meri i salim buai i stap na Kanage em baim buai. Kanage i no putim trausis, em pasim laplap tasol. Taim Kanage sindaun i go daun long baim buai, laplap i no pasim gut ol tumbuna ya. Meri ya hariap tru tanim ai bilong em i go long sait na tok: "Yupela! Air Niugini balus i no pundaun yet na hariap tru tupela wil bilong em klostu pas long graun nau!"

Rocky Yuthuk
Warasikan Village

I gat wanpela bikpela mango diwai i stap insait long banis bilong wanpela matmat. Toro na Biabia kalapim mango ya na pulapim wanpela beg na tupela sindaun long as bilong diwai na sekim ol mangi i stap. Kanage i raun painim pisin i kam klostu long diwai na em i harim ol man i tok "Wanpela bilong yu, wanpela bilong mi. Wanpela bilong yu, wanpela bilong mi." Kanage harim dispela toktok na em ronawe i go. Em i bungim Petrus, wanpela lapun man long rot. Kanage kirap tokim Petrus, "Lapun, kam harim. Mi harim Satan na Papa God long matmat ske-lim ol dai man i stap." Petrus, wanpela lek bilong em bagarap liklik, tasol em bihainim Kanage i go long matmat. Tupela i go kamap klostu long mango diwai na tupela harim, "Wanpela bilong yu, wanpela bilong mi. Wanpela bilong yu, wanpela bilong mi." Lapun Petrus i tokim Kanage long go klostu na traim lukim tupela bigman ya. Tupela wokabaut isi yet i go na tupela harim, "Wanpela bilong yu, wanpela bilong mi. Em tasol. Nau yumi i go kisim tupela bihain long diwai na yumi go!" Taim Kanage na lapun Petrus harim dispela toktok, tupela wantaim givim siksti. Tasol lapun Petrus givim seventi na em ronawe lusim

Kanage i kam bihain.

Mambu
Wantok bilong yu yet

Kanage wantaim poro bilong em pilai long gras i stap. I no longtaim tupela pilim hot na skin bilong tupela i sikarap. Kanage kirap na tokim poro bilong em: "You rough me first then I rough you. Together we rough - rough!"

Rocky Yuthuk
Warasikan Village

Kanage save stap long 2 Mail long Mosbi. San i hot nogut tru na Kanage kisim taim stret. Em kirap kisim 20 toea bas i go long nam-bis, Ela Bis. Kanage i go waswas i go na go slip malo-lo long wesana stap. Wanpela meri kam na askim em long Inglis: "Are you relaxing?" Kanage i no save long Inglis na em i bekim, "No. Mi em Kanage". Meri ya lusim em na wokabaut i go. Kanage i sekim het tasol na em i slip gen. I no longtaim na wanpela man i kam na askim em, "Are you relaxing?" Kanage bekim gen, "No...no...Mi em Kanage!" Kanage i belhat nau na em kirap kisim ol samting bilong em na go sindaun aninit long wanpela diwai. Em i go sindaun na em i lukim wanpela man i slip stap. Kanage i go na askim em, "Are you relaxing?"

Man ya kirap na tok, "Yes, I am relaxing." Kanage kirap solapim em na tok, "Yu long-long. Yu stap we na olgeta lain i go painim yu. Hariap, kirap na go bihainim ol!" Tarangu man ya kirap hariap tru na ron i go long haus.

Mambu
Wantok bilong yu yet

Kanage em mangi bus Koiari na kam marit long HB long na gat 6-pela pikinini, we em i sais bilong wanpela volibol tim. Wanpela taim Kanage saspek long misis na bikpela kros kirap. Kanage wail stret na em laik kilim em stret. Yu save mangi bus na meri HB wokim na бага sindaun bagarap. Em kisim marasin tasol ol tambu stopim em. Wokim go em belhat i go inap apinun nau em kisim kanu na tokim meri olsem, "Mi les long yu, les long ol pikinini na les long stap laip na mi bai pul i go long bik solwara-wanem samting kamap em mi go." Misis Kanage tingim ol pikinini na em stopim Kanage "Tingim ol pikinini tu oh husat bai papa bilong ol." Kanage bekim "Kisim nupela papa bilong ol." Kanage pul i go 10-mita nabaut na misis sanap long haus na singaut "na olsem wanem long roy-alti bilong friwe, mani bilong stim bisnis husat bai kisim?" Kanage bekim, "Mi no wari em samting bilong

graun." Man misis lukim Kanage pul i go na klostu bai go lus long solwara na em kirap na wokim las singaut. "Olgeta samting em yu les na hau bai mi stap na yu go na dai olsem. Plis lukim dispela samting blong yu ya nau bai stap olsem wanem wantaim husat." Taim Kanage tanim long las toktok bilong misis em lukim misis apim sket. Man Kanage tanim wan tru na bekim na pul kam bek long HB.

Dokta Bus
Gerehu stage 3B
NCD

Kanage em man bilong pilai snuka stret. Em ol poroman i pilai istap, em bai kam longwe yet na tekova long gem bilong ol. Em save mekim na ol poroman i skin dai olgeta long em. Wanpela taim Kanage i lukim olsem wanpela poroman i putim K1 bilong em long bukim gem na em i sambai i stap. Taim gem bilong tupela poro i kamap, hariap tasol Kanage i ron i go holim diwai na redi long pilai. Wanpela man i lukim na Tok Inglis long Kanage, "Hey mate, put your Kina where mouth is." Kanage harim na tokim em. "Save your Kina and don't talk."

John Wanix
Litet Launs, Mosbi

Rocky Yuthuk
Warasikan Village

www.motoseven.com



F.+81 52 323 0095
P.+81 52 323 0255
sales@motoseven.com

FREE
GIFT with Order

Shipping Guaranteed
Quality Assured
Direct Buying from Japan


YUMIFM Radio Program

Program bilong Wanwan De - Mande - Fraide

6am - 10am - Sankamap show - Host: Kas.T
 6:15am - Komuniti Notis Bod
 6:30am - Nius Hetlains / Bondei grittings
 STOP & SHOP GES FAIA KOMPETISEN

6:45am - Niuspepa Hetlains
 7:00am - Major Nius Bulletin - YUMIFM Nius Senta
 7:15am - Powerhaus Hit prediksen
 7:30am - STOP & SHOP GES FAIA KOMPETISEN
 8:00am - Major Nius Bulletin - YUMIFM Nius Senta
 8:15am - YUMIFM Bisnis / Market Ripot
 8:30am - STOP & SHOP GES FAIA KOMPETISEN
 9:00am - Nius Bulletin - YUMIFM Nius Senta
 9:15am - Luksave long Komuniti (Radio Pilai)
 9:30am - STOP & SHOP GES FAIA KOMPETISEN
 9:45am - YUMI PAINIM WOK Segment
 10:00am - Nius - YUMIFM Nius Senta
 10am - 2pm - Monin Trek na Belo Pack -
 10:10am - Lukatim yu yet - Helt toktok - RH Hyper Mart
 10:15am - Powerhaus Hit Prediksen
 10:45am - YUMI PAINIM WOK Segment
 11:00am - Nius - YUMIFM Nius Senta
 11:10am - Cont'd - Lukauti yu yet - Helt toktok
 11:30am - Nius Hetlains b'long Belo Taim
 12:00pm - Major Nius Bulletin - YUMIFM Nius Senta
 12:10pm - ESI COOK RICE Belo taim Dedikesen
 12:15pm - Komuniti Notis Bod
 12:20pm - cont'd ESI COOK Belo taim dedikesen
 1:00pm - Nius - YUMIFM Nius Senta
 1:10pm - cont'd ESI COOK RICE Belo taim dedikesen
 1:15pm - Powerhaus Hit Prediksen
 2:00pm - Major Nius Bulletin - YUMIFM NUIS SENTA
 2pm - 6pm - Avinun Draiv Taim - Host: UNCLE ET
 2:00pm - 4:00pm (Tunde / Fondei) TOKAUT TOKSTRET
 2:45pm - YUMI PAINIM WOK Segment
 3:00pm - Nius - YUMIFM Nius Senta
 3:10pm - Avinun cruz
 4:00pm - NUIS - YUMIFM Senta
 4:10pm - SAUT B'long UNCLE ET - foapela singsing
 4:30pm - Nius Hetlains
 4:45pm - YUMI PANIM WOK Segment
 5:00pm - Nius - YUMIFM Nius Senta
 5:10pm - 6:00pm - FLAME KULCHA (1 hr)
 6:00pm - MAJOR NIUS BULLETIN - YUMIFM NUIS Senta
 6pm - 00am - NAIT BEAT - Host: ANGRA KENNEDY
 6:10pm - 7:00pm Mon kamap so
 6:15pm - Powerhaus Hit Prediksen
 6:45pm - Komyuniti Notis Bod (Toksave wantaim Vaviessie)
 7:00pm - 9:00pm - COCA COLA GARAMUT
 7:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW
 00:00 - Early Monin Taim Cruz (ol lain brukim tulait So)


Wiken raun wantaim Wantok



TRAIM TASOL: Ol sumatin bilong Don Bosco pilai na singsing long greduesen bilong ol gret ten Fraide wik i go pinis.



AMAMAS: Helen Kodana na pikinini bilong Brendan i lukluk long bikpela pikinini bilong em Steven kisim pepa long pinisim yia 10 bilong em long Don Bosco.




PAPAMAMA I STAP WE?: Dispela mangi kisim bikpela taim olsem na em sliip dai na papamama bilong em i lus ting long em na go ausait long bikpela pilai haus long Don Bosco Skul.

93 FM YUMIFM WIKLI HIT PARADE

Date Ending: Saturday: 17/11/07

W/B	L/W	T/W	SONG	ARTIST
1	1	1(4)	Laea long mi	Solkizs
3	2	2	Oh Mama	Owa Unit
5	5(3)	3	Crazy	Anslom
2	3	4	Swit Love	Patti Potts Doi
4	4	5	Mangi Moresby	Massive Sound System
7	7	6	Anua Moagere	Patti Potts Doi
12	9	7	K - Nait Club	Uralom Kania Anua
10	10	8	Swit Lewa	Leonard Kania
6	6	9	Unari	Tribe of Jubal
8	8	10	Tugurere	Papua Originators
14	14	11	Gutsi Peren	Suluna Toupan
11	12	12	Lost in a dream	Leonard Kania ft George Luff
9	11	13	Fool moon	Anslom Nakikus
0	16	14	Umangil	Giveway String Band
13	13(5)	15	Auna Fonza	Moqai
15	15	16	Darling	Solkizs
0	0	17	Oh Girl	Phi Jay
0	0	18	Gaidi lalokau	Sega Brothers
0	0	19	Kusai Sandy	Shem Calls
0	0	20	My Rocks	Toni Mex



TAIM BILONG MALOLO: Sampela bilong ol boi bilong Don Bosco i amamas taim kemra i tanim i go long ol. **OL POTO: NICKY BERNARD**

RADIO AUSTRALIA - TOK PISIN PROGRAM HARIM LONG: 101.9 FM

Radio Australia Tok Pisin Program - MANDE

Morning - Nait

6AM Stesen Op - Nius Hetlain - Musik na ol intaviu
 6:30AM Nius na Karent Afes
 7AM Stesen Pas
 7PM Stesen Op
 7:01PM Ol Hetlain na Program Priviu
 7:15PM Spots
 7:30PM Nius na Karent Afes
 8PM Helt
 8:15PM Musik
 8:30PM NUIS
 8:40PM Spots Riplei
 8:55PM Musik
 9PM Stesen Pas

TUNDE

Morning - Nait

6AM Stesen Op - Nius Hetlain - Musik na ol intaviu
 6:30AM Nius na Karent Afes
 7AM Stesen Pas
 7PM Stesen Op
 7:01PM Ol Hetlain na Program Priviu
 7:15PM Musik na Chit-Chat
 7:30PM Nius na Karent Afes
 8PM Marna Graun
 8:15PM Musik/Spots
 8:30PM NUIS
 8:40PM Helt Riplei
 8:55PM Musik
 9PM Stesen Pas

TRINDE

Morning - Nait

6AM Stesen Op - Nius Hetlain - Musik na ol intaviu
 6:30AM Nius na Karent Afes
 7AM Stesen Pas
 7PM Stesen Op
 7:01PM Ol Hetlain na Program Priviu
 7:15PM Musik na Chit-Chat
 7:30PM Nius na Karent Afes
 8PM Focus
 8:15PM Musik/Spots
 8:30PM NUIS
 8:40PM Marna Graun Riplei
 8:55PM Musik
 9PM Stesen Pas

FONDE

Morning - Nait

6AM Stesen Op - Nius Hetlain - Musik na ol intaviu
 6:30AM Nius na Karent Afes
 7AM Stesen Pas
 7PM Stesen Op
 7:01PM Ol Hetlain na Program Priviu
 7:15PM Musik na Chit-Chat
 7:30PM Nius na Karent Afes
 8PM Youth
 8:15PM Musik/Spots
 8:30PM NUIS
 8:40PM Focus Riplei
 8:55PM Musik
 9PM Stesen Pas

FRAIDE

Morning - Nait

6AM Stesen Op - Nius Hetlain - Musik na ol intaviu
 6:30AM Nius na Karent Afes
 7AM Stesen Pas
 7PM Stesen Op
 7:01PM Ol Hetlain na Program Priviu
 7:15PM Musik na Chit-Chat
 7:30PM Nius na Karent Afes
 8PM Wantok
 8:15PM Musik
 8:30PM NUIS
 8:40PM Youth Riplei
 8:55PM Musik
 9PM Stesen Pas

SARERE

Nait

7PM Stesen op - Ol Nius Hetlain/Program Priviu
 7:05PM Musik na Chit Chat
 7:30PM Nius
 7:40PM Wantok
 8PM Lokal Ben
 8:30PM Nius
 8:40PM Musik/Chit Chat
 9PM Stesen Pas

SANDE

Nait

7PM Stesen op - Ol Nius Hetlain/Program Priviu
 7:05PM Musik na Chit Chat
 7:30PM Nius
 7:40PM Femili Blong Serah (Radio Plei)
 8PM Lukluk Bek Long Wik
 8:30PM Nius
 8:40PM Musik/Chit Chat
 9PM Stesen Pas

TV GAID EMTV Celebrating 20 Years of Television Broadcasting in PNG!

FONDE 15 NOVEMBA, 2007

5.27AM STATION OPEN
 5.30AM G JOYCE MEYER
 Religious programme
 6.00AM G TODAY
 9.00AM G CREFFLO DOLLAR
 Religious Program
 9.30AM G 1ST TEST - AUSTRALIA v SRI LANKA - Day 1 - Venue: Gabba, Brisbane.
 Midday G THE CRICKET SHOW
 2.30PM G AUSTRALIA v SRI LANKA
 ...continues....
 4.57PM G EMTV TOK SAVE
 5.00PM G THE SHAK
 5.29PM G EMTV NEWS UPDATE
 5.30PM G HOT SOURCE
 6.00PM G NATIONAL EMTV NEWS
 6.30PM G CURRENT AFFAIR
 6.59PM G NEWS UPDATE IN TOK PISIN
 7.00PM G BERT'S FAMILY FEUD: 7.30PM G SPORT SCENE
 7.57PM G EMTV TOK SAVE
 8.00PM M 24

9.00PM M RPA
 10.00PM M THE GIFT
 The Gift is a factual new series hosted by 60 Minutes reporter Tara Brown which documents the amazing stories, trauma and importance of organ donation and transplants. (Season Premiere)
 10.00PM G EMTV NEWS REPLAY
 11.00PM PG I SHOULD'NT BE ALIVE
 MIDNIGHT Australia Network

FRAIDE 16 NOVEMBA, 2007

4.59AM STATION OPEN
 5.00AM G CREFFLO DOLLAR
 Religious programme
 5.30AM G JOYCE MEYER
 Religious programme
 6.00AM G TODAY
 9.00AM G 2nd TEST - AUSTRALIA v SRI LANKA Day 1 - Venue: Belerive Oval, Hobart
 4.57PM G EMTV TOK SAVE
 5.30PM G HOT SOURCE

6.00PM G NATIONAL EMTV NEWS
 6.30PM G A CURRENT AFFAIR
 6.59PM G NEWS UPDATE - IN TOK PISIN
 7.00PM G TEMPTATION
 7.30PM G LOVE PATROL
 8.00PM G IN MORESBY TONIGHT
 8.27PM G EMTV TOK SAVE
 8.30PM G FRENCH FILM FESTIVAL
Les Voyageurs de la Korrigane
 (2005) Documentary - The voyage aboard La Korrigane in the South Seas in the 1930s undertaken by five well-to-do young people the expedition saw them return to France with over 2,500 truly genuine artefacts, many of which are now prized exhibits in the Musee du Quai Branly. Their travels also took them to the Middle Sepik River where the bonds of friendship remain.
 9.30PM PG 20 TO 1:
 11.30PM G EMTV NEWS REPLAY
 Midnight Australia Network
SARERE 17 NOVEMBA, 2007

8.59AM STATION OPEN

9.00AM G 2nd TEST - AUSTRALIA v SRI LANKA - Day 2 - Venue: Belerive Oval, Hobart.
 11.30AM G THE CRICKET SHOW
 12noon G AUSTRALIA v SRI LANKA
 ...continues....
 5.00PM G SPEED MACHINE
 6.00PM G NATIONAL EMTV NEWS
 6.30PM G AUSTRALIA'S FUNNIEST HOME VIDEO SHOW
 7.30PM PG JUST FOR LAUGHS
 Join David Whitehill when he presents hidden camera goofs and gags as unsuspecting victims fall prey to practical jokes while going about their daily lives.
 8.57PM G EMTV TOK SAVE
 9.00PM G IN MORESBY TONIGHT
 9.30PM G TOTAL RUGBY
 10.00PM G EMTV NEWS REPLAY
 10.30PM PG AIRLINE
 11.00PM PG AIRPORT
 11.30PM G GARDENING GURUS
 Midnight Australia Network

SANDE 18 NOVEMBA, 2007

6.29AM STATION OPEN
 6.30AM G BUSINESS SUCCESS - Live
 7.00AM G SUNDAY - Live
 9.00AM G 2nd TEST - AUSTRALIA v SRI LANKA - Day 3 - Venue: Belerive Oval, Hobart.
 11.30AM G THE CRICKET SHOW
 12noon G AUSTRALIA v SRI LANKA
 ...continues....
 5.00PM G SPEED MACHINE
 6.00PM G NATIONAL EMTV NEWS
 6.30PM G SEVENTH HEAVEN
 7.30PM G 60 MINUTES
 8.27PM G EMTV TOK SAVE
 8.30PM M SUNDAY NIGHT MOVIE:
 UNCONDITIONAL LOVE - Drama/Comedy/Musical - After her husband (Aykroyd) leaves her, a woman (Bates) travels to London for the funeral of the pop star, Victor Fox (Pryce), she's adored all her life. There, she meets the lover (Everett) of the

Nesenel Kanu na Kundu Festival bikpela turis wok bilong Alotau

OL ogenaia i nogat moa toktok. Ol i tok olsem bikos em i wanpela bikpela resis tru, em i bin pulim laik bilong ol lain bilong ples Hawaii long kam na stap insait long Nesenel Kanu na Kundu Festival i bin kamap i no long taim i go pinis long Alotau taun insait long Milen Be Provins.

Kamap bilong ol US pulman i bin givim moa kala, kalsa na kirapim bel bilong olgeta i stap insait na lukim ol kainkain tumbuna kanu i kamap long ol kainkain ailan insait long provins.

Ol Hawaii lain i bin karim ol autriga woa kanu bilong ol i go long Milen Be long stap insait long dispela nesanel festival we i bin kisim luksave moa long Kundu Festival long 2003 taim Milen Be Turisim Buro na Nesenel Kalsarel Komisin na Turisim Promosen Atoriti i bin kamapim.

Long wiken bilong festival, bikpela basis bilong Alotau i bin pulap wantaim ol kanu i kainkain sais, kainkain kala na i pulap wantaim ol waria pulman.

Tim bilong Amerika em Gaylord Wilcox na Michael Spalding em tupela man husat i bin go pas long ol. Ol i bin kisim tupela moa pulman bilong Tahiti taim ol i ron i kam olsem na tu ol i kisim Rufus Kimura na Kalai Miller. Ol i bin kamap long Mosbi na kisim tupela moa asples pulman em Ronnie Hae na Kila Mala bilong PNG Kanu Asosiesen.

Tim bilong Hawaii i bin lusim Alotau long Mande, Novemba 5 bihain long ol i pinisim dispela tripela de festival na raun bilong ol i go aut long ol ailan olsem Samarai long pul kanu.

Wanpela arapela intanesanel tim bilong Indonesia em ol i bin askim ol tasol ol i no bin bekim.

Em i bin wan kain tu long ol Gogodala waria pulman husat i gat nem long winim dispela resis wantaim ol bikpela woa kanu bilong ol.

Siaman bilong Festival na bipo man bilong raitim ol PNG pilai, John Kaniku i tokim mi, "Mipela i amamas tru long ol Hawaii i kamap na stap bilong ol i givim moa kalsa laik na amamas long festival dispela yia."

Kaniku i bin amamas wantaim kamap bilong festival dispela yia, we ol i lukim namba wan taim bilong ol Autriga Kanu long resis. Dispela i lukim samting olsem 46 kanu ol i bilasim na penim gut tru wantaim ol woa disain na kala bilong ol yet.

Ol liklik pikinini tu i bin stap insait long resis wantaim kanu bilong ol yet we tenpela yangpela i pul long en. Ol i amamas tru long lukim ol pikinini i soim save bilong ol long ron long solwara.

Tasol ol bikpela pes kanu em i bin 7-pela Epoi, em ol biksolwara kanu bilong ples Esa'ala husat i bin resis insait long Kula kategori. Ol dispela Epois kantu em ol sel bot ol i save yusim bipo tru long taim ol i save senis kaikai na samting namel long ol ailan bilong Milen Be yet.

Wan wan long ol Epois i bin gat 15 pulman na ol i strongpela tru long ron long bikpela ren na win.

Bihain long ol em ol Sailaus (em ol seling kanu tu). Ol i gat wanpela 18 olgeta i bin sel aninit long Giniuba Ring kategori.

Ol dispela ailan kanu em namba bilong ol Kemura, Rossel Ailan, Misima na Conflict ailan pipel na tu long Murua.

Namba tri kategori em ol Kostel o nambis Kanu. Dispela i bin gat 18 kanu i soim save bilong ol Milen Be pipel bilong sapim gut kanu.

Namba 4 kategori we i bin gat bikpela resis tru em ol tripela woa kanu. Wanpela



olgeta hap kona bilong provins i bin stap insait long festival. Misima i bin sanapim 14 kanu. Sevenpela sel bot i kam long Esa'ala. Suau komyniti i sanapim 18 kanu na ol Duau pipel i selim samting olsem 10-pela kanu.

"Ol lain long Sentral Provins i bin givim ol kanu long ples Mailu inap long 50 sela

Maolai i tok.

I bin gat planti ol lain turis i kam long Australia na ol arapela kantri husat i bin amamas tru wantaim ol pipel bilong Milen Be.

Wanpela turis i raun i go long Milen Be long dispela taim i tok em i amamas tru long traun ol as ples kaikai ol i salim long ol kaikai haus.

"Dispela em i wanpela long ol namba wan PNG so mi lukim," em i tok. "Mi wanpela ausait man na mi laik strongim tingting bilong ol pipel bilong ol arapela provins long kam lukim Alotau bikos long tingting bilong mi yet, em i namba wan isten taun i stap isi tr una em i wanpela gutpela turis ples tru insait long PNG."

Milen Be Turisim Buro bai amamas tru long strong bilong Turisim insait long provins taim ol i amamasim samting olsem ova 400 ovasis na lokel turis long mun i go pinis taim bikpela Pasifik Ailans Konfrens o bung long Neitsa Konsavesen i bin kamap.

Dispela i bin wanpela bikpela samting tru bilong turisim na em bai gro moa yet wantaim K10 milien developmen plen bilong Alotau wotafran.

Festival dispela yia i bin pulap moa wantaim planti ol tumbuna singsing na ol arapela sait program olsem lonsim bilong epoi na tumbuna senisim wok bilong pik na kaikai namel long ol kain kain kanu asosiesen bilong Milen Be.

Wanpela samting i bin kamap dispela taim em pasin bilong givim bel isi long arapela komyniti. Na i no long pasin bilong sekan. Nogat. Ol pipel bilong Milen Be i save sakim het bilong tasol na tok yesa long wanbel.

Tasol ating kanu bilong Hawaii i bin pulim planti ai tru dispela yia. Ol i no sel long festival tasol. Nogat. Bihain long en, ol i pul na lukluk raun long provins.

Ol i bin tok klia olsem ol i laik kam stap long festival na lukim sindaun na laip bilong ol as ples manmeri, na tru tumas, ol i mekim dispela.

Bihain, ol i autim tingting long ol i mas kam bek neks yia gen. Em nau ol i tok tu olsem ol bai salim kanu bilong ol i kam bek long Mosbi, na bai ol i holim i stap wetim festival neks yia.

Wanpela long ol Kanu Resis Kodineta, Rex Malro, i tok ssampela long ol bikpela wina bilong kanu resis em long Epoi Kategori em ol lain bilong Ukawanatugu i bin win, Greeting na Wamai i bin dro, na long ol fainals long Sande, kanu bilong ol Hawaii i bin win long dispela resis, tasol ol i bin givim long Epoi Wamai.

"I bin i gat 7-pela Epoi Kanu i bin go long Alotau long Oyau Dobu Epoi Asosiesen, na long Duau Lokol Level Gavman eria long Esa'ala distrik na olgeta Epois i bin go bek long Esa'ala long namel bilong wik-bihain long festival," Malro i tok.

I bin gat planti ol wina insait long ol arapela tu.

Kaniku i tok, "Maski ol ogenaia i bin opim nupela resis insait long festival dispela yia, em i no bin as tru bilong dispela samting. Ol bikpela wok i bin raunim ol kalsarel so na tumbuna danis bilong ol pipel. Ol vifes manmeri i bin redi sampela mun i go pinis na dispela festival wiken i bin kamap gut tru we em i kaikai bilong bel isi, hat wok na luksave long tumbuna pasin.

Kaniku i tok maski sampela kanu i no bin winim prais, em i sans bilong stap insait long festival na em i nap long laik bilong ol.



RESIS: Ol kanu i bin stap insait long resis program.



WELKAM: Ol waria o paitman i tok welkam long ol kanu long nambis.



PUL: Tupela waria pulman i taitim bun.

Ol Foto: Biga Labasi

long ol dispela i gat 18 pulman bilong ronim.

Alotau niusman Paul Maolai i ripot i kam olsem moa long 16 kanu asosiesen long

bilong ol. Tasol ating namba wan bikpela ol kanu i pulim planti ai em ol woa kanu we ol pipel bilong Huhu long Be i save mekim."

Yu ken ritim GLASIM MUSIK long tok Inglis insait long THE NATIONAL tasol olgeta Mande.

The Catechism of the Catholic Church

Bishop Francesco of Goroka writes:

Let's continue the exploration of our faith taken from the Catechism of the Catholic Church

THE TEN COMMANDMENTS

God revealed the Ten Commandments to the people of Israel through Moses. They reveal who God is and the obligation that every human being must have towards him and neighbours.

The Decalogue in Sacred Scriptures. Decalogue means 'Ten Words'. God revealed these words on the holy mountain establishing a close relationship between himself and Israel. These commandments indicate to the people how they should behave in order to be free from the slavery of sin and be in good relationship with God. Such relationship is called covenant. Covenant means that God takes the initiative to call people to be his own and that people in faith respond fully to such an invitation.

There is a grave obligation to follow the commandments because they express the fundamental duties of all human beings towards God and to-

wards their neighbors. They cannot be changed and we cannot run away from them.

"YOU SHALL LOVE THE LORD YOUR GOD WITH ALL YOUR HEART, AND WITH ALL YOUR SOUL, AND WITH ALL YOUR MIND" (Mt 22:37).

These words of Jesus express what it means to have a relationship between God and us. We have to respond to his love by loving him with all our strength.

The first Commandment: "You shall worship the Lord your God and him only shall you serve".

The first commandment demands that all human beings accept God as the only one God and that they must worship him only. God revealed himself by letting the people of Israel know that he was the one who liberated them from the slavery of Egypt. By asking to be recognized as the liberating God he demands that homage and adoration be given him. To adore is to recognize God as God is the vocation of all human beings. People have to acknowledge that God is the only one with the power to save us and there-

fore to him only belong reverence and worship. To know and love of God, the first commandments demand that we grow always in faith, hope and charity.

Faith. Faith has to be protected and nourished. Faith helps to know God deeper and to believe in him and bear witness to him.

We may fail against the first commandment by disregarding or refusing to believe the revelation of God and what the Church proposes for belief.

Hope. We are not able to respond fully to the invitation of God. But we firmly hope that God will help us with his blessings and so we may grow in knowing and loving him more and more.

We may fail against the first commandment by cultivating an attitude of despair. To despair is to think that someone may not be saved because of his sins and refusing to hope in the goodness and forgiveness of God.

We may also fail when we presume (presumption) or think that we can be saved without the help of God.

Charity. The first commandment demands from us to love God above

everything and to love all creatures for him and because of him. To love God totally and to love creatures without other motivation but because of him.

We may fail against the first commandment by our indifference, ingratitude and hatred of God.

Him only shall you serve. To serve God is to recognize that we depend totally on him and it is essential for us to express it by

- **Adoration:** is to acknowledge him as God, Creator, Lord, and Saviour. It is to praise him and to humble oneself in front of him. In adoration, human beings become free of selfishness, sins and idolatry.

- **Prayer:** is a lifting up of our mind to God expressing our praise, thanksgiving, intercession, and petition.

- **Sacrifice:** is the giving of oneself in union with the total sacrifice of Jesus Christ offered to the Father for the salvation of the world.

You shall have no other God but me. The first commandment demands that no other god may be honored replacing the God who revealed himself to his people. It demands that forms contrary to God's adoration

must be avoided like:

- **Superstition:** is to attribute to objects (ex: amulets for protection) or practices as having in themselves the power to protect or help people.

- **Idolatry:** is a form of worshipping many gods

- **Divination:** is to believe that by consulting horoscopes, astrology, palm readings we may be able to control events or situations of our lives. These forms are contrary to the faith and trust in the Providence of God guiding our life.

- **Magic and sorcery:** is a way to manipulate occult powers believing that they may be used by some people as supernatural powers against others.

- **Irreligion:** has various aspects: it is tempting God by not trusting in his goodness; it is to profane or treat unworshiped sacred objects or persons consecrated to God (sacrilege); it is to believe that spiritual benefits may be bought with money (simony).

- **Atheism:** is a way of believing that human beings can live, act and die without God.

Next week: the Second Commandment: 'You shall not take the Lord your God in vain.'

Thank you all Caritas people for conducting election awareness

Caritas Coordinators report on Election Awareness

Caritas PNG as the Caritas PNG, the Justice, Peace, Relief & Development Agency of the Catholic Bishops' conference of PNG has conducted election awareness activities in the past elections and did so for 2007 National Elections.

Caritas had its intentions clear and that it was engaged in doing election awareness activities to empower and educate the people with the right kind of information so they could be able to decide for themselves the type of leaders they want when voting.

The election awareness program was extensive as it covered all provinces of the country. Much of the awareness activities were done by the Diocesan Caritas Coordinators and so during the annual conference in early October the coordinators gave reports on how they conducted the awareness activities in the different provinces. Many have commented that Caritas PNG had good network and its awareness did get down to people in communities. The coordinators also reported on the many challenges and problems that they faced trying to conduct awareness.

One of the main problems that were reported was the issue of transport problem. It was a common problem given the geographical situation of the country and the lack of proper infrastructures. The awareness program was a very difficult one in which awareness needed to be done on the new system of voting (LPV) and the changes to ballot paper and candidate posters. Given the complexity of the awareness program Caritas PNG people strived to promote good governance and managed to do the awareness successfully and received a lot of positive comments from people in the communities and people from other institutions that saw the benefits of the awareness.

Rabaul celebrates the Arrival of the First Missionaries and Proclaims a Jubilee Year



Some of the local sisters, priests and brothers dressed in the old habits of the first missionaries, arriving on a boat from their ship. At the beachfront they were welcomed by a group of locals from the nearby Livuan community, dressed in leaves and holding spears.

Celebrations were recently held to mark the 125th Anniversary of the landing of the first Sacred Heart missionaries at Matupit Island in New Britain.

For the people of the Rabaul Deanery it all began a week before the actual date of the 29th September with Novenas at each parish in

the deanery. On Friday 28th September, a traditional garamut ceremony called the "taktak" was conducted all night through until dawn. At around 5am a dawn service was held and wreaths were laid with the United, SDA, and Local Churches taking part in choir. Everybody gathered at the

beach front around the monument of the missionaries landing and processed to the church lead by Volavolo parish community. In the background Mt. Tavurvur was belching out smoke and ash and rumbling.

The Apostolic Nuncio - His Excellency, Most Rev. Francisco Montecillo Padilla was the main celebrant of the Holy Mass. The Liturgy was led by parishes of Matupit, Vunavavar, Iatupal, Volavolo and Malagunan including other parishes in the Rabaul Deanery. After the Mass, speeches, choirs, dramas and singing tumbuna followed.

The next day there was a re-enactment of the arrival of the Missionaries at Vunapope.

Some of the local sisters, priests and brothers dressed in the old habits emulating the first missionaries, arriving on a boat from their ship. At the beachfront they were welcomed by a group of locals from the nearby Livuan community, dressed in leaves and holding spears.

The Pomio people who were the next lot of people to hear the Gospel, took over from the Livuan community at Warner Shand building and brought the 'missionaries' to the Sacred Heart Cathedral where the mass was celebrated - this was a sign of the "light of Gospel" brought to them by the first recipients - the Tolais.

The Eucharistic celebration started with a procession by Pomio community into the Cathedral with the Apostolic Nuncio, the Archbishop of Rabaul and priests processing into the church. The church was packed to capacity and many people had to stand outside. The Liturgy was led by the Rapolo, Vunapau and Ulapia students with the Archbishop of Rabaul as main celebrant of Eucharistic mass. At the conclusion of the mass, Archbishop Karl Hesse officially declared the beginning of the Jubilee Year (until 29th September 2008). Around 3-3500 faithful were present.

After the mass a cultural ceremony by the Pomio community was conducted at the construction site of the new cathedral. This ceremony preceded a previous one which was conducted last year when the old cathedral was demolished - according to the Pomio custom when a boy house (haus boi) is pulled down the chief of the haus boi is presented with a pig. Likewise, when a new haus boi is being built another pig must be presented to the chief again. So the Archbishop as 'chief' of the Archdiocese was given this honour.

More activities followed: the raising of the Archdiocesan Flag while the General Assembly song "We are Church" was sung followed by speeches, choirs, dramas and singing tumbuna.

Bilip na Skul bilong Katolik Sios long Sotel Laip bilong Manmeri long Sosaiti

Bisop Steve Reichert ofm cap i raitim

ap amamas na i kisim laip i gutpela tru.

Long Catholic Reporter long mun Septemba yumi bin luksave long sampela astok bilong bilip na skul long sotel laip bilong manmeri long sosaiti, yumi Katolik Sios i save bihainim long en.

Wanpela bikpela astok i stap pas na sampela arapela astok i stap aninit long en. Dispela namba wan astok em i olsem:

Yumi olgeta wan wan man na meri i gat nem na namba (digniti), God i givim yumi.

Em i olsem, God i wokim yumi manmeri olsem piksa bilong em yet.

God i tokim manmeri long kamap planti na i go sindaun long olgeta hap bilong graun bilong lukautim na bosim, na yusim olgeta samting i stap long en bilong painim gutpela sindaun long laip bilong ol hia long graun. Orait, nau yumi ken kamautim wanpela narapela bikpela astok. Em i olsem:

Olgeta wan wan man na meri i gat rait long yusim ol samting bilong graun bilong kisim gutpela sindaun long laip hia long graun.

Olgeta manmeri i stap insait long dispela astok, olsem na i no gat wanpela man o meri i mas sot long wanpela samting, i no gat wanpela i mas i stap ausait long gutpela sindaun bilong sosaiti. Wan wan man na meri i gat rait long yusim ol samting long graun, God i bin wokim long en, bilong mekim kain kain wok na painim kaikai long en bilong kamapim gutpela sindaun bilong ol wan wan yet na famili bilong ol wantaim. Tasol lukim, olgeta wan wan man na meri i gat dispela rait. Em i min olsem, yumi wan wan manmeri i no ken mekim samting i pasim dispela rait bilong narapela manmeri. Ol wok yumi wan wan man na meri i mekim, wantaim ol samting yumi kisim, olsem winmoni o kaikai bilong wok yumi mekim, sampela hap graun o mani o kain kain samting, yumi ken yusim bilong lukautim yumi yet wantaim famili. Tasol, yumi wan wan i no ken bungim planti samting tumas o kontrolim ol samting na long dispela yumi sotim o bagarapim sampela arapela manmeri long sosaiti.

Olsem na yumi ken tokaut gen long narapela astok bilong skul long sotel laip bilong yumi Katolik Sios. Em i olsem:

Olgeta samting yumi wan wan i wokim na olgeta pasin yumi wan wan i bihainim, em ol dispela samting yumi mas mekim bilong kamapim Gutpela Sindaun bilong Olgeta Manmeri.

Insait long dispela astok, Gutpela Sindaun bilong Olgeta Manmeri, tripela arapela astok i stap, we God i soimautim plen bilong em, taim em i wokim olgeta samting. Em i olsem:

1. Mak bilong Wan Wan Manmeri i Stap. Olgeta man na meri, pikinini, yangpela na lapun, ol i mas mekim gutpela wok, inap long mak bilong ol wan wan yet, bilong kamapim gutpela sindaun long famili na sosaiti.

2. Olgeta Man na Meri i Gat Rait long Tek Pat long Sotel Laip.

3. Yumi Olgeta Manmeri i Mas Wok Bung Wantaim. God i wokim yumi manmeri bilong sindaun insait long wanpela famili na sosaiti. Yumi wan wan i no stap wampis.

Long sosaiti, we olgeta manmeri i bilip na bihainim ol dispela astok bilong gutpela sotel laip, stretpela pasin, pasin bel isi na gutpela sindaun bai kamap. No gat narapela rot bilong kirapim gutpela famili laip wantaim gutpela sindaun long sosaiti, we olgeta wan wan man na meri in-

Foapela Gutpela Pasin o Valiu bilong Kamapim Gutpela Sotel Laip long Famili na Sosaiti.

Valiu i gat mining olsem, em i wanpela gutpela we o pasin bilong bihainim oltaim, o wanpela astingting i gat moa mining long en long laip. Em i olsem wanpela pawa i stap insait long laip bilong man na meri tu, God i putim. I gat foapela bikpela valiu o pawa em i as bilong tok Katolik long we bilong kamapim gutpela sotel laip long sosaiti, Tok Tru na Stap Fri na Stretpasin o Jastis na Laikpasin. Dispela foapela valiu i save soimautim nem na namba God i givim olgeta manmeri.

Dispela foapela valiu i olsem wara ol pis i save swim long en. Sapos ol pis i no gat wara long swim long en, ol bai i dai. Wara em i asples bilong ol pis. Dispela foapela valiu i olsem win i stap long olgeta hap na yumi manmeri, wantaim ol animal na pisin, i save pulim insait long waitlewa bilong i stap laip. Sapos i no gat win bilong yumi pulim long en, yumi bai i dai. Na sapos win i no klin, olsem em i pulap long smok o poisin, orait yumi bai hatwok long pulim win, olsem manmeri i gat sik esma. Orait, wankain olsem, Tok Tru, Stap Fri, Stretpasin o Jastis na Laikpasin i asples bilong gutpela sindaun na gutpela sotel laip long famili na sosaiti.

Gutpela sindaun na gutpela sotel laip i no inap kamap long famili na sosaiti sapos dispela foapela bikpela valiu i no stappastaim long tingting na pasin bilong ol manmeri. Dispela foapela valiu i wankain olsem wara bilong dring, kaikai bilong kisim strong, haus bilong slip na win ol manmeri i save pulim insait long waitlewa bilong i stap laip. Tok Tru, Stap Fri, Stretpasin o Jastis na Laikpasin i olsem bun na mit na blut na spirit bilong manmeri husati i gat laip long en. Na long kamapim gutpela sotel laip, we manmeri i ken sindaun gut, Laikpasin i winim ol arapela tripela valiu long en.

Tok Tru

Dispela foapela valiu i olsem foapela pawa God i planim insait long laip bilong olgeta man na meri. Pawa bilong painimaut na save long Tok Tru i stap long olgeta manmeri. Yumi gat pawa bilong painimaut na save long wanem samting i tru na wanem samting i giaman, wanem samting i gutpela na wanem samting i rong na i sin. Bilong painimaut wanem samting i gutpela long en na long stretim ol problem i kamap long laip, na long abrusim pasin nogut, yumi mas yusim pawa bilong Tok Tru. No ken lusim tingting long tok Jisas i autim. "Mi yet mi rot, na mi as bilong tok tru, na mi as bilong laip" (Jon 14:6). Jisas i autim narapela tok tu, olsem, "Sapos yupela i laikim mi tru, orait yupela bai i bihainim gut ol tok bilong mi. Na bai mi askim Papa, na em bai i givim yupela narapela Helpim bilong strongim yupela oltaim oltaim. Dispela Helpim em i Spirit bilong tok tru" (Jon 14:15-17a).

Stap Fri

Yumi manmeri i Stap Fri. Bel bilong yumi i pulim yumi long bihainim gutpela pasin, tasol God i givim yumi pawa bilong wokim disisen long laik bilong yumi wan wan yet. Olsem na yumi ken bihainim Tok Tru long en o yumi ken abrusim em. I tru, yumi ken bihainim laik bikos yumi Stap Fri. Tasol, dispela pawa na presen, Stap Fri, God i givim, em i stap wantaim ol arapela manmeri tu. Na yumi mas rispektim Stap Fri na raits bilong ol arapela manmeri. Stap Fri i mas i stap insait long banis bilong Tok Tru wan-

taim Stretpasin o Jastis. Yumi mas yusim dispela pawa, Stap Fri, long bihainim pasin God i laikim. Long gaden Paradais, God i putim ol kain kain diwai i save karim kain kain prut. Em i tokim Adam na iv, tupela i ken kaikai long olgeta diwai tasol wanpela diwai tupela i no ken kaikaim prut bilong en. Tupela i Stap Fri, na tupela i sakim tok bilong God. Long dispela, sin na indai i kam insait long laip bilong yumi manmeri. Jisas tu i Stap Fri, tasol em i no sakim tok bilong Papa. Long dispela yumi manmeri i bin kisim bek laip.

Stretpasin o Jastis

Yumi olgeta i bin kisim laip long papa na mama bilong yumi. Na nau yumi stap long wanpela famili, insait long wanpela komuniti. Yumi wan wan i gat ol wantok long en. God i putim Stretpasin o Jastis insait long laip bilong olgeta wan wan man na meri, bai yumi olgeta inap mekim stretpela pasin long ol wantok. Dispela gutpela valiu, Stretpasin o Jastis, i stap strong tru long kalsa bilong ol tumbuna hia long Papua Niugini. Lo bilong ol i olsem, yu mas mekim stretpasin long ol wantok bilong yu. Long ol Huli, Datagaliwabe, em i nem bilong Bikpela bilong ol tumbuna bilong ol, i save lukautim dispela lo. Em i mekim save long ol husat i brukim dispela lo bilong mekim stretpasin long ol wantok. Em i save givim stik long husat i bagarapim gutpela sindaun long famili na long lain wantok. Long dispela samting, bilip bilong yumi Katolik i wankain liklik olsem bilip bilong ol tumbuna. Bikpela bilong yumi Kristen manmeri, yumi kolim em God Triwan, em i putim lo bilong em. Stretpasin o Jastis, insait long tingting na bel na laip bilong yumi. Na bikos God em i Papa bilong yumi olgeta, orait, yumi olgeta i bratasusa na wantok. Olsem na yumi mas mekim Stretpasin long olgeta man na meri long olgeta hap bilong graun. God bai jasim yumi long dispela long las de. Jisas i tok, "Mi tok tru long yupela, olgeta samting yupela i bin mekim long wanpela bilong ol dispela brata bilong mi i no gat nem liklik, ol dispela samting yupela i bin mekim long mi" (Matyu 25:40).

Laikpasin

Laikpasin i winim ol arapela valiu o pawa God i putim insait long yumi wan wan. Na tu, ol arapela valiu i stap insait long Laikpasin. Jisas Kraus, em i gat nem olsem, Tok bilong God, na em i tokim yumi olsem,

"Papa i save laikim mi tumas, na long wankain pasin mi bin laikim yupela. Oltaim yupela i mas i stap insait long dispela laikim bilong mi. Sapos yupela i bihainim gut ol lo na tok bilong mi, olsem mi bin bihainim gut ol lo na tok bilong Papa bilong mi, na mi stap insait long laikim bilong em. Mi laik bai amamas bilong mi i ken i stap long yupela, na bai dispela amamas i ken pulap tru long bel bilong yupela. Olsem na mi mekim dispela tok long yupela. Lo bilong mi i olsem. Yupela wan wan i mas laikim tru ol arapela, long wankain pasin olsem mi bin laikim yupela" (Jon 15:9-12).


Dispela tok long foapela bikpela valiu mi bin mekim long en, em i bikpela toksave bilong skul bilong yumi Katolik Sios bilong painimautim gutpela sindaun long sotel laip bilong yumi long famili na komuniti. God i putim dispela foapela pawa insait yumi wan wan olsem foapela sid i mas gro na kamap bikpela na strong bilong stiaim sotel laip bilong yumi. Yumi bikpela manmeri i mas larim dispela foapela valiu i gro insait long yumi bilong stiaim pasin bilong yumi. Na yumi mas skulim ol pikinini long dispela foapela valiu tu, bai ol i kamap gutpela man na meri bihainim.

Planti Katekis i graduet long Mendi

Long las mun, long Misin Sande, 45-pela man i bin graduet long Bleset Pita To Rot Katekis Trening Skul long Mendi. Dispela skul i bin kirap long 2005, long jubili yia bilong makim 50-pela yia ol Katolik misineri i bin kirapim pinis wok evanjelaisesen long Sauten Hailans. Ol katekis sumatin i kam long olgeta peris na pastoral eria long Mendi Daiosis. Dairekta bilong katekis skul em Pa-ta Eki Kaluza na ol FMI sista i stap long staf tu. Sista Rosmary na Sista Tekla i stap long dispela taim. Sampela arapela pris na sista na semineri sumatin i save wok wan wan taim long skul.

Bisop Stephen Reichert OFM Cap. i mekim Misa na givim setifiket long ol katekis. Em i tokim olsem, ol i mas autim Gutnius bilong Jisas na ol skul bilong Katolik Sios long ples bilong ol, na ol i mas soimaut dispela gutnius long laip bilong ol tu. Bisop i givim wan wan katekis wanpela Baibel, korona na Lotu Katolik buk. Em i putim kruse long nek bilong wan wan tu, kain olsem Bleset Pita to Rot i bin putim taim em i stap laip.

Planti manmeri i bin bung long Mendi Katidral bilong lukim dispela seremoni na ol i amamas long ol katekis i pinisim trening bilong ol na nau ol i redi long i go mekim wok aposel.



45 Nupela katekis i graduet long Bleset Pita To Rot Trening Skul long mendi i sanap wantaim ol tisa bilong ol na Bishop tu autsait long Mendi Katidral long Misin Sande wantaim planti pren bilong ol.

Divine Mercy Congress Planned at Vatican

Zenit News Agency:

The first world congress on Divine Mercy will have ecumenical and interreligious overtones, according to the secretary-general of the event.


Father Patrice Chocholski said this as he announced that online registration for the 1st World Apostolic Congress on Mercy is now open on its Web page www.worldapostoliccongressonmercy.org.

The congress on Divine Mercy will held April 2-6, in the Vatican's Paul VI Hall. The date was chosen to coincide with the third anniversary of the death of Pope John Paul II, as Divine Mercy was a major theme of his pontificate.

Father Chocholski told ZENIT that the agenda for the congress will include more than talks, but also activities organized in conjunction with the Diocese of Rome. Activities will include workshops, adoration, a procession of light throughout the city and the Mercy Festival in which participants will go out to the churches and squares of Rome to host concerts and prayer vigils.

The motive by which they will include other religions is that "mercy is important to build new bridges between civilizations and religions," added Father Chocholski.

He added that the congress is "for the entire Church," and that "no one has a monopoly on Divine Mercy."



TELIKOM PNG LIMITED
"our communication company"

Making Calls **Easier**


FROM AS LOW AS...

30t *untimed*

HARD TO BEAT!

For the Best Coverage and Cheapest Rates, stick with Telikom PNG.

Always there!



Laikim Penpren

NEM: Issack Wakil
 KRISMAS: 17 (man)
 ADRES: Mogal Secondary School, P.O Box 634, Mendi, SHP
 SAVE LAIKIM: Ritim buk, lukim TV, na stori.

NEM: Stella Nick
 KRISMAS: 20 (meri)
 ADRES: Holy Trinity Teachers College, P.O Box 274, Mt Hagen, WHP
 SAVE LAIKIM: Ritim buk, pilai, lukim TV, go lotu na mekim wok lotu.

NEM: Billy Timbon
 KRISMAS: 28 (man)
 ADRES: P.O Box 4249, Boroko, NCD
 SAVE LAIKIM: Pilai soka, lukim TV, ritim buk na go lotu.

NEM: Hagai Zemo
 KRISMAS: 27 (man)
 ADRES: P.O Box 4249, Boroko, NCD
 SAVE LAIKIM: Pilai soka, ritim buk, stori na raitim pas.

NEM: Nancy Luke
 KRISMAS: 17 (meri)
 ADRES: Kanabea Primary School, P.O Box 220, Kerema, Gulf Province
 SAVE LAIKIM: Go lotu, raitim pas na raun raun.

NEM: Paul Telape
 KRISMAS: 20 (man)
 ADRES: Magarima Provincial High School, P.O Box 33, Mendi, Southern Highlands Province.
 SAVE LAIKIM: Pilai ragbi, stori, go lotu na pilai gita.

NEM: Sebastine Dangu
 KRISMAS: 16 (man)
 ADRES: Don Bosco Secondary School, P.O Box 327, Vanimo, WSP
 SAVE LAIKIM: Pilai musik, pilai ragbi, harim musik na ritim buk.

NEM: Angeline Pitaman
 KRISMAS: 15 (meri)
 ADRES: Kanabea Catholic Mission, PMB, Kerema, Gulf Province
 SAVE LAIKIM: Pilai volibol, stori, mekim pani, go lotu, na lukim TV.

NEM: Amos Yalap
 KRISMAS: 20 (man)
 ADRES: Guyata Elementary School, P.O Box 386, Lae, Morobe Province
 SAVE LAIKIM: Pilai soka, harim musik, sing sing na go lotu.

NEM: Simon Kapea
 KRISMAS: 21 (man)
 ADRES: P.O Box 97, Boroko, NCD
 SAVE LAIKIM: Go lotu, ritim Baibel, go lotu na mekim skul wok.

Rot yam i kam long Nuku

LONG bipo, bipo tru wanpela lapun meri i stap wantaim pikinini man bilong em. Long dispela taim ol i no save wok long gaden, ol i stap i go inap pikinini man bilong lapun meri i maritim wanpela meri long narapela ples.

Ol i stap na pikinini man na meri bilong em i kamapim 4-pela pikinini. Man wantaim meri, na ol pikinini bilong ol i no save lukautim gut lapun mama. Tarangu lapun mama i save slip wantaim hangre.

Wanpela taim nau, man ya i go long bus na wokim wanpela haus pisin. Na em i was i stap. Taim em i was long haus pisin i stap long bus, lapun mama bilong em i klostu tru i laik dai long ples.

Taim em i slip long bet, spirit bilong em i kamap olsem wanpela muruk na i bihainim pikinini bilong em i go long bus. Em i go klostu long haus bilong pisin bilong pikinini bilong em i lukim em. Man i ting olsem em i muruk tru. Wantu tasol em i sutim dispela muruk. Taim muruk i laik i dai em i toktok olsem ol man i save toktok.

Em i tok, "Yu kilim mi pinis tasol noken kaikai mi. Yu mas katim diwai antap long mi na yu go long ples na stap olsem wanpela o tupela mun i pinis, orait yu kam bek. Taim yu lukim ol samting i gro o kamap antap long ples mi slip, orait yu mas lukautim. Em i kaikai bilong yupela."

Pikinini man ya i harim na



em i mekim olsem spirit bilong mama bilong em i bin tokim em.

Bihain tupela mun i go pinis, em i kam na lukim nupela samting i gro pinis antap long ples spirit bilong mama bilong

em i slip long en. Em i lukim na em i lukautim. Bihain em i traim long kaikai na i swit tru. Na ol i lukautim sampela long planim.

Stat long dispela taim yet nau ol i mekim gaden. Na ol i

planim dispela yam ol i lukautim i go na i kamap planti tru. Olsem na nau long Nuku mipela i save planim yam.

Stori i kam long Aitape, Sandaun Provins

Mi wari long dring pasin bilong mi na mi laikim helpim

Dia Laiplain,
 Mi wanpela wokman na mi marit na mi gat tupela pikinini. Mi save dring planti na long neks de, mi save skin les stret na mi painim hat long kirap.

Sampela taim, mi save pilim pen long bros. Mi pret olsem nogut mi gat sik olsem kensa bikos mi save dring planti bia. Tenpela yia i go pinis, mi bin stat long dring na olgeta de, mi save dringim sampela botol bia.


Inap yupela i givim mi sampela helpim long daunim hevi bilong mi? Mi wari tu long meri na pikinini bilong mi.

WORRIED

Dia Pren,
 Tenkyu long askim Laiplain long givim yu sampela helpim. Na mipela i amamas long yu long mekim samting long traim helpim yu yet.

Long kantri bilong yumi, yumi i gat rekot nogut long ol sik we dring bia na strongpela dring i kamapim. Long

sik i kamap taim ol man i kisim ol drag, sik kensa ol man i kisim



bihainim dring bia o alkohol na smok i stap antap tru. Taim alkohol i stap long blut bilong man, em i save kirapim ol arapela binatang we i save kamapim sik kensa.

Bikos yu save dring klostu klostu na long olgeta de, tru tru yu gat hevi. Yu no inap luk-save, tasol alkohol o strongpela dring i winim yu. Ol lain we strongpela dring i winim ol em ol i kolim ol long "alkaholik".

Yu no inap long lusim wanpela de long dring na dispela i min olsem yu mas dring bia long stap. Yu i mas dring bia long stori wantaim ol narapela i mekim yu pilim gut o givim yu strong na bai yu pilim olsem man tru.

Dispela em ol sam-pela samting we alkohol i save mekim long ol man. Mipela i tok sori, tasol yu i no nidim alkohol long mekim yu pilim gut, stori wantaim ol poro o ol narapela man o kisim strong long mekim yu man tru tru. Ol lain we waia i lus liklik i save pilim olsem ol laik dring bia olsem.

Ol lain i dring bia i gat bikpela sans long kisim sik bikos ol tisu o hap bodi we strongpela dring i save pas o go long en olsem long maus, bel na ol narapela hap bilong bodi i stap insait. Sampela sain olsem man i gat kensa em les long kaikai na bel i pen. Lukim blut o susu long pispis, kus longpela taim na nek i pas.

Alkohol inap kamapim tu planti ol arapela hevi long sait bilong pesenel, fainensel, marit, komyuniti na wok.

Mipela askim yu sapos yu laik dring yet o tingim helt na lukautim famili bilong yu. Dringim strongpela dring ating i as bilong bros i pen. Mipela i amamas olsem yu yet i

tingting long painim helpim long hevi yu i gat long en. Long stap long seif sait, toktok wantaim meri bilong yu long ol hevi yu i gat na kisim tingting bilong em. Meri bilong yu em i gutpela pren bilong yu. Ating em i no amamas long dring pasin bilong yu na i wari long yu.

Spak pasin bilong yu na ol sik yu ken kisim i ken mekim meri na ol pikinini wari long bihain taim bilong yu wantaim ol. Yu i mas tingting strong nau long gutpela bilong famili na ol pikinini na we ol bai stap sapos yu no moa stap laip.

Mipela i putim strongpela toktok long yu olsem yu mas lusim dring bia nau. Sapos yu no inap long wokim dispela, mipela i givim yu telepon namba long wanpela grup ol i kolim long "Alcohol Anonymous" we yu ken kontekim ol long telepon namba long 323 0090 long ol i ken helpim yu.

Mipela i putim strongpela toktok long yu bilong go long go kwik-taim long wanpela klinik klostu long yu long

sekap. God i mekim bodi bilong yu olsem haus holi bilong em. 1 Korin 3:16, na yu mas lukautim gut na noken kisim ol samting long bagarapim em. Tingim, yumi gat wanpela laip tasol. Lukautim gut. God bai lukautim yu long ol tingting na wok bilong yu,

Laiplain

Sapos yu gat wari o hevi, rait i kam long Lifeline, P O Box 6047, Boroko, NCD. Yu ken ringim mipela tu long telepon namba 326 0011.

Raitim trupela nem na adres bilong yu i kam na bai mipela i salim bekim long pas bilong yu. Mipela bai toktok long ol trupela samting yu askim long em tasol bai mipela i no inap long putim trupela nem bilong yu.

Laiplain



DIWAI OL PNG
I SAVE LAIKIM

POTO: WILLIAM NATERA



GADEN I MAS I GAT BUAI: Ol lain buai diwai - sampela longpela, sampela sotpela - i bilasim wanpela gaden long Sagalau, long Madang Provins. Sampela manmeri i save groim buai long salim na kisim liklik toea, tasol ol narapela i save groim long kaikai ol yet o givim long ol famili na poro taim ol i kam long ples o haus bilong ol.

Wok bung long divelopim wel na ges

Paul Zuvani i raitim

TUPELA Papua Niugini (PNG) kampani i bung wantaim long kisim save na mekim wok bisnis long wok bilong ges (gas) insait o klostu long Westen Provins.

PNG Sastenebol Developmen Program Limited na Oil Search Limited i sainim wanpela tok orait long dispela wok long Mosbi long Tunde las wik.

I gat luksave olsem Westen Provins i gat namba tu bikpela ges we ol i painim bihainim stap bilong ges ol i painim long Kutubu, Hides, Juha na Angore Ges fil long Sauten Hailans Provins.

Sampela ol ges fil em ol i painim long Westen Provins em P'nyang, Kimu, Douglas, Ketu, Elevala and Stanley na sampela ol arapela kampani i wok long mekim wok painim aut yet long sampela hap bilong provins.

Tasol bikpela hevi nau em long ol rot we ol kampani bai yusim long pulim dispela ol oil (wel) na

ges go long ol kar o sip bilong kisim i go na salim.

Kamapim ol rot o salim ol bris bai wanpela bikpela hetpen bilong ol kampani taim ol i tingting long pulim dispela ol wel na ges.

Long taim tingting bilong Oil Search i stap long Sauten Hailans na Galp Provins wantaim helpim i kam long wel paipain, rot, bris na teminol mipela i lukluk yet long surikim wok bisnis bilong mipela i go long ol arapela provins tu, Pot Mosbi Oil Search Menesing Dairekta Peter Botten i tok.

Em i tok ol i stat pinis long Westen Provins, taim ol i makim Kiunga olsem ples ol i ken yusim olsem bes na go long Juha 4 na 5 long dispela yia.

PNGSDP Dairekta Don Manoa husat i makim kampani na sainim tok orait pepa i tok kampani bilong em i amamas long wok wantaim Oil Search.

Mista Manoa i tok ol ges risos long Westen Provins i gat ol liklik na narnel sais oil na ges fil we ol i stap long ol bikbus, longwe long

ol rot bilong kar, ples bilong sip i go kam na we ol pipel i stap long em.

"Salens bilong oil na ges kampani long wok long Westen Provins em long kirapim hariap wok bisnis long oil na ges, dispela em long sapatim Midium Tem Developmen Strateji bilong kantri," Mista Manoa i tok.

Em i tok wantaim bikpela wok bilong ol long Westen Provins, PNGSDP i ken wok wantaim oil na ges kampani long divelopim ol infrastrukta olsem rot, bris na paipain long kisim oil na ges long salim.

Mista Manoa i tok olsem PNGSDP long dispela taim i wok long mekim wok painim aut long ol prosek long Westen Provins we sampela dispela ol samting i kamap Daru Pot, Oriomo Industrial Pak, rot long Daru na go long P'nyang, ges paipain na pairait (pyrite) paipain long wanpela rot tasol.

Em i tok dispela ol prosek we bai surikim wok divelopmen i kamap long provins taim Ok Tedi gol na kopa main i pinis.

Kakau draia helpim gut ol fama

SAMPELA famili long Bogenvil long dispela taim i wok long kisim gut helpim na mani long lukautim ol famili bilong ol.

Dispela em bikos ol i gat ol liklik draia masin bilong smokim na drain ol kakau bin long em.

Helpim long kisim ol dispela draia i kam long Coffey International Developmen (CID) aninit long ridvelopmen program bilong em.

Developmen Menesa bilong CID, Sam Spurrett i tok bipo long Bogenvil hevi, ol bikpela plante-sen i save baim ol kakau na ol asples fama i save kisim liklik mani tasol nau, em i narakain.

Ol asples fama i groim na drain kakau ol yet na CID i laik helpim ol asples fama long helpim ol yet i kisim moa mani na long wankain taim, kamapim moa kakau.

Ol kakau fama i mas kisim nupela save

BIKPELA samting nau em long givim skul i go long ol kakau fama long kantri na moa yet long Is Nu Briten Provins bilong daunim hevi long binatang i bagarapim kakau ol i kolim long "Cocoa Pod Boarer (CPB).

Dispela em bikos em i hat long rausim olgeta binatang na sik em i kamapim long ol kakau.

Provinsel Advaisa bilong Praimeri Industri Divisin long Is Nu Briten, Blaise Magaga i bin wokim dispela tok-tok i go long ol fama long fil de long ples Bitagalip las wik.

Long dispela fil de, bikpela samting we ol i bin lukluk long en em long rot bilong givim skul long ol kakau fama bilong lukautim gut ol kakau gaden long daunim hevi bilong CPB sik.

Dispela edukesen awenes skul konsep o plen em ol i kolim long

"Integretet Pest na Disis Menesmen Konsep (IPDM) we i lukluk long daunim ol hevi bilong ol binatang na sik.

Mista Magaga i tok CPB bai stap tasol bikpela samting em i long skulim ol fama long menesim na lukautim gut ol diwai kakau bilong ol long daunim bagarap bilong CPB.

PNG Kakau na Kokonas Industri Institut i wok long traim dispela IPDM Plen.

Em i tok IPDM Plen i gutpela bikos ol fama i no inap long planim moa diwai kakau o mekim gaden bilong ol i go bikpela tasol ol i menesim na lukautim gut ol diwai kakau ol i gat long karim gut.


Hevi bilong CPD i wok long bagarapim wok bisnis bilong ol kakau fama long Is Nu Briten Provins na daunim sindaun bilong ol.

Sampela Hiden Veli papagraun i no amamas

PASIN Memba bilong Bulolo Sam Basil i mekim long kisim petisen pepa bilong wanpela lain grup bilong Hiden Veli long Wau Morobe Provins em i no stret. Dispela em toktok bilong Nauti papagraun grup bilong Hiden Veli we ol tok rot bilong kisim wari na harim hevi bilong ol pipel long Hiden Veli eria em long Nauti Lenona Grup tasol. Ol tasol em maus bilong ol pipel long autim wanem wari na hevi bilong pipel go long kampani o gavman o husat lain bilong helpim ol.

Mausman Rex Mauri i bin tok Mista Basil i no bin kisim gut tok-tok o harim gut tok tru pastaim. Em i go het na kisim toktok long sait tasol na dispela i no stret na inap long kamapim hevi na bagarapim sampela gutpela rot o toktok we i stap pinis namel long ol papagraun, kampani na gavman.

Mista Mauri i bin mekim dispela toktok bihian long ol pipel bilong Hiden Veli long Wau eria i givim wanpela petisen, o wari we ol i raitim long pepa, i go long Mista Basil long autim wari bilong ol long maining kampani, Harmoni Gol (Harmony Gold)



BIKPELA WOK: Wok maining long Hiden Veli. Tasol sampela ol lain i no wanbel long wok we i kamap.

FAIL POTO

husat i wok long mekim wok maining long hap bilong ol.

Ol i bin givim dispela petisen long las mun taim-bikpela miting bilong maining i bin kamap long Mosbi we i bungim ol papagraun na ol maining bisnis na gavman wantaim long toktok long wok na

ron bilong maining industri insait long Papua Niugini (PNG).

Insait long petisen ol i tok planti samting ol pipel i askim long en o laikim long kampani i mekim wantaim ol em nogat. Kampani i abrusim planti wanbel toktok o laik bilong ol.

K2m dinau mani long moa turisim

Paul Zuvani i raitim

NESENEL Developmen Benk (NDB) bai helpim ol manmeri husat i laik strongim wok turisim bisnis long kantri wantaim dinau (lon) mani.

Benk aninit long Turisim Promosen Atoriti (TPA) Kredit Skim i redim K2 milien na bai givim mani mak inap long K200,000.

William Lamur, Siaman bilong Nesenel Developmen Benk Bod i tok nau yet Benk i kisim inap long K10 milien mak bilong ol aplikesen o askim long kisim dinau, na bai stat long lukim wanem ol

aplikesen i gutpela na bai givim aut mani.

Tasol long givim Mista Lamur i tok ol manmeri i mas i gat ol samting em Benk i laikim bipo long em i tok yesa long askim bilong ol.

Ol samting Benk i askim em long:

- OL manmeri i mas bilong PNG stret (sitisen) na/o i bisnis bilong ol i rejista long PNG;

- KRISMAS bilong ol i mas stap long 18 na go long 55 yia na i gat gutpela helt;

- I MAS soim save na pasin bilong wok turisim na rot bilong pulim ol turis;



STRONGIM TURISIM: Hiri Moale Festival, Hiri Moale long festival o bikpela kaisarel de we hap pos long turis i kantri long kantri.

- I MAS soim sampela mak we ol inap long bekim dinau;

- I MAS mamba bilong PNG Turisim Industri Asosiesen na ol lain Asosiesen bilong em;

- I NOGAT rekot nogut;

- I GAT rot we i isi long kamap long dispela prosek, soim namba bilong ol manmeri husat bai wok, prosek inap sanap long lek bilong em yet bihain long bekim bilong dinau; pablik inap laikim dispela prosek na prosek i wanpela hap wok bilong turisim.

Mista Lamur i tok sapos prosek bilong manmeri inap bungim dispela ol askim dis-

pela bai lukim Benk i orait long aplikesen bilong ol.

Moa yet bipo long taim bilong givim dinau ol manmeri i mas gat pinis 30 pesen (%) ol samting long inapim askim bilong ol.

Lonsing bilong dispela Turisim Promosen Atoriti (TPA) Kredit Skim em TPA na NDB i holim long Mosbi long las wik Fonde.

"NDB i gat save olsem turisim i wanpela bikpela samting na i wanpela samting we inap long bringim senis na olsem em i opim ol rot long ol manmeri i strongim dispela bisnis," Mista Lamur i tok.

"NDB i luksave long turisim industri long

PNG olsem turisim i wanpela bikpela samting we i slip i stap.

"Tingting bilong mipela em long lukim moa ol Papua Niugini manmeri i mekim wok long dispela bisnis."

"Mipela i save olsem dispela bisnis bai bringim planti milien mani i kam insait long kantri.

"Tu em i bai givim wok long ol manmeri na ol arapela samting em ol manmeri inap long kisim helpim long strongim sindaun bilong ol," Mista Lamur i tok.

Mista Lamur i tok olsem ol manmeri inap long kisim 6 mun i go inap long 7-pela yia long bekim dispela dinau mani.



ALBIZIA PROCERA Benth



Nem bilong en:

Wok bisnis nem: Albizia, Brown

Wanem kain diwai:

Liklik i go namel sais diwai i gro inap 20m longpela na 50cm raunim namel bun bilong em. I

PLAWA: Plawa bilong diwai Albizia brown.

gat ol sotpela namel bun na het bilong em i gat planti han diwai long en.

Skin diwai: 1.2 sentimita bikpela bilong en.

Ausait Skin Diwai - Lait braun, na i gat planti rop long en. Namel skin diwai - Em i grin. Insait skin diwai - Em i grin na i go lait yelo taim diwai i laik tanim i go braun.

Diwai o timba: Kala bilong diwai taim em i yangpela i lait yelo, Taim em i bikpela, kala bilong en i dip kopi braun, em i strongpela na i hevi, i gat ol longpela lain i stap long en, na ol i save yusim olsem pos bilong haus bikos em i liklik tumas long katim wantaim so.

Ol lip: I no save sindaun poroman, ol lip bilong en i raun, na bikpela bilong en i 2.5 sentimita. Nus bilong en i no sap tumas na as bilong en i raunpela. Kala bilong em i namel grin, i gat planti liklik hul antap long en na em i lait grin aninit.

Ol plawa: Ol i sindaun long ol longpela lain we i gat ol liklik het bilong plawa. Wan wan long ol plawa yet i liklik na i gat wanpela samting i olsem ol belo, i gat 5-pela grinpela sepal, 5-pela grin na wait petal na wanpela ovari flet na i gat longpela tang bilong en.

Prut bilong em: Em wanpela flet karamap bilong sit. Longpela bilong en inap long 10 sentimita, taim em i mau, em i save tanim i go braun, na i gat ol strongpela braunpela sit i flet.

Moa stori: Em i save gro long ol ples we paia i save kirap isi isi insait long PNG. Em i gat banis long paia, tasol i no bikpela banis tumas. I gat kainkain spisis Albizia insait long PNG.

McCARTHY & ASSOCIATES
National & International Forest Consultants

mmcaf@datec.com.pg

"LONG KISIM TOK STIA LONG
OLGETA WOK DIWAI"



Cloudy Bay

SUSTAINABLE FORESTRY LTD

YOUR NATURAL CHOICE

(A Subsidiary of PNG Sustainable Development Program Ltd.)


**ACQ PRESSURE
TREATED TIMBER
FOR SALE**

Website: www.cloudybaytimber.com.pg
Email: marketing@cloudybay.com.pg

P.O. Box 120, Port Moresby, NCD
Ph: 325 4865/ 328 1189/ 328 1193
Fax: 325 3489

Cat® D6N


**TRACK-TYPE
TRACTOR**



**ENGINEERED TO EXCEED THE
MOST DEMANDING GOALS**

Designed for high productivity, long life and low operating costs in many applications. The Cat® 3126 HEUI engine increases horsepower, improves fuel efficiency and reduces emissions. The new model also boasts differential Steering and a quieter, more comfortable operator's station.

Hastings Deering



Product People Commitment.
We deliver.


PORT MORESBY
Spring Garden Road, Hohola, PNG
Ph: (675) 300 8300 - Fax: (675) 325 0141

	PHONE	FAX
LAE	472 2355	472 1477
TABUBIL	548 9182	548 9155
RABAUL	982 1244	982 1129
LIHIR	986 4105	986 4107
KIMBE	983 5144	983 5144



TROMOI KAM:
Beta bilong PNG
Pawa redi tasol long
hamarim bal taim
ketsa bilong
Samurai i sambai
long ketsim bal.

OL POTO:
NICKY BERNARD



(raithan) **MI**
TRAIM BAI GO O
NOGAT?

Gol atek bilong
Veupu i makim gol
maus long tromoi
bal i go insait.

(lephan) **Strong**
bilang Tufi Kap:
Hia ol pilaia i
strongim kona
bilang ol long winim
dispela Tufi Kap
long wiken.



(lephan)
LUSIM, EM
BAL BILONG MI:
Divisin 6 netbol
gem namel long
EFM na Veupu i
strong tru. Hia
wanpela meri i
rausim bal long
narapela. Na long
narapela poto
daunbilo.

(raithan na
daunbilo)
KAIKAI DAS:
Tufi Kap kirapim
das long wiken.



DEPARTMENT OF THE TREASURY

NATIONAL ECONOMIC AND FISCAL COMMISSION

**NESENEL GAVMAN GUDS NA SEVISES MANI I GO LONG OL PROVINSEL NA LOKOL LEVEL GAVMAN.
(NAMBA TRI KWOTA TOKSAVE BILONG 2007 BASET)**

Dispela toksave i givim stori long mani Nese nel Gavman i makim insait long 2007 Baset bilong mekim wok i go inap Septemba 2007 long stretim ol kos bilong ol guds na sevis i go long ol Provinsel na Lokol Level Gavman.

Ol dispela guds na sevis grant i kam long Nese nel Gavman em Block, Function na Derivation Grants i go long ol Provinsel Gavman, ol Taun Sevises Grant bilong ol Eben Lokol Level Gavman (LLG) na ol Rural LLG Grants bilong ol Rural LLG. Mani bilong ol dispela grant i save go long ol Provinsel Gavman olgeta mun (Edukesen Fansen Grant tasol nogat bikos em bai kam long ol Provinsel Gavman long tupela peimen olgeta yia).

Ol provinsel gavman i mas givim hap bilong dispela Nese nel Gavman mani wantaim ol arapela winmani, olsem ol Guds na Sevises Takis mani i kam long Intenal Revenyu Komisin, ol royalti na dividen i kam long ol maining na petroleum projek, na ol winmani ol i mekim long ol takis, ol fi, sas na ol arapela winmani.

PROVINCIAL GOVERNMENT	TOTAL GOODS AND SERVICES GRANTS (KINA)			BLOCK GRANT (KINA)			HEALTH FUNCTION GRANT (KINA)			EDUCATION FUNCTION GRANT (KINA)		
	2007 Budget Appropriation from National Government	Funds released (warrant authority)		2007 Budget Appropriation from National Government	Funds released (warrant authority)		2007 Budget Appropriation from National Government	Funds released (warrant authority)		2007 Budget Appropriation from National Government	Funds released (warrant authority)	
		3rd quarter (July to Sept)	Year to date (to Sept)		3rd quarter (July to Sept)	Year to date (to Sept)		3rd quarter (July to Sept)	Year to date (to Sept)		3rd quarter (July to Sept)	Year to date (to Sept)
Western	4,691,600	1,294,100	3,720,900	282,000	89,800	243,900	476,500	115,400	411,900	780,000	0	780,000
Gulf	3,785,200	769,200	2,719,500	550,000	134,500	431,600	756,000	184,000	572,000	1,072,900	0	686,200
Central	4,597,400	915,000	3,306,900	745,500	163,800	581,900	545,900	129,900	415,900	1,116,200	30,000	778,600
NCD	2,860,500	472,400	2,388,200	n/a	n/a	n/a	n/a	n/a	n/a	n/a	n/a	n/a
Milne Bay	5,103,600	1,111,500	3,445,600	776,800	180,400	596,400	550,000	132,600	417,500	1,005,100	0	579,500
Oro	3,901,400	910,200	3,173,800	422,500	121,800	900,800	350,000	100,000	250,000	789,800	0	494,900
Southern Highlands	11,411,800	1,330,400	5,697,300	1,550,000	0	781,800	2,050,000	0	695,700	1,919,500	0	1,044,800
Enga	6,041,800	1,823,400	4,362,500	929,300	289,000	771,400	867,300	314,600	676,100	929,300	0	663,400
Western Highlands	10,666,600	3,601,200	7,790,100	868,300	337,300	879,700	1,269,400	498,800	1,018,400	1,223,000	0	801,500
Simbu	5,939,900	1,991,200	4,242,000	855,000	337,900	648,700	602,700	233,800	452,700	1,416,500	200,000	978,300
Eastern Highlands	9,725,700	2,104,800	6,439,500	1,550,000	414,700	1,215,400	996,600	272,800	771,100	1,886,500	0	1,018,300
Morobe	11,972,300	2,864,400	8,861,800	1,820,500	490,600	1,410,800	722,300	192,800	565,000	1,644,000	0	1,429,000
Madang	8,425,600	1,637,100	5,660,400	1,490,500	328,800	1,161,800	813,300	150,300	662,900	1,600,000	0	902,900
East Sepik	7,992,800	1,576,900	4,406,800	1,200,000	201,000	723,800	800,000	71,900	438,700	1,586,100	0	899,200
Sandaun	4,505,300	746,100	3,435,100	655,700	142,000	513,700	355,000	88,200	266,800	955,500	0	677,300
Manus	1,592,400	226,800	1,524,600	120,100	15,700	109,000	421,900	31,600	399,300	387,200	0	387,200
New Ireland	2,987,900	502,800	2,098,300	131,300	26,700	104,800	237,400	44,400	193,100	845,000	0	457,700
East New Britain	6,168,500	752,600	4,848,700	155,300	22,100	133,300	929,100	176,200	752,900	1,269,400	0	701,600
West New Britain	8,274,300	1,305,700	6,430,500	122,000	5,200	116,800	687,900	57,600	630,400	1,163,900	0	657,900
Bougainville (a)	17,000,000	700,000	16,600,000	n/a	n/a	n/a	n/a	n/a	n/a	n/a	n/a	n/a

PROVINCIAL GOVERNMENT	TRANSPORT INFRASTRUCTURE MAINTENANCE FUNCTION GRANT (KINA)			VILLAGE COURTS FUNCTION GRANT (KINA)			DERIVATION GRANT (KINA)			RURAL LLG GRANTS AND TOWN SERVICES GRANTS FOR URBAN LLGs (KINA)		
	2007 Budget Appropriation from National Government	Funds released (warrant authority)		2007 Budget Appropriation from National Government	Funds released (warrant authority)		2007 Budget Appropriation from National Government	Funds released (warrant authority)		2007 Budget Appropriation from National Government	Funds released (warrant authority)	
		3rd quarter (July to Sept)	Year to date (to Sept)		3rd quarter (July to Sept)	Year to date (to Sept)		3rd quarter (July to Sept)	Year to date (to Sept)		3rd quarter (July to Sept)	Year to date (to Sept)
Western	784,700	224,700	656,300	127,600	42,700	103,100	612,400	212,100	480,500	1,628,400	609,400	1,045,200
Gulf	214,200	53,400	160,800	49,000	14,600	43,800	118,400	26,700	91,700	1,024,700	356,000	733,400
Central	350,000	86,100	264,000	153,900	36,000	117,800	194,000	48,000	146,200	1,491,900	421,200	1,002,500
NCD	n/a	n/a	n/a	n/a	n/a	n/a	n/a	n/a	n/a	2,860,500	472,400	2,388,200
Milne Bay	625,000	155,400	469,500	76,200	12,900	63,200	525,700	132,200	395,000	1,544,800	498,000	924,500
Oro	441,100	141,900	319,300	42,500	7,800	34,900	766,500	230,000	536,600	1,089,000	308,700	637,300
Southern Highlands	1,279,700	0	601,100	257,300	0	129,900	63,600	0	63,100	4,291,700	1,330,400	2,380,900
Enga	907,200	322,100	700,100	153,300	52,800	121,900	164,000	57,900	126,400	2,091,400	787,000	1,303,200
Western Highlands	2,084,000	738,800	1,607,300	274,300	108,200	207,700	1,755,100	621,600	1,353,000	3,192,500	1,296,500	1,922,500
Simbu	630,000	244,100	473,300	150,200	57,800	114,400	434,700	168,000	326,000	1,830,800	749,600	1,248,600
Eastern Highlands	996,600	274,400	764,900	153,000	17,100	143,700	1,000,100	276,300	766,500	3,142,900	849,500	1,759,600
Morobe	3,043,300	587,700	2,113,300	113,700	21,500	100,800	397,000	100,000	318,600	4,231,500	1,471,800	2,924,300
Madang	849,100	204,700	742,600	78,300	1,400	77,000	824,800	177,800	647,100	2,769,600	774,100	1,466,100
East Sepik	900,000	441,600	805,600	167,300	15,800	72,500	699,000	66,600	299,600	2,640,400	780,000	1,167,400
Sandaun	744,100	179,400	564,700	67,100	14,400	52,600	253,200	40,500	212,800	1,475,200	281,600	1,147,200
Manus	175,000	0	175,000	73,300	0	27,800	85,800	5,200	82,200	329,100	174,300	344,100
New Ireland	211,800	26,200	185,600	51,700	9,000	42,800	542,900	134,300	408,700	967,800	262,200	705,600
East New Britain	581,300	1,400	579,900	70,600	14,100	56,600	1,492,900	176,000	1,317,000	1,669,900	362,800	1,307,400
West New Britain	435,700	15,900	419,600	165,300	37,300	128,000	4,273,000	754,400	3,518,700	1,426,500	435,300	959,100
Bougainville (a)	n/a	n/a	n/a	n/a	n/a	n/a	n/a	n/a	n/a	n/a	n/a	n/a

MOA STORI LONG AS WOK BILONG OL GRANT

Block Grant em ol i mas yusim bilong stretim kos bilong olgeta wok administresen bilong Provinsel Gavman na kos bilong olgeta arapela sekta i no kam aninit long Function Grants.

Ol Function Grants i save go long ol Provinsel Gavman bai inap mani i go long mekim ol Midium Tem Development Strateji wok. Mani i kam long ol dispela grant em bilong peim ol opereserel na mentenens kos tasol (olsem guds na sevises) i kamap insait long praimer i helt, besik edukesen, trenspot infrastraksa mentenens na ol viles kot sekta. Ol i noken i go long ol pe o kapitel developmen. Sapos baset yet i makim, em i orait.

Helt Function Grant bai mas go long baim ol guds na sevis bilong ol dispela bikpela program na wok:

- Imunaisesen o banis sut
- Malaria
- Seif Mama pasin
- Wara saplai na Sanitesen
- Ol Autris Sevis
- Supavisen
- Helt Sevis monitoring, rivi na ol pafomens agrimen.
- Tilim bilong ol medikal saplai

Education Function Grant em bilong yusim long mitim ol kos bilong:

- Ol Elementari Skul
- Ol Komyuniti na Praimeri Skul
- Ol Teknikal na Vokesenel Skul
- Ol Provinsel na Hai Skul
- Na ol arapela wok bilong givim sevis i go long ol wokmanmeri na sumatin.

Ol provinsel gavman i mas givim moa luksave long yusim Education Function Grant bilong praimer i edukesen na i no bilong sekonderi na teseri edukesen.

Transport Infrastructure Maintenance Function Grant em bilong go long ol mentenens kos bilong ol provinsel rot, ol jeti na wof, ol eastrip na ples balus. Dispela grant i noken go long yusim long mekim ol nupela rot o mentenens long ol haus, o long mekim ol bikpela wok rikonstraksen long ol rot i bagarap olgeta.

Village Court Function Grant olaim i mas go long ol opereserel na supavisen kos i kamap insait long viles kot sekta bilong baim ol guds na sevis. Grant i noken go long yusim long baim ol pe o alawens bilong ol viles kot opisa.

Derivation Grant i go long ol Provinsel Gavman long helpim long strongim ol ekspot bilong ol praimer na sekonderi prodak o long strongim bek infrastraksa i mas stap bai ol produsa i ken karim kaikai bilong ol i go long maket.

Ol Rurel LLG Grant i go long ol rurel LLG na Town Services Grant i go long ol eben LLG em ol lokol level gavman i mas yusim bilong baim givim bilong ol sevis we LLG i go pas long en. Ol i ken yusim long ol guds na sevis tasol na i noken go long ol pe, fin a alawens. Moa stori long givim atil bilong mani i go long ol wan wan LLG bai kamap klostu long NEFC websait (www.nafc.gov.pg).

(a) Bogenvil i no save kisim wankain ol gren olsem ol arapela provinsel gavman. Totol Guds na Sevises mani bilong 2007 em ol jeneral rikaren guds na sevises grant (K14,700,000), wangepa Polis guds na sevises grant (K2,100,000) na wangepa National functions and powers grant (K200,000).

Autim bilong dispela toksave olgeta kwota em i wangepa wokbung toksave namel long Dipatmen bilong Tresari na Nese nel Ekonomik na Fiskal Komisin.

Tim Isten Hailans makim 450 etlit bilong PNG Gems

Sape Metta i raitim

OL tim menesmen bilong tim Isten Hailans i makim pinis 450 etlit o spotmanmeri husat bai resis long PNG Gems we bai kamap long Lae, Morobe Provins long Novemba 16 i go long 24.

Dispela em i bikpela namba bilong ol etlit long hailans rijen we i makim wanpela provins husat bai kamap long dispela gem.

Tim Isten Hailans em sempion na i holim taitel bilong PNG Gem inap 6-pela yia na em i gat strongpela tingting long winim gen dispela taitel.

Dispela tingting i mekim na ol etlit i wok long tren hat tru long wanem ol i laik holim dispela taitel long namba tri taim, tim Isten Hailans bai mekim histori.

Isten Hailans Provinsel Edvaisa bilong Kmyuniti Dvelopmen, Vegu Javono husat i bin kamap long toktok long sampela ol tim memba husat i bin kamap long trening long Nesenel Spots Institut (NSI) long Goroka i tok, "Mipela i gat dispela strongpela tingting wankain olsem mipela i bin i gat long en long 2003 na 2005 na long wankain tingting mipela i laik mekim histori long winim bek dispela taitel long namba tri taim."

Javono i amamas long luksave olsem ol etlit long ol ruel eria o ples long 8-pela distrik long provins em Kainantu, Henganofi, Unggai Bena, Lufa, Okapa, Daulo, Obura Wanenara na Goroka yet i wok long kamapim ol strongpela trening.

Em i mekim strongpela tok tok i go long ol etlit olsem ol i

noken givap na surik long trening.

Tim Isten Hailans i kisim strongpela bekap na sapot i kam long provinsel gavana husat i kamap olsem papa bilong tim na sapot i kam tu long gavana na ol arapela memba long provins.

Ol lida i tokaut olsem ol bai givim sapot long ol etlit long ol distrik bilong ol long wankain pasin olsem ol i bin mekim long inta distrik gem long mun i go pinis long makim ol etlit bilong Tim Isten Hailans.

Wantaim dispela bikpela namba bilong ol etlit, hailans rijen, tim Isten Hailans i soim olsem em i gat strongpela tingting long kamapim ol strongpela kompetisen wankain olsem em i bin kamapim na winim taitel long ol yia i go pinis.

"Mipela bai kamapim ol

strongpela kompetisen long ol bol gem, na tu long ol arapela pilai olsem etlitiks, boxing, weit lifting, pawa lifting na bodi bilding. Mipela i gat tu ol yangpela husat bai stap insait long bowling na golf," Javono i tok.

Tim Isten Hailans bai i karim hoki na softball tim i go daun tu long dispela PNG Gem.

Javono i tok em i amamas tu long luksave olsem trening i go het gut aninit long sampela ekspirians kosa husat i wok long i go pas long lukautim ol trening.

Em i tok tu amamas tu long luksave long sapot bilong ol distrik administreta, lokal level gavman, ol MP long provins na gavana long bekim ap tim Isten Hailans.

Nau yet ol etlit long Isten Hailans i wok long kamapim ol trening long NSI long Goroka.

SPOT RAUN wantaim



SCOTT VAVINE, ML

Ol Provinsel Spots Opisa i mas wok

Dispela wik mipela bai lukluk long wok Huhu Lokel Level Gavman (LLG) i wok long mekim long strongim ol Komyuniti Spots Lida bilong ol, bai ol save moa long ol narapela 335 LLG long kantri.

Huhu LLG Eria Menesa, Mista Johang Papi, i bin statim dispela gutpela wok long Milen Be Provins.

Mista Papi i luksave olsem Milen Be i no bin inap long go long PNG Gems dispela yia, na em i statim wanpela trening program long helpim redim ol manmeri em i bilip i ken i kamap ol spot lida long redi long 2009 PNG Gems.

"Mi luksave olsem provins bilong mi i no go long PNG Gems long 2003, 2005 na 2007, na mi mekim disisen long redi long 2009 PNG Gems," Mista Papi i tok.

Wok Mista Papi i mekim i putim nupela mak we ol narapela LLG long kantri i mas kamap long en. Tasol hevi em, planti ol Provinsel Spots Opisa i no save soim dispela kain lidasip.

Em i namba wan wok bilong ol olsem ol opisa husat i save kisim mani o pe long mekim dispela wok long lukim olsem ol provins i stap insait long PNG Gems.

Mi skulim planti ol spots lida long kantri long helpim wok bilong ol Provinsel Spots Opisa.

Mi save wari tru long lukim olsem ol Provinsel Spots Opisa i no save soim lidasip.

Bikpela tingting bilong PNG Gems long ol pulim ol gutpela spotsmanmeri long ol ruel eria o ples long stap insait long ol dispela gems mekim kamap ol driman bilong ol.

Wok bilong Provinsel Spots Opisa em long wok bung wantaim ol distrik na ol LLG. Taim ol i mekim dispela, ol i luksave long ol gutpela spotsmanmeri long ol wan wan wod long ol LLG taim ol Wod Gem i kamap.

Dispela em bai kamap isi moa taim em i kamap long Provinsel Administresen Straksa na netwok bilong en. I nogat wanpela as dispela no inap kamap bikos i gat ol we long toktok i go kam na mipela i skulim planti manmeri pinis long mekim dispela kain wok.

Ol Provinsel Spots Opisa i bin i gat sans long i stap insait long planti ol ripots kos, woksop, na semina long taim bilong ol olsem ol Provinsel Spots Opisa. Ol i gat planti ol setifiket we ol i kisim long ol dispela bung.

Hevi mi lukim em les pasin na nogat strong long wan wan long kirap na mekim samting ol yet. Wok Mista Papi i mekim i opim rot bilong ol narapela LLG long bihainim.

Ol Atoriti long ol wan wan provins bai helpim sapos ol lukim ol Provinsel Spots Opisa bilong ol i mekim wok.

NCD salim 13-pela tim i go long PNG Gems

Natasha Bodger i raitim

TIM bilong Nesenel Kapitela Distrik (Tim NCD) i salim 13-pela tim i go long PNG Nesenel Gems we bai kamap long Lae dispela wiken.

Honk Kiap, tim menesa i tok ol i laikim bai NCD i tek pat long planti gem long wanem long tupela yia i go pinis we gem i kamap, NCD i save stap insait long tupela gem tasol na ol i no save winim gol o ol arapela medel.

Dispela ol tim we bai karim nem bilong NCD em Lon Bowls, Bodi Bilding, Weit-Lifting, Pawa-Lifting, Boksing, Etlitiks, Soka, Volibol, Golf, Dats, Ragbi Nains, Tas Ragbi na Netbol.

Moa long 200 manmeri na ol opisal bai stap long dispela grup we bai makim NCD long PNG gems.

Long wankain taim Kiap i tok ol i bin laik salim 18 tim i



MIPELA KAM: Tim NCD i redi tasol long bungim ol tim bilong ol arapela provins taim ol i resis agensim ol long 3rd PNG Gems long Lae.

go long Lae tasol sampela long ol i no peim ol rejitresen fi we bai wokim we bilong ol long go.

Em i tok planti ol tim i bin laik stap insait long dispela PNG Gems tasol i bin abrusim sampela mak na tu

ol i no kamap stret wantaim ol askim bilong PNG Gems.

Kiap i tok olgeta tim i bin kisim sapot bilong NCD Gavana Powes Parkop, we i lukim em i bin givim K200,000.00 i go long stretim ol tiket na ples bilong tim NCD

long slip.

Long dispela taim tu, Kiap i toktok strong long ol tim long stap gut na disiplin i mas stap namel long ol long wanem ol i karim nem bilong bik siti.

"Mi na menesmen bai i no inap givim sans long ol lain husat i bikhet long wanem mipela bilip olsem ol spots manmeri i mas gat pasin bilong harim na bihainim tok namel long ol," em i tok.

Gavman Printing long wankain taim i givim K1200.00 snot na kep i go long etletiks tim na ol opisal.

Maketing Divisin mausmeri Neroly Sailas i tok dispela mani ol i givim i kam long taim we ol i bilip olsem tim i mas i gat sapot bilong NCD.

"Mipela i givim long ol etletiks tim long wanem mipela i bilip ol bai mekim samting stret long PNG Gems long Lae," em i tok.


Tim Morobe kisim sapot

Paulus Tali i raitim

TIM husat bai lukautim Namba 3 PNG Gems, em Morobe i kisim bikpela luksave na sapot long tupela bikpela bisnis insait long provins.

Lae bai lukautim dispela namba tri nesenel gems, na ol arapela provins i wok salim ol spot tim bilong ol i go long Lae long redi long ol pilai we bai kirap long dispela wik Fraide.

Insait long dispela foto, Bisnis Menesa bilong Papindo Jerry Jurarbal i givim sekmani inap long K40,000 i go long Deputi Gavana bilong Morobe provins.



Tim Madang kisim helpim

Mina Evara i raitim

TUPELA basketbol tim long Madang wantaim soka tim bilong ol meri bai kamap long PNG Gems long Lae, Morobe Provins wantaim kala na stail.

Dispela em bihain long ol i kisim helpim long RD Tuna Grup ov Kampani wantaim biknem kampani insait long Madang yet, husat i saplaim ol wantaim nupela yunifom long putim taim ol pilaia long Lae long neks wik.

Mausman makim RD Joel Sarmenta i bin tokim ol nius lain long wanpela sotpela bung

we i bin kamap long Laiwaden long Tunde olsem Madang Provinsel Spots Kaunsil i bin askim ol long sampela helpim na ol i amamas tasol long helpim.

Mista Sarmenta i tok, helpim i liklik tasol em bilip bai em inap long helpim ol pilaia long karim nem bilong Madang long dispela bikpela pilai we bai kamap.

Em i tok olsem kampani i harim olsem ol basketbol tim bilong ol meri Madang bin win long 2005 na bai go bek ken long difendim dispela win na taitel we ol i holim na ol i amamas

tru olsem ol inap long helpim ol long wokim dispela wantaim dispela liklik helpim.

Presiden bilong Provinsel Spots Kaunsil, Peter Angasa long dispela taim bin givim bikpela tok tenkyu bilong em i go long RD long helpim we ol givim. Long wankain taim em bin mekim wanpela singaut i go long ol arapela bisnis haus insait long Madang taun long helpim.

Em i tok ol dispela lain bai karim pes bilong Madang na i mas i gat sampela sapot.

LAE BISCUIT CO.

LAE BISCUIT CO.
BIKPELA NA STRONGPELA

WANTOK

SPOTS

LAE BISCUIT CO.

LAE BISCUIT CO.
BIKPELA NA STRONGPELA

Isu 1738

Wan wik: Fonde, Novemba 15 - 21, 2007



TELIKOM PNG LIMITED
"your communication company"

OL GUTPELA SEVIS OFF-PEAK

Seivim 50% lon ol fon bills inap 14hrs lon wan wan dei na ful dei lon Sandei lon ol mobile na telefon lain!

Off-Peak Rates Monday to Saturday 5:30pm to 7:30am & All day Sunday.

BAND 1 KANTRI
NA DOMESTIK KOLS
TASOL

Email: hotline@telikompng.com.pg

KISIM MOA TOKSAVE LON OL TELIKOM BISNIS OPIS STAP KLOSTU LON YU.

GO TIM NCD



MIPELA KAM: Ol spotmanmeri bilong Tim NCD, i bin bung long kisim ol yunifom bilong ol i kam long NCD. Tim NCD bai resis wantaim ol tim i kam long wan wan ol provins. PNG Gems em i wanpela bikpela rot bilong painim ol spotsmanmeri bilong makim kantri PNG tu long ol bikpela intanesenel pilai.



Foto: Nicky Bernard

Ol masol man i redi...

NAMBA 3-PNG Gems em bai kirap long dispela wik Fraide na ol tim makim wan wan provins i wok long kisim sip, balus na taitim rot i go long Lae, Morobe Provins. Long Mosbi, dispela wik Tim NCD i bin kisim luksave bilong Nesenel Kapitel Distrik wantaim ol yunifom ol bai putim long Opening Seremoni long tumora. Ol dispela lain em ol bodi biling spotman bilong Tim NCD. Ol i redi long taitim masol bilong ol na mekim nem

- LUKIM STORI INSAIT LONG PES 35

INSAIT


Lukim ol wiken spot poto

PES 33

Tim Isten
Hailans salim
450 etlit
na
moa long
3rd PNG Gems

PES 35

FOOTI FIVA LONG BOROKO MOTORS



Bilasim insait long kar bilong yu wantaim FEIVARET TIM

From
K240.00
including GST

- Front Seat Covers
- Steering Wheel Cover
- Seat Belt Comforts
- Floor Mats

WHO DO YOU CALL?



Tasol

PORT MORESBY, LAE & Mt HAGEN
PORT MORESBY Ph: 325 5255 LAE Ph: 472 1144 Mt Hagen Ph: 542 1933
Email: info@borokomotors.com.pg Website: www.borokomotors.com.pg

Social Justice Sunday

2007 YEAR OF THE CHILDREN



A call to

- Protect, Guide, Teach and Care for the Children
- Build a better world for our Children
 - Families to Grow in grace
 - Have time to play
- Help children learn and develop their gifts
 - Have Health care for children

Extract from PNG Catholic Bishops Pastoral letter for the 2007 year of the children



Caritas PNG

The Justice, Peace, Relief
& Development Agency
of the Catholic Bishops
Conference of PNG

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.